

# WANT

Namba 1515 - Fonde Julai 24, 2003

NIUSPEPA BILONG YUMI OL PNG STRET

Peim K1 tasol

**WINIM  
K250  
PAINIM BAL  
RESIS!**

**INSAIT:**

**Pes 2: Jimmy Maladina**  
kisim 9-pela sas

**Pes 3: Palamen Wol Nius**  
Ripot - pes 13



**Kangaron  
Vs  
stori long  
baksait**



## PNG soldia go long Solomons

...90 soldia olgeta

Veronica Hatutasi i raiitm

PRAIM Minista Sir Michael Somare na Difens Minista Kappa Yarka i bin lusim kantri tude i go long Taunsvil, Australia long joinim Australia na ol arapela faivpela kantri bilong tok gutbai long ol soldia husat i go long Solomon Ailan bi long helpim stretim hevi we i bagarapim kantri na pipel.

Long wankain taim tu, namba wan grup bilong 30 soldia i bin lusim PNG aste Trinde na flai i go long Taunsvil bilong bungim ol arapela poroman bilong ol i kam long Australia, Nu Silan, Fiji, Samoa, Tonga na Vanuatu na stap insait long wanpela wik trening bipo sip i kisim ol i go long Honiara insait long Solomon Ailan. Ol wantaim 2,000 soldia bai i go stap insait long wanpela spesel operesen ol i kolim long "Operation Tropical Outfied" bilong kisim pait lidaman bilong Guadalakanal em Harold Keke na lain bilong em husat i skruim hevi long Wedakos na tu holim pas sampela pipel i stap. Hevi we Keke na lain bilong em i kamapim i bung wantaim ol arapela i bin go nogut long yia 2000 na dispela i bagarapim tru wok mani, gavman na lo na oda insait long Solomon Ailan.

Praim Minista Sir Michael Somare i tok PNG bai salim 90 soldia i go long operesen we moa long 2,000 amilain, plis na ol arapela manmeri bilong Australia, Nu Silan, Fiji, Vanuatu, Tonga, Samoa i stap long en. Australia i go pas long dispela operesen.

Em i tok Nesenel Sekyuriti Kaunsil i bin tok oraitim lo bilong

salim ol ami na plisman i go na olsem namba wan grup i go pinis aste taim namba tu grup i gat 60-pela soldia bai go gen long pinis bilong dispela mun.

Em i tok 30 plis mobail skwat memba bai i go tu bihain long tupela mun long helpim wantaim dispela Operesen Tropikel Autfil.

Sir Michael i tok Hai Komisina bilong PNG long Australia Renagi Lohia bai makim PNG taim ol sevenpele kantri i sainim agrimen long salim ol soldia na plis i go long Solomon Ailan.


Em bin tok bikpela samting we PNG bai helpim long stretim insait long spesel operesen ya em long kamapim luksave wantaim ol kantri husat i salim ol lain bilong ol i go long operesen long Solomon Ailan na helpim kamapim gut bek gen lo na oda long Solomon Ailan.

Foren Afeas Minista Sir Rabbie Namaliu i bin tok wankain lo we sevenpela kantri i kam aninit long em taim ol i kairmaut operesen ya bai karamapim ol soldia bilong PNG tu. Wanpela long ol em "shoot to kill" o tok orait long kilim birua man long dispela operesen.

Australia bai givim ol yunifom, ol gan, ol arapela samting long yusim long pait na peim K100 alauwens long wanpela de long ol soldia i stap long operesen.

Ol bai lukautim tu ol soldia i kisim bagarap long Taunsvil ami haus sik.

Sir Michael i tok ol lida bilong ol dispela kantri i stap insait long operesen bai bung long Gizo, Honiara long Ogas 6 na 7 long soim sapot bilong ol.



**Wesley Wito na Giwi Giamayung bilong ples Ufuaf long Mutzing eria long Makam distrik ikisim dispela traipela mumut long trep. Tupela i mekim trep na painim abus long taim bilong skul holidie long las wik tasol. Wesley na Giwi i mekim gret 5 long Ufaf komyuniti skul.**

*Foto: James Kila*

**Brian Bell**  
Shovel with a friend

ISTAP LONG OLGETA BRIAN BELL DIDIMAN STOA KLOSTU LONG YU

Prices listed for tools: 18.75, 22.00, 18.75, 18.75, 18.75, 18.75, 9.75, 22.00, 7.95.

# PLIS RIPOT

### Nesanel Kapitel:

PLIS i sasim na kalabusim 96 pipel husat i bin stap long Tete setelmen birua insait long Pot Mosbi we 10-pela pipel i bin dai long en. Dispela birua i bin kamap long las mun.

Deputi Plis Komisina Gari bai i tok ol i no larim ol sapek i kisim beil na ol i stap long Bomana haus kalabus wantaim ol wan wan sas long kilim dai narapela man.

Mista Baki i tok 86 long ol saspek ol i holim pasim na sasim ol i bilong dsauten Hailans na 10-pela i bilong Enga.

Em i tok ol bin holim planti long ol saspek insait long Tete Setelmen long Jun 26 taim ol plis i bin harim olsem ol lain hailans i go insait na kamapim trabel long Tete setelmen.

Tete setelmen long Gerehu insait long Nesanel Kapitel Distrik em planit Goilala pipel i stap long en.

Mista Baki i tok plis i bin kisim planit ol tamiok, busnaip na ol arapela samting bilong yusim long pait na kilim dai man wantaim.

Plis i bin painim bodi bilong ol lain we ol bin kilim dai, wanpela em liklik pikinini, insait long setelmen eria.

### Nesanel Kapitel Distrik:

Plis i tokaut long nem bilong ol pipel we ol bin kilim dai ol long Tete setelmen birua.

Nem bilong ol em Joshua Karua husat i gat 24 krismas, Philip Diaro Awui i gat 23 krismas, Tom Philip Aveai i gat 23 krismas, Keru Brian i gat 21 krismas, Steven Irop i gat 23 krismas na Max Kerua i gat tupela krismas. Olgeta ol dispela lain ya i bilong Goilala distrik long Sentrel provins.

# Jimmy sanap long kot

## ...9-pela sas bilong paulim mani long bekim

### Neville Choi i raitim

OLPELA siaman bilong Nesanel Providen Fan (nau ol i kolim NASFUND) Jimmy Maladina bai sanap long kot long Ogas 5 long bekim 9-pela sas bilong paulim mani.

Komitel Kot long Waigani i makim dispela taim bai kot long dispela 9-pela sas bai i go het.

Sief Plis Prosekyuta Thomas Eluh i tokim kot long ol dispela 9-pela sas we Frod Skwat yet i givim bihain long ol i mekim wanpela wok painimaut i go insait long ol ripot insait long Inkwairi bilong Nesanel Providen Fan.

Sas 1 na 2 i tok olsem Mista Maladina i bin askim wanpela wokman bilong konstraksen kampani Kumagai Gumi long K2.6 milien nogut em i stopim wok long NPF Tawa opis.

Sas 3 i tok olsem Mista Maladina i bin raitim wanpela agrimen namel long wanpela kampani na Kumagai Gumi long paulim mani.

Na ol narapela sas i tok olsem Mista Maladina i bin paulim mani bilong Kumagai Gumi inap long K2.6 milien.

Mista Maladina wantaim ol loya bilong em bai i bekim ol dispela sas taim kot i sindaun long Ogas 5.

Long Komitel Kot, Mista Eluh i askim kot long sampela samting i mas givim tok orait long en bai i go wantaim mani long lusim Mista Maladina i go fri taim em i wetim kot.

Em i askim kot long rausim 9-pela warena pepa long holim pas Mista Maladina bikos em i kam kamap long kot long laik bilong em yet.

Mista Maladina i toksave long kot olsem gavman bilong Australia i bin givim tok orait long em long kam long PNG long sanap long kot na dispela pepa we em i yusim long kam long PNG em i pinis na em i no inap long yusim moa.

Olsem na em i askim kot long luksave olsem famili bilong em i stap yet long Australia, na gavman bilong Australia i bin givim tok orait long em i nap go bek long Australia sapos famili bilong em i painim hevi, o long taim bilong imejensi.

Mista Maladina i tokim kot olsem ol loya bilong em i wok long toktok wantaim man i go pas long rausim paspot bilong em bai kot registri long Brisbane, Australia bai salim paspot bilong em i kam bai kot registri long Waigani bai i holim.

Ol narapela askim Mista Eluh i givim long Mista Maladina bai i stap inap long dispela kot bilong em i pinis.

Em i no inap long toktok o paulim ol witness bilong stet; em i mas go soim pes long Nesanel Kot Rejistra long olgeta Mande na Fraide namel long 9 kilok long moning na 4 kilok long apinun; em i noken lusim kantri na sapos em i mas lusim kantri, em i mas kisim tok orait long Nesanel Kot pastaim.

Kot i harim olsem tupela man husat bai i givim mani



• Sief Plis Prosekyuta Thomas Eluh (lephan) i toktok wantaim Jimmy Maladina (raithan) bihain long ol i sanap long Komitel Kot long Waigani long Tunde. Kot i makim Ogas 5 long Mista Maladina bai i go na sanap long bekim 9-pela sas olgeta. Mista Eluh i bin tokim kot olsem em i gat liklik wari long sekyuriti bilong Mista Maladina. Foto: JOE IVAHARIA

long sapotim Mista Maladina long Mosbi em i stap long Mosbi em brata bilong em Moses Maladina husat em i ministra bilong Agrikalsa na wok didiman na narapela em i wanpela praiwet loya, Oscar Yamuna.

Mista Eluh i bin givim sampela liklik toktok olsem Mista Maladina i mas lukautim em yet na i mas gat gupela sekyuriti bai em i nap long stap gut taim em i stap long kot.

Mista Eluh i tokim Wantok

Niuspepa olsem em i laikim bai Mista Maladina i noken kisim wanpela bagarap bikos em i mas bekim ol dispela sas long kot.

Em i tok olsem em i wanbel long Mista Maladina i kisim gupela tingting long kam bek na sanap long kot.

Em i tok tu olsem i gat narapela tupela loya we plis bai sasim ol tu long sampela paul pasin i bin kamap insait long dispela NPF Inkwairi.

## Gavman bai salim Harbours Bod long dispela via yet

INDIPENDEN Pablik Bisnis Koporesen (IPBC) i toksave pinis long Harbours Bod long redi bai ol i salim pastaim long Disemba long dispela ya.

Menesing Dairekta bilong IPBC i tokaut long dispela taim em i toktok long ol bikman bilong wanwan Harbours Bod pot insait long kantri.

Olgeta menesa bilong Harbours Bod i bin stap long Pot Mosbi long wanpela miting long las wik.

Mista langalio i tokim ol olsem ol i mas toksave long ol wokman bilong ol olsem ol bai redi taim gavman i pinisim olgeta hap toktok wantaim ol lain husat i laik baim se long Harbours Bod.

Em i tokim ol olsem taim praiwetaisesen bilong Harbours Bod i pinis, ol wokman bai i gat sans long kisim skul

bilong ol nupela posisen insait long Harbours Bod yet.

Mista langalio i bin tok klia long dispela praiwetaisesen program bilong gavman long las wik bihain long ol momba i askim gavman long tok klia long wok bilong IPBC.

Long dispela taim, Mista langalio i tokaut olsem gavman bai no inap long salim ol bisnis bilong ol we i save givim bikpela sevis i go long ol pipel.

Ol dispela bisnis em Harbours Bod, Telikom PNG na Post PNG. Em i tok olsem ol dispela bisnis em gavman wantaim IPBC i wok long traim na salim hap hap tasol bai ol pipel bilong PNG bai i gat se yet insait long ol.

Olsem na em i tokim ol menesa bilong Harbours Bod olsem gavman i givim tok orait pinis bai IPBC i salim

tasol sampela se insait long Harbours Bod na husat man o bisnis i laik baim planti se i mas lukluk long stretim sevis i go long ol pipel pastaim.

Komyuniti Sevis em i wanpela bikpela samting we planti manmeri i wok long wari long em insait long praiwetaisesen.

Planti man i wok long tok olsem sapos gavman i salim olgeta bisnis bilong em, ol praiwet bisnis bai baim na lus tingting long ol pipel i stap long ol liklik taun na rurel eria.

Mista langalio i tok olsem dispela em i wanpela bikpela samting we gavman i luksave.

Em tok olsem em i mas stap insait long olgeta agrimen we ol i mekim wantaim husat lain i laik baim ol dispela bisnis bilong gavman.

**TRAIN FOR SUCCESS!** Your CIC Certificate, Diploma, or Degree

Gain professional, accredited qualifications with expert British Training. Rapidly gain top jobs and high pay!

**Accredited Diplomas (£130 or US\$210):**

- \*English, Management, Personnel, Sales, Stores
- \*Accounts, Purchasing, Marketing, Advertising, PR
- \*Business, Hotels, Tourism, Computers, Secretarial

**Advanced, Honours & Post Graduate Diplomas:**

- \*Business, Accounts, Hospitality, Marketing, H.R.

**International Degree Programmes:**

- \* BBA and MBA in Business Administration

CIC is fully accredited in Britain and internationally by ODLOC, ICDE, BAOL, ASET and is Approved by the Papua New Guinea Ministry of Labour & Employment

For a FREE Prospectus write, fax or email to:

**CAMBRIDGE INTERNATIONAL COLLEGE**  
 PO Box 53, Southampton, SO14 0JY, Britain  
 Email: info@cambridgetraining.com  
 www.cambridgecollege.co.uk  
 Fax: +44 2380 337200

Name: \_\_\_\_\_  
 Address: \_\_\_\_\_  
 Age: \_\_\_\_\_

Fees include everything you need for success: Manuals, Exams, Guide, Tests, Assessment, Awards.

**TORO**

PESTAIM BILONG TORO I GO RAUN LONG GOROKA... EM BUNGIM PORO BILONG EM NA TUPELA RAUN...

OL I GO KAMAP LONG WANPELA HAUS WE OL MAN MERI KARIM LEG I STAP... TORO! YU MI GO KARIM LEK!

NAU TUPELA GO INSAIT NA LUKLUK INSAIT... ANDOMARIA! EM STAIL BLO MI STRET... HEY YU! KAM YU MI KARIM LEK!

NAU TORO KARIM LEK STRET... EM SAMTING TRU! MAI STAIL YAH! AAEEEE!! INO OLSEAN YAH! LUSIMA LEK BILONG MI!!

OL MERI BELHAT WILWILIM TORO I KAM AUT... A A AYOOO!! SKLIA LONG HIA!! MARIA PLIS FO-GIV MI!!

Ol palamen ripot wantaim Neville Choi

# Ol provinsel gavana bai bung long Kavieng

OLGETA gavana bilong wanwan provins insait long Papua Niugini bai bung long Kavieng long Niu Ailans provins long July 31 na Ogas long toktok long ol hevi long ol provinsel gavman.

Dispela bung i bin kisim tok orait bilong ol gavana long taim namba wan

bung bilong ol provinsel gavana i bin kamap long mun Mas long dispela yia.

Praim Minista Sir Michael Somare bai i go pas long opim dispela bung, we ol gavana i bin pilim olsem ol i mas gat moa taim long sindaun na toktok long ol samting i kamap insait long ol

provinsel gavman.

Minista bilong Inta-Gavman Rilesens, Sir Peter Barter i tok olsem ol dispela bung bilong ol gavana bai i stap long namba tu Mande bilong olgeta sindaun bilong Nesenel Palamen long lukluk long ol hevi olgeta provinsel gavman i save

pilim.

Wanpela bikpela samting we ol bai toktok long en, em wanpela polisi we Somare/Marat gavman i kamapim bilong lukluk long ol hevi ol bikpela taun na siti i save pilim.

Dispela polisi em ol i kolim 'Urban policy'. Em bai wanpela samting we

ol gavana bai paitim toktok long em taim ol i bung long Kavieng.

Sir Peter i tok llektrel Komisin, Dipatment ov Woks, Fainens na Treseri bai givim ripot long ol samting insait long ol provins, na ol bai toktok tu long takis ol provins i bai kolektim.

## Sir Mekere laikim nem bilong ol lain i no baim bek dinau

LIDA bilong Oposisen, Sir Mekere Morauta i askim Praim Minista Sir Michael Somare long autim nem bilong ol manmeri o bisnis husat i bin dinau mani long Papua Niugini Benking Koporesen (PNGBC) na i no baim bek.

Dispela askim bilong Sir Mekere i bin kamap bihain long em i painimaut olsem ol nem bilong ol dispela manmeri na bisnis i no bin stap insait long ripot biling wok painimaut i go insait long Benk Saut Pasifik (BSP) i baim PNGBC.

Inkwairi i bin harim olsem i bin sampela dinau long bikpela hap mani stret we benk i bin raitim of, tasol nem bilong ol lain husat i bin mekim ol dispela dinau i no bin kamap long inkwairi.

Sir Mekere i askim Sir Michael sapos em i save husat ol dispela lain benk i bin rausim dinau bilong ol.

Sir Michael i tok olsem sapos ol nem bilong ol dispela lain i no stap insait long ripot bilong inkwairi, ating i gat sampela pasin bilong wok bisnis we i tok olsem nem bilong ol i no nap go aut long pablik.

Em i askim Sir Michael long painim ol dispela nem na rausim insait long Palamen bai kantri bai save long ol dispela lain.

Sir Michael i tok olsem em bai painim aut wantaim ol lain long inkwairi sapos ol inap long tokaut long nem bilong ol dispela lain.

## Mausman bilong Saina raun long Hailans rijon

EMBESEDA o mausman bilong Saina insait long Papua Niugini, Li Zhengjun i bin go raun long Hailans long las wik.

Membra bilong Mul Baiyer, Kuri Kingal i bin askim em long go raun lukim ilektoret bilong em.

Taim em i go raun antap long Mul Baiyer, Mista Zhengjun i givim wanpela K10,000 sek mani i go long wanpela sab helt senta na ol samting bilong skul i go long Ukuni praimri skul.

Mista Zhengjun i givim mani na tok olsem em i amamas long givim liklik helpim i go long ol manmeri bilong Mul Baiyer bikos mani gavman bilong Saina i givim bai opim ken ol sevis sab-helt senta i save givim na ol sumatin bilong Ukuni bai i nap skul gut wantaim ol samting gavman bilong Saina i givim.

Dispela sab-helt senta i bin pas long tupela yia i go pinis bikos long ol bikpela pait i bin bruk namel long ol pipel long hap.

## Ol groa laikim nupela we bilong groim kakao



• Ol smolholda groa bilong kakao i wok long painim ol nupela we long groim moa kakao bilong salim na kisim mani.

OL KAKAO groa insait long kantri i laikim nupela we bilong groim kakao bai ol liklik groa inap long kisim wankain helpim i kam long kakao indastri.

Ol i tok olsem i gat wanpela nupela we blong groim kakao we ol groa insait long Morobe na Isten Hailans provins i wok long traim.

Dispela sistem ol i kolim Smolholda Sapot Sevises Pailot Projek (SSSPP).

Wanpela woksop we i bin kamap long Kokopo long Is Niu Briten long las wik i harim olsem dispela SSSPP program i wok long ron gut bikos planti manmeri husat i save groim kakao i laikim bai dispela sistem i wok insait long provins bilong ol.

Dispela sistem i givim sans long ol groa long kisim helpim long ol agrikalisa sapot sevises. Ol i tok olsem planti groa i kisim bikpela helpim long dispela sistem.

Dispela sistem i save wok olsem. Ol groa i save laikim ol ekstensen sevis o helpim bilong draim kakao bilong ol na ol liklik skul long we bilong groim na draim kakao bilong salim.

Aninit long dispela nupela sistem, ol groa inap long kisim dispela kain helpim bikos ol groa husat i gat bikpela lain kakao bai kisim moa helpim long dispela kain sistem. Na sapos ol groa i kisim moa helpim, ol bai inap long groim moa kakao.

Moa long 100 kontrak bilong givim ol helpim i go long ol groa i go pinis long ol ekstensen program long ol wanwan viles insait long Morobe na Isten Hailans.

Planti long ol kakao groa husat i sapotim dispela nupela sistem i tok olsem helpim ol i save kisim em i winim prais bilong pulim dispela sistem i go long ol narapela provins long kantri.

# Ol memba i les long ol toktok nating

OL memba bilong Palamen i les pinis long toktok tasol na nogat wanpela senis i kamap long kantri.

Long las de bilong Palamen i sindaun pastaim long ol i bruk i go inap long September 9, ol memba i sanap long autim tingting bilong ol long wok bilong ol.

Gavana bilong Bogenvil, John Momis i tok olsem ol lida i save mekim ol disisen we sampela i nogut, tasol planti em ol gutpela disisen bilong kamapim developmen. Tasol ol pablik seven i no save harim tok na bihainim gut

ol dispela disisen.

Mista Momis i belhat wantaim na tokim Palamen olsem ol pipel bilong Papua Niugini i nogat bilip long ol yet, olsem na kantri i bagarap.

Em i tok taim Palamen i save mekim disisen, ol pablik seven i no save bihainim. Nogat, ol i save yusim ol posisen bilong ol long mekim ol disisen we bai ol yet i kisim kaikai long en.

Mista Momis i tok olsem ol memba na minista i noken makim ol poroman o wanfamili bilong ol i go long ol posisen long pablik sevis

sapos ol i save olsem ol i nogat save long mekim dispela kain wok.

Em i tok taim ol minista i save makim ol poroman bilong ol yet i go long ol dispela kain posisen, ol i no save long mekim gut wok na kantri i save bagarap.


Em i tok dispela kain pasin tasol na PNG i save baim ol pipia kaikai bilong ol narapela kantri na harim toktok bilong ol lain i kam long ovasis long kivim helpim.

Mista Momis i tok olsem em i taim bilong katim sevis, na putim ol save man na meri bilong PNG yet i go long ol dis-

pela posisen na i no ol poroman o famili husat i nogat wanpela save long mekim ol dispela wok.

"Yumi mas harim toktok bilong ol pipel bilong yumi, na noken harim toktok bilong ol ausait lain," Mista Momis i tok.

Em i tok olsem gavman i mas lukluk long katim pablik sevis i go hap na givim trening long ol lain bai ol inap long go bek long ol ples bilong ol na mekim wok. Em i tok olsem bikpela hap long ol manmeri long PNG i stap long ol rurel erias, so pablik sevis i mas i go daun long ol long ples yet.



• Long Mosbi siti, sapos yu nogat kar, em bai yu mas kalap long ol PMV bas long go long wok. Sapos yu gat mani, ating bai yu kisim teksi. Tasol wanpela wokman bilong mipela i bin kirap nogut taim narapela poro bilong em i kalap long wanpela bekho (bikpela masin bilong dikim graun) na i go long wok. Kalap long bekho na go long wok, stal ya. Na sapos plis i holim em?

• Wanpela memba i mekim strongpela askim i go long Edukesen Minista long las wik Fonde taim palamen i bung. Em i pulim toktok i go i go na Spika i askim em sapos em i askim kwesten pinis. Tasol em i tok Minista i klia pinis long kwesten bilong em. Spika i tokim em long sindaun na Minista bai bekim ol toktok bilong em. Tasol memba i sanap gen na tok, Mista Spika, wanpela hap moa mi pinisim pastaim. Olgeta memba i lap indai stret. Mekim na mipela ol pablik tu i lap indai.

• Stretim ol lait long ol strit i gat haus long en wantaim ol liklik strit we bai i helpim long strongim sekyuriti bilong pablik long siti.

Planti strit lait long ol eria we pipel i stap long en i no wok. Sampela man i tok sapos ol i stre-tim ol lait klostu long ol eria i gat haus, dispela bai mekim ol raskol i tingting gut pastaim bipo ol i laik wokim trabel. Lukluk tu long ol strit lait long ol liklik han rot na i no long ol bikpela rot na friwe tasol.

• Wanpela tingting we gavman na ol bikman i ken lukluk long en em mekim edukesen i fri long ol rurel eria na dispela i wanpela rot we i ken givim bikpela tingting long ol lain i sindaun long ol setelmen long taun na siti insait long kantri long go bek long asples bilong ol.

Long wankain taim tu, ol manmeri long siti i tok ol i sapotim tingting bilong NCDC na gavman long sasim fi long wara i go long ol setelmen. Taim i hat tumas nau na long planti yia, ol setelmen i kisim fri wara taim ol woklain insait long siti i save baim bikpela mani long wara. Wara em i laip, tasol em i no moa fri sapos yu stap long taun.

• Taim Palamen i sindaun long las wik, planti memba tru i wok long autim tingting bilong ol olsem gavman na oposisen i mas wok bung wantaim.

Planti ol yangpela memba i wok long kisim dispela kain gutpela tingting nau. Tasol long Nu Ailan, ol kain liklik politiks i wok long bagarapim wok yet. Ol lain PANGU long Kavieng i wok long kros i go kam wantaim ol lain PPP long Namatanai.

Wanpela 'Nil Pis' i les pinis long dispela kain kros bilong ol liklik mangi. Em i tok: "Mipela sindaun long wanpela rip tasol, na ol dispela lain ya olsem wanem? Tingting long ol pipel na noken ting olsem yu winim ieksen na i gat pawa long mekim mani bilong yu yet. Nau em i taim bilong wok bung wantaim."

# Pasifik Senta egensim Australia long Solomon Ailan

Veronica Hatutasi i raitim

SINGAUT i go long Solomon Ailan na ol Pasifik Ailan gavman long glasim gen tingting bilong ol na larim Yunaitet Nesen wantaim intenesenel komyuniti i go insait na stretim hevi long Solomon Ailan.

Pasifik Konsens Risos Senta (PCRC) em wanpela NGO i beis long Suva we i save makim maus bilong ol pipel olsem rijen i mas stap fri long ol nuklia posin na rijen i mas fri na gat independen gav-

man bilong em yet i mekim dispela singaut, maski Australia i go pas nau long sevenpela Pasifik kantri i salim moa long 2,000 amilain na plis i go long Solomon Ailan bilong stretim hevi long lo na oda na ol arapela moa.

PCRC i bin salim wanpela toktok long dispela wik olsem em i no wanbel Australia i go pas long salim militeri i go stretim hevi long Solomon Ailan.

Ogenaisesen i tok sapos Australia i wari tru na i laik helpim ol Solomon Ailan pipel, em i mas lus tingting long

pasin we em i ting olsem em i bos na tu, noken bihainim plen we Australian Strategik Polisi Institut (ASP) i redim na tok, "Solomon Ailan i pondau na dispela i kamapim hevi long ol bisnis invesmen bilong Australia.

Senta i no wanbel stret long ASP we i plen long kirapim wanpela gavaning kaunsil na putim 12-pela bikman bai stap insait long em, wanpela amilain i sambai, 20-pela loman i stap long en ol lain we bai lukautim ol kalabus, wanpela akaunten grup na ol fainensel menesa long lukautim wok

mani. Em i tok nogat toktok i stap we i givim sans long ol asples Solomon Ailan pipel i wokim ol disisen long wanem kain gavman ol i laikim.

Em i tok insait long wanpela bung antap long Te Kaha em nevisip bilong Nu Silan we samting olsem 150 Solomon Ailan pipel i bin stap long em i makim ol sios, ol meri na yut grup, ol bisnis haus, ol sief bilong ples na komyuniti, ol bin laikim bai Yunaitet Nesens yet i go insait long stretim hevi long Solomon Ailan.

## Ambaseda Sinclair amamas long wok igo het ... PPCC bung harim ripot

Veronica Hatutasi i raitim



•Embada Noel Sinclair

KOMITI i monitaim wok bilong stretim Bogenvil hevi na tu, wok bilong lusim ol gan i bung long tupela de long Buka long toktok long ol wok go het i kamap inap nau.

Bung i bin stat tude na bai pinis tumora.

Ol i kolim dispela komiti long Pis Proses Konsaltativ Komiti (PPCC) we i gat lain i makim Nesenel Gavman, ol Bogenvil lida i kam long ol wan wan grup olsem Bogenvil Interim Provinsel Gavman (BIPG), Bogenvil Pipels Kongres (BPC), Bogenvil Revoluseneri Ami (BRA), Bogenvil Liberesen Fran (BRF) o resistens grup na ol sief i stap long en.

Siaman bilong PPCC na bos bilong Yunaitet Nesens Obseva Misin long Bogenvil (UNOMB) Ambaseda Noel Sinclair i tok long dispela bung,

bungim ol dispela kontena long wanpela namel ples. Wanpela ki i go long eria komanda na narapela i go long han bilong UNOMB. Namba tri na fainol stej em long lusim o bagarapim ol dispela gan.

Nau yet, sampela distrik i pinisim Stej 2 na sampela hap em ol i nogat.

Dispela em bikos sampela hevi i bin kamap we sampela lain eks paitman grup long saspela eria olsem Piva long Torokina, Tinputz na Sapos long wes kos i bin brukim ol Stej 2 kontena na rausim ol gan. Mak bilong ol gan ol bin stilim long Torokina i stap namel long 30 na 40. Dispela Stej em i wanpela bikpela level bikos sapos ol i pinisim, Bogenvil i ken kirapim nupela otonomi gavman bilong em we em i wok long redi gut tru long em. Namba tri hap em ol i mas mekim disisen long wanem samting bai kamap long ol dispela

gan ol i bungim wantaim na putim i stap long ol kontena. Ol bai bagarapim ol o olsem wanem long ol.

Ambaseda Sinclair i tok ol wok long bungim ol gan i go gut na lain bilong em wantaim ol Bogenvil Trengiseneri Tim (BTT) husat i bin kisim ples bilong Pis Monitoring Grup (PMG) taim ol i lusim Bogenvil long pinis bilong las mun, i wok long go long ol komyuniti na toktok wantaim ol pipel na skelim sekyuniti na sefti level ol i pilim long dispela taim insait long Stej 2 program level bilong lusim ol gan.

Ambaseda Sinclair i tok long dispela wik, ol eria insait long Sentrel Bogenvil i stap long hap we gavman i sindaun long em bai wokim laspela seremoni long bungim ol gan long Strej wan level. Seremoni i kamap long ples Rumba na ol eks paitman i bungim 13-pela gan.

Em i tok antap long program bilong bungim

ol gan long Stej 2 level, grup bilong em i wok long go insait long ol komyuniti na kisim toktok bilong ol pipel long level bilong sekyuniti ol i pilim, putim ol eks paitman lida long lukautim sekyuniti bilong ol kontena i gat gan long ol, wok long kisim bek ol gan we sampela eks paitman i bin rausim long Torokina, redim na kari-maut ol sekan na bel isi pasin wantaim ol lida na lain i bin gat birua namel long distrik na provins na strongim level bilong luksave o no pret long wanpela samting namel long ol komyuniti.

Em i tok long lukluk bilong em, ol komyuniti i wok long pilim fri na dispela yet i soim olsem situesen na stap long ailan i wok long go orait.

Em i tok i gat ol sampela salens i stap tasol ol wok i wok long go het wantaim pasin bilong bel gut na em i amamas.

Em i tok grup bilong em i wok bung gut wantaim ol BTT na ol i wok long raun bungim ol pipel na holim ol miting long olgeta hap bilong ailan.

## HAP HAP NIUS

### Pasin bilong ol pipel bagarapim turisim

PASIN bilong ol pipel bilong Papua Niugini i wok long bagarapim turisim indastri insait long dispela kantri.

Dispela em i toktok bilong Minista bilong Sivel Eviesen Don Polye.

Mista Polye i bin kam bek long wanpela kibung bilong ol minista bilong Sivel Eviesen long olgeta kantri long Pasifik.

Em i tok olsem planti liklik kantri long Pasifik i wok long yusim mani i kam long turisim tasol long lukautim kantri bilong ol bikos ol i nogat narapela we long kisim mani.

Em i tok olsem pasin bilong ol manmeri long ol dispela kantri i senis pinis na ol i save laikim ol manmeri bilong narapela kantri i go long kantri bilong ol long lukim ol naispela samting.

Long PNG, em i tok olsem mipela i gat planti samting we ol turis i save laik kam na lukim, tasol pasin bilong ol manmeri tasol i save bagarapim dispela.

Em i tok olsem PNG i mas lukluk strong long rausim ol kain hevi olsem stil pasin, ol kain kain setelmen we i wok long bagarapim ol bikpela taun na siti bai on raskol i no inap long hait.

Mista Polye i tok olsem sapos PNG i laik mekim mani long turisim, ol pipel i mas senisim tingting bilong ol na kisim pinis na developmen.

### Madang edukesen ripot kamautim planti asua

RIPOT bilong wanpela wok painimaut i go insait long edukesen opis bilong Madang provins i tok olsem planti samting i no stret.

Dispela ripot we i kamaut pinis long pablik, i tok olsem i gat planti hevi olsem ol wokman i no harim tok bilong ol bos, kain kain toktok long pamuk pasin na mani i paul.

Wok painimaut i go insait long Madang edukesen opis i bin kamap bihain long PNG Tisa Asosiesen (PNGTA) na Pablik Employis Asosiesen (PEA) i bin givim sapot bilong ol.

Nau dispela ripot i kamaut na i tokaut olsem ol manmeri husat dispela wok painimaut i mekim rong bai i mas kisim mekimsave long ol rong bilong ol.

Man i go pas long dispela wok painimaut, Ben Lange i tok olsem sampela wokman long dispela opis i lusim wok pinis tasol ol i bin kam bek long wok gen bihain long ol i painim olsem i nogat ripot i soim klia long sasim ol.

Tasol tripela opisa bai i mas sanap long kot bihain long ripot i tok olsem ol i paulim moa long K19,000 we ol i mas baim balus tiket bilong ol tisa long krismas long las yia.

Preisden bilong PNGTA long Madang George Irum i tok olsem em i no wanbel wantaim dispela wok painimaut na ripot. Em i tok olsem em i no amamas long we ol opisa i mekim dispela wok painimaut.

## Saina laik helpim Wawin Sekonderi

GAVMAN bilong Saina i laik sponsaim ol sumatin i pinisim Gret 12 long Wawin Nesenel Hai skul long Morobe provins long ol yunivesiti long Saina yet.

Na Edukesen Dipatmen i askim ol lain i pinisim Gret 12 long Wawin Hai long dispela yia long salim pas sapos ol i gat laik long dispela ofa we gavman bilong Saina i putim i go long ol.

Edukesen Seketeri Peter Baki i tok aninit long skolasip we gavman bilong Saina i givim long Wawin Sekonderi, tupela sumatin em wanpela man na wanpela meri bai kisim helpim. Dispela skolasip bilong Saina i go long ol Wawin sumatin bai stat long mun Septemba long dispela yia na bai go inap long yia 2005. Long tripela yia, mak bilong ol sumatin husat bai go skul long Saina

aninit lobng skolasip em siksipela.

Mista Baki taim em i tok tenkyu i go long gavman bilong Saina i bin tok Saina i givim bikpela helpim logn developim humen risos bilong PNG.

Em bin tok gavman bilong Saina i bin helpim long bildim Wawin Nesenel Hai skul na nau ol i laik skruim dispela wok pren wantaim PNG na ofaim ol skolasip helpim long ol Gret 12 sumatin husat i pinisim skul long dispela yia.

Mista Baki i tok husat Gret 123 sumatin long Wawin i gat laik long dispela skolasip ofa i ken rait long dispela etres: Secondary education Scholarship Office, Department of Education, FINCORP Haus, P O Box 446, Waigani, NCD. Phone: 3013366 o Feks: 3013336





• Gavana James Yali i bin rausim olupela etministreta Clant Alok na nau yet i nogat etministreta.

## Madang i nogat etministreta yet

Celestine Ove i raitim

I KAM inap nau, Madang provins i nogat provinsel etministreta yet.

Gavana James Yali i bin rausim olupela etministreta Clant Alok long las yia bikos em bin paulim pablik mani.

Fes seketeri bilong gavana bilong Madang John Mona i

bin tok provins i mas gat etministreta bikos em i mas go pas long ol wok bilong karimaut ol polisi bilong gavman.

Mista Mona i tok Dipatmen bilong Pesenel Menesmen bai karimaut ol wok painimaut long dispela samting.

Long ol nius ripot, Gavana Yali i givim pinis ripot long

askim gavman bilo g makim nupela etministreta bilong Madang.

Long wankain taim tu, Provisnel Gavman i wok long bung long dispela wik wantaim ol nesanel Palamen memba bilong ol long toktok long ol sampela bikpela samting we i karamapim provins long en.

## Is Sepik bungim hevi long piul i sot

IS Sepik provins i bungim hevi long piul i sot, ol ripot i tok.

Dispela i givim hevi long pablik na ol bisnis haus insait long provins.

Wosera Gawi memba Gallus Yambui i bin tokaut long dispela samting.

Em bin tok planti pipel i save yusim piul long mekim wok bilong ol, long go long wanpela ples i go long narapela olsem long rot we ka i nidim piul, antap long wara na solwara long yusim long ronim motobot na long yusim long lait insait long ol ples na taun eria.

Petroleum na Eneji Minista Sir Moi Avei i bin tok em bai lukluk long dispela samting.

Em bin tok ol komesel wok long salim ol piul we ol bikpela piul kampani olsem Shell, BP na Mobil i no kam aninit long em. Sapos wok eksplorasen o wok painimaut we ol maining kampani i mekim, dispela i kam aninit long em.



• Ol pikinini na mama bilong Madang provins i laik holim wanpela selebren na ol i redim ol samting i stap. Fail Foto



• Ol yangpela malolo arere long mine site long Kumbrukari we Ramu Nikel Kampani i papa long em. Fail foto

## Wok long Morobe Golfils na Hiden Veli i go gut

Veronica Hatutasi i raitim

KONSOLIDETET Golfils Limitit em kampani we i wok long developim Hiden Veli na Wafi Golfil long Wau insait long Morobe provins i sapotim rot gavman i bihainim long wokim ol samting long pulim moa mani i kam insait long kantri. Na em i tok gavman i bihainim raitpela rot.

Ekstene! Afeas Menesa bilong Morobe Konsolidetet Gols kampari Peter Leahy i tok long dispela taim kantri i bungim hevi long mani i sot, PNG i mas pulim ol bisnisman i kam insait long kantri.

Long toktok bilong em long wanpela lans long Lae we Lae Semba ov Komes i bin putim kamap. Mista Leahy i bin tok nupela jeneresen bilong main developmen, kantri i nidim Morobe Konsolidetet Golfils

na Hiden Veli na i no bilong kamapim moa mani tasol tu long pulim moa bisnis lain i kam long kantri.

Em i bilip olsem ol sampela arapela bisnis lain ausait i lukim wok bilong Hiden Veli na Wafi Gol na ol i kisim strongpela tingting long kam insait na wokim bisnis long PNG.

"Tru mipela i stap na isis isi ol arapela lain i lukim mipela i wok long tok, ol i stap yet na karimaut wok. Mipela i ken wokim wankain samting tu," Mista Leahy i tok.

Em i bin tok amamas long gutpela sapot we Morobe Provisnel Gavman na etministreta i givim long tupela kampani ya.

Em i bin tok moa maining kampani i mas kam insait long karimaut ol wok eksplorasen o painim ol minerel tasol long wankain

taim tu, wok i no go hariap long Ramu Nikel na ges paipain projek.

Em i tok planti lain i laikim bai Wafi na Hiden Veli projek i mas go eht.

Sief Eksekutiv bilong Morobe Konsolidetet Golfils Kampani George Niumataiwalu i tok ol wok stadi long tupela projek i klostu pinis nau na kampani bai tromoim K20 milien long pinisim olgeta wok stadi na wok redi bipo ol wok i stat.

Em i tok long nau, ol i yusim tripela drii masin long wok painim bilong ol long gol na kopa minerel we ol i tromoim pinis K6 milien long ol. Long pinis bilong dispela yia, ol bai tromoim narapela K4 milien.

Em bin tok tru ol kos i antap, ol i amamas long gutpela risal ol i kisim i kam inap nau.



## Wok painimaut long kondom insait long Diana tinpis

WOK painimaut i stat pinis long painim as tru watpo kondom o karamap i bin stap insait long tin bilong Diana tinpis we wanpela famili i bin baim long wanpela stua long Lae.

Na dispela i no namba wan taim wankain samting i kamap, em i namba tri taim nau tasol em i namba wan taim ol i ripotim dispela i go long ol CID plis husat nau i mekim wok painimaut long as bilong dispela samting.

Ol ripot i kam long Lae i tok long Sarere Julai 12, Ben Doni em papa bilong Lina Doni i bin baim wanpela Diana tuna tinpis long stoa.

Famili ya i bilong Joseph Staal insait long Madang provins. Na tinpis ya em RD Tuna kampani we i beis long Madang yet i wokim long faktori i stap long Madang, ausait long taun eria tasol.

Ben Doni i bin baim Diana tinpis na givim long pikinini meri bilong em long kukim long kaikai bilong ol long Sande. Taim rais i kuk pinis, em bin opim tinpis na em i lukim wanpela kondom o karamap i flot insait long tinpis.

Taim em i lukim dispela, em i singaut na dispela i mekim olgeta lain famili bilong em i ron i go lukim wanem samting i kamap. Ol i lukim tu wanpela kon-

dom i flot insait long Diana tinpis we Lina i bin opim i stap.

Ol i go aut long strit wantaim dispela tin na ol lain i stap long strit i bung nau long lukim wanem samting i kamap na ol lain i wokim planti nois i stap. Ol i lukim tu dispela tinpis i op i stap na kondom i flot insait long tinpis ya.

Orait, wanpela CID plis i bin go na kisim piksa long dispela birua tinpis na Doni famili i bin givim ripot i go long plis long dispela long Mande.

Orait, plis i bin go long RD Tuna faktori long mekim wok painimaut long dispela samting na toktok wantaim investigesen opisa Bernard Mingnaut. Em bin tokim ol olsem em bai mekim wok painimaut long dispela samting long sait bilong kampani na givim ol tupela tinpis.

I kam inap nau, plis na Doni famili i no kisim wanpela ripot i kam long RD Tuna kampani long dispela samting.

Ol ripot i tok Francis Gem husat i bin givim ripot long dispela samting i bungim pinis ol witnes bilong em na em i redi tasol i stap.

Em i bilip olsem dispela em i namba tri taim long pablik i painim kondom insait long Diana tinpis tasol em i namba wan taim ol i ripotim samting ya i go long ol plis.

# Goroka fama planim wit na wokim bret na skon

James Kila i raitim

WANPELA man long ples kama namba-tu viles klostu long Goroka taun i mekim wanpela samting we i winim tru lewa bilong planti manmeri stret.

Em i yusim wit long gaden bilong em yet long wokim wit, bret na skon bilong salim.

Nem bilong dispela lokol fama em Nami Yangotona na em i gat 40 krismas.

Dispela man i save wokim ol bret na skon bilong em long Kama eria klostu tasol long PNG Institiut ov Medikol Rises.

Yangotona i planim wit na bihain em i kisim ol pikinini bilong wit na memeim na wokim i kamap olsem paura na wokim bret na skon.

Dispela man em wanpela hap man tru long kamap wantaim ol bret na siril taim em i yusim o lokol gaden kaikai.

Em i stori olsem dispela

interes bilong em long wokim bret na skon i bin kamap taim em i bin wok olsem wanpela baibel skul tisa taim em i stap long Kevamugl long Simbu provins.

"Taim mi wok long tisim ol sumatin long tok bilong Papa God na tu mipela i yusim ol gaden kaikai long kamap wantaim ol narapela samting mi amamas tru olsem ating dispela em wanpela gutpela wok we i ken helpim sindaun bilong mi bihain," Yangotona i tok.

Yangotona i gat wanpela haphekta gaden wit em i planim long ples bilong em long Kama namba-tu viles.

Em i tok tu olsem sampela ol kastoma bilong em husat i save givim oda long kisim bret na skon bilong em em ol lain olsem Marquill Press, Gehamojuha hauslain long Kama, PNG Motors na ol narapela lain pablik long Goroka husat i testim na laikim dispela bret.



• Nami Yangotona (lephan) i soim ol bret na skon em i mekim long wit plawa em yet i groim.  
Poto: James Kila

Yangotona i save skulim tu 5-pela yangpela meri long wokim bret na skon yusim o lokol gaden kaikai wantaim wit.

Dispela liklik bisnis man i bin soim ol prodak bilong em i no long taim i go pinis long PNG Kofi Festival na to long Wol Fud Dei selebresen long Goroka. Em i bin go tu long Morobe so na Mt Hagen So long soim ol prodak bilong em.

"Tru tumas, planti manmeri i bin amamas tru long lukim ol samting mipela i putim long displei," Yangotona i tok.

## Hailans Haiwe wetim mani kam long ol provins

WOK bilong stretim Hailans Haiwe i no go het yet bilong wanem 5-pela provins insait long Hailans rijon i no givim se bilong ol long go wantaim mani bilong nesenel gavman aninit long dispela program.

Minista bilong Works, Gabriel Kapris i givim wanpela ripot long Palamen long las wik we i soim olsem olgeta provins long Hailans i no givim hap mani we bai gavman inap long bungim na wok bai inap long go het.

Wan wan provinsel gavman insait long Hailans i mas givim K4 milien i go long dispela projek long stretim Hailans Haiwe we nesenel gavman i mekim wantaim helpim bilong Asian Developmen Benk (ADB).

Dispela projek wantaim ADB i bin kamap long 1999.

Long ol wanwan provins long Hailans, Enga provins i mas baim K1.3m yet; Westen Hailans i mas baim yet K3.5m; Simbu K3.4m; Isten hailans K3m; na Sauten Hailans K3.2 milien.

Mista Kapris i tokim Palamen olsem wok long stretim Hailans

Haiwe i wok long ron isi bilong wanem ol i mas gat ol hap mani we ol provins i mas baim.

Long 2000, gavman na ADB i tilim US\$63 milien long karamapim 607 kilomita long rot.

Long dispela taim inap long nau, 31km tasol i pinis.

120km, ol i wok long wok long em nau, na 80km i stap yet.

500km em ol i wok long stretim aninit long wanwan program bilong rot bilong ol wanwan provins.

Morobe provins i kisim pinis US\$5 milien blong putim kolta long rot i stat long 2-mail i go inap long Nadzab epot.

Rot bilong haiwe i stat long Kassam Pas i go inap long Goroka i bin stat long 2001 wantaim K20 milien. Tasol Mista Maladina i tok olsem ol bai kisim K5 milien moa i kam long AusAID bai ol i putim wanpela moa kolta i go antap long dispela hap rot.

Dispela projek bilong Hailans Haiwe i bin kisim planti askim tru i kam long ol memba bilong Hailans Rijon.

## Hevi bilong sik bilong potato inap long K10m

WANPELA sik i bin bagarapim potato insait long Hailans rijon long stat bilong dispela yia inap long K10m.

Minista bilong Agrikalsa na wok didiman, Moses Maladina, i tokaut long dispela long Palamen long las wik.

Dispela sik i bin bagarapim stret ples we ol fama i save groim planti potato insait long Hailans.

Taim dispela sik i bin kamap, em i bagarapim planti potato stret na i sotim kantri long potato.

Mista Maladina i tok olsem nau yet kantri i sot long potato bikos long dispela sik nogut.

Olsem na PNG bai kisim potato i kam long Australia.

Em i tok olsem gavman i wok long putim was long potato i kam insait long kantri long boda bilong PNG na Indonesia.

Mista Maladina i tok olsem dispela sik nogut i bin stat long February long dispela yia na i bin kamap long Isten Hailans long April 2003.



• Minista bilong Agrikalsa  
Moses Maladina.

Ol ripot i kam long ol fama long Wes Sepik i tok olsem sik i wok long bagarapim ol potato long hap tupela yia nau.

Mista Maladina i tok olsem dispela sik tasol i wok long bagarapim potato na ol manmeri i no kaikai potato moa.



## TOKSAVE

PNG Waterboard aninit long lo bilong lukautim wara saplai sevis igivim pablik helt toksave long olgeta manmeri isave kisim wara long praiwet wara saplai sistem. Yupela mas boilim wara pastaim na dringim o yusim.

PNG Waterboard iting olsem planti opereta bilong wara saplai sistem ino save putim marasin long wara long kilim ol gems na tritim wara bipo long saplaim igo long ol hauslain. Olsem na long lukautim pablik helt na gutpela laip bilong ol manmeri, ol dispela praiwet opereta mas bihainim lo bilong wara saplai sevis ol ikolim National Water Supply and Sewerage Act 1986 na saplaim wara aninit long rul bilong wara saplai em World Health Organisation iputim na Waterboard isave bihainim.


PNG Waterboard bai wok strong aninit long Licensing, Monitoring and Compliance lo bilong lukautim wara saplai sevis long lukautim na mekim kamap gutpela helt bilong olgeta manmeri. Dispela wok em igo wantaim het toktok bilong Waterboard, em long "Lukautim wok bilong wara saplai sevis igo long olgeta siti, taun na ples long wei igutpela long envairomen long kamapim gutpela laip na sindaun bilong ol manmeri".

Long kisim moa toksave na tok kliia ringim ol wokman, Mr Gabriel Kanamba o Mr Alfred Walne long telefon namba: 323 5700; feks namba: 325 8939.

Authorised by:

Mr Patrick Amini, OBE  
Menesing Dairekta

## Manubada i swit tumas



• Wanpela prea grup bilong ol yut long Taikone i lusim ailen Manubada long ol spit bot na laik i go bek long ples. Ol i amamas long stap bilong ol long ailen we ol i bin lotu, kaikai, pilai, huk, swim na silip. Ples bilong ol i no longwe long Manubada, ating klostu long 10 minit ron long spit bot tasol. Foto: ROBERT WILLIAM

## NCD gat nupela bod

GAVMAN las wik i makim ol nupela memba bilong Nesenel Kepitol Distrik (NCD) Bod na wok bilong ol bai stat taim ol i kisim promis long holim dispela opis.

Ol memba bilong dispela bod em, Michael Malabag, husat i makim ol yunien na i siaman bilong bod tu, Kila Rupa Amini, husat i makim ol meri, Bisop Cherubim Dambui, husat i makim ol sios, David Conn, husat i makim ol bisnis na profesenel grup na Mek Onguglo, husat i makim ol setelmen.

Gavman i no makim husat bai makim ol yut yet bikos bodi Nesenel Yut Kaunsil o bodi we i save lukautim ol yut long kantri, i no moa stap.

Nau narapela bodi we i save lukautim ol yut em Nesenel Yut Komisen bai makim sampela lain husat inap sindaun long dispela posisen.

Presiden bilong Motu Koitabu Assembi i kamap deputi presiden bilong bod wantaim tupela narapela memba kaunsil i makim.

Ol 4-pela memba bilong palamen (MP) bilong NCD em ol eks-opisio memba bilong bod.

Minista bilong Inta-Gavman Relesens, Sir Peter Barter, taim em i tok amamas long nupela bod i

tokim ol long wok bung wantaim long mekim ol sevis i mas go gut long ol pipel.

Sir Peter i tok olsem siti i no bin gat bod long klostu long 4-pela mun bikos wok bilong makim ol memba i bin kisim longpela taim bikos ol grup we ol i mas makim ol memba long gavman ken i makim i no bin stap.

Sir Peter i singaut long ol 4-pela MP bilong NCD, ol memba husat i makim ol wanwan grup, na ol memba bilong Motu Koitabu husat i stap long bod long lukluk long kamapim gut sevis insait long siti na lukluk na traim long stretim ol samting ol bisnis i gro, pulim ol turis i kam na sindaun bilong ol pipel husat i wok na stap long Pot Mosbi.

Em tok Pot Mosbi em i wanpela narakain siti stret we ol lokel papa graun, ol Motu Koitabu, i save stap na wok insait long boda bilong siti, ol setelmen i wok long gro tu na ol eben siti dwela, o ol lain husat i save stap long siti, i gat ol lo we i save bosim sindaun bilong ol.

Somare/Marat gavman i statim pinis wanpela Eben Polisi we i bai lukluk long na stretim sampela bilong ol dispela samting.

## Ol Tete famili kisim K1500 helpim

OL GOILALA husat i wokim haus krai long ol 7-pela wantok bilong ol husat i bin dai taim ol Tari i bagarapim Tete setelmen long Gerehu long Pot Mosbi long sampela wik i go pinis, i kisim kaikai, klos na mani inap long K1500 las Fride.

Pot Mosbi Kristen Felosip i givim ol dispela samting long ol long helpim ol long dispela taim bilong sore.

Pasto Anare Lovobalavu i tok olsem planti bilong ol Goilala i guria yet long wanem samting i bin kamap na i amamas long kisim dispela helpim.

Felosip i tilim kaikai tu i go long setelmen bilong Kaugere, Kogeva, Morata na Hos Kemp.

Pasto Lovobalavu i tok planti bilong ol setelmen lain i no save kisim ol sevis olsem wara, pawa, helt na edukesen bilong ol pikinini bilong ol.

"Bikos ol i save bungim ol dispela kain hevi, ol i tanim go long pait na raskol pasin long helpim ol kaikai, tasol dispela i givim moa hevi long komuniti," em i tok.

Em tok felosip i lukim pait bilong long kamapim gutpela laip na i laik helpim ol na kamap olsem blesing long soim luv bilong God long ol.

### Egareka Greg Noine i raitim

SAMARAI Helt Senta long Milen Be Provins i kamapim wanpela woksop bilong ol helt woka long kisim gut save bilong daunim ol hevi bilong sik HIV/AIDS na infent na metenol moteliti reit insait long distrik bilong ol

las mun (Jun).

Dispela woksop em ol divisen bilong yut na mama i givim mani long kamapim.

Ol lain husat i go pas long dispela woksop em Helt Ekstensen Opisa (HEO), Alex Ilatia, na wanpela nes (mid-waif), Emma Galela.

Tupela tok dispela woksop em bilong

redim ol helt woka long luksave na daunim dispela ol hevi i wok long go bikpela insait long kantri.

Wanpela komuniti helt woka i tok dispela woksop em i wanpela gutpela woksop na i helpim ol wok manmeri long luksave na daunim ol dispela hevi bilong helt.

## Ol setelmen mas baim wara



### • Nogat moa fri wara. FAIL POTO

OL SETELMEN long Pot Mosbi mas nau pe long kisim ol sevis bilong wara long ol komuniti bilong ol.

Ol setelmen long siti i no stap long dispela polisi we husat i yusim wara mas baim na ol i no pe long kisim dispela sevis bilong wara kam insait long komuniti bilong ol long 1996 i kam inap nau.

Ol dispela setelmen em, Vanuatu, Kopiago, Morobe, Makana 8-Mile, Fientina, Paga Hill, Roku, Koudarika ma Porebada

ples.

Bikos long bikpela kos bilong sevis, Eda Ranu i wok long kari-maut wanpela kempen long mekim ol pipel long setelmen i luksave long dispela yusa pe polisi.

Pablik relesen opisio bilong Eda Ranu, Kevin Hecko, i tok olsem nau yet 60 pa sent bilong wara bilong siti i wok long ron i go insait long ol setelmen na 40 pa sent tasol i go long ol narapela hap bilong siti olsem Godens, Gerehu, na Boroko na Taun.

**Niupela**

**YAMAHA**

go long Port Moresby na  
Lae tasol  
Hantap na kam baim  
taim ol i stap yet!

**Ela Motors**  
**YAMAHA**

www.ela-motors.com.pg

Port Moresby : Ph 3229486 Fax 3213703  
Lae : Ph 472322 Fax 472267

Diapela ofa bel pinis long mun Julai 31, 2003.

# CRUX

## Street Bike

105cc enjin • Ekonomikel 4-pela Stroke

# K5,990

## Ride away!

**INSAIT LONG DISPELA OFA BAI YU KISIM :**

- ★ Sefti Helmet (500 prek bilong ol K450)
- ★ Pel bilong registresen
- ★ 10% VAT

EM7846A

# Hutjena plis stesen tanim i go kothaus

MAJESTERIAL Sevises long Nesenel Kot i peim K38,000 long stretim olupela Hutjena plis stesen na tanim i go long wanpela haus kot na opis bilong ol pipel bilong Bogenvil.

Sief Majistret, John Numapo, i tok olsem ol mejistret i bin stat long yusim dispela opis olsem wanpela kot haus bilong harim kot long Jun 10 yet.

Em i tok klia olsem i gat wanpela kot haus pinis i stap bihain long Jastis Minista, Mark Maipakai, i bin tokim Palamen long las wik olsem em i putim pinis wanpela askim bai ol i sanapim wanpela kot haus gen long Buka.

Em i tok olsem ol i wok long harim ol kot i stap long dispela olupela plis stesen long Hutjena.

I gat tripela mejistret we i wok long harim ol kot long dispela opis.

Mista Numapo i tok olsem i gat ol senis i wok long kamap long ol distrik has kot long Madang, Lae, Daru na Kundiawa.

Long Nesenel Kepitel Distrik (NCD), wok i go het long stretim ol haus kot bilong Waigani, Boroko na Pot Mosbi distrik kot na famili kot.

Wanpela narapela hevi we Mista

## ...Planti provins i no kisim saplai bilong ol opis samting

Numapo i tok planti kot long ol provins i wok long pilim em ol pen na pepa na ol arapela samting bilong opis.

Em i tok olsem ol provins i no kisim ol saplai bilong ol opis bilong ol.

Dispela em i wanpela hevi bilong bipo yet i kam inap long nau.

Em i tok olsem long stat bilong dispela yia, ol i bin salim wanpela askim i go long Fainens na Treseri long opim ol provinsel vot bilong baim ol opis samting.

Bihain long dispela, ol kot haus na opis long ol provins i kisim ol hap hap saplai bilong ol opis bilong ol.

Mista Numapo i tok olsem nau ol sinia provinsel mejistret na ol kot klak inap long toksave long olgeta hevi bilong ol.

Em i tok olsem planti long ol haus kot insait long kantri i wok long kisim ol samting olsem fes masin, masin bilong potokop na ol arapela liklik samting.

# Nu Ailan bai lukautim Malagan So



NU AILAN provinsel gavman i tokaut pinis olsem ol bai lukautim Malagan So long neks yia bihain long ol i senisim sampela samting insait long divisen bilong kalsa, turisim na infofesin aninit long Niu Ailan Edministresen.

Walter Schnaubelt, husat i makim maus bilong Niu Ailan Gavana lan Ling-Stuckey taim em i opim Malagan So long las wik, i mekim dispela anaunsmen.

Mista Schnaubelt em i nupela mausman bilong Niu Ailan provinsel gavman long bod bilong Poliamba, kampani we i save groim wel pam insait long provins.

Em i tok welkam long olgeta lain husat i singsing na danis long dispela Malagan So na em i tok tenkyu long ol manmeri husat i go pas long kamapim.

Long dispela yia, so i no stap aninit long lukaut bilong Niu Ailan provinsel gavman.

Tasol Mista Schnaubelt i tok olsem bihain long gavman i mekim senis insait long divisen bilong kalsa, turisim na infomesin, provinsel gavman bai go pas long en.

Malagan So em i so bilong ol Niu Ailan yet we yu bai inap long lukim ol singsing na kalsa bilong dispela provins.

Sampela singsing na danis we i save kamap long dispela so em ol i no save soim tumas long pablik, olsem na em i wanpela gutpela samting bilong ol turis long kam na lukim.

• MALAGAN So em i sans bilong ol manmeri long lukim tru kalsa bilong Nu Ailan. Kalsa bilong Nu Ailan em i samting bilong ol turis na ol kain singsing olsem dispela bai yu nap lukim long dispela so. Tasol i gat sampela singsing we i save kamap long ol Malagan So we i no save kamap planti taim long pablik. Foto: NEVILLE CHOI

## Kokopo Sekenderi painim rot long mekim mani

KOKOPO Sekenderi skol i wok long mekim ol projek bilong mekim mani blong stretim skol.

Ol i statim pinis tripela projek. Wanpela em ol haus bilong ol turis o gesthaus bai ol manmeri inap long yusim olsem hotel.

Narapela tupela projek em mekim ol sia na tebol na groim diwai ol i

kolim long Balsa bilong salim.

Tupela gesthaus ol i bin wokim pastaim yet i mekim pinis K5000 long Janueri i kam inap long Jun.

Patrick Jerome em i hetmasta bilong Kokopo Sekenderi na em i tok olsem sapos skol i salim olgeta sia na tebol ol sumatin i wokim long ol skol

bilong ol, bai skol inap long kisim K40,000.

Long sait bilong groim Balsa na salim, ol sumatin i planim pinis moa long 1000 Balsa diwai.

I gat tupela moa gesthaus we ol sumatin bai i mekim bai ol i ken yusim long skol aninit long turisim na hospitaliti progrem bilong skol.

# Chan i belhat long toktok bilong Rabana

## ...Kros i kamap long ileksen bilong deputi gavana

Neville Choi i raitim

MEMBA bilong Namatanai, Byron Chan i rausim belhat bilong em long sampela toktok we olupela deputi gavana bilong Niu Ailan, Gerson Rabana i tok long wok em i mekim insait long ilektoret bilong em.

Em i tok olsem ol dispela kain rabis toktok em i soim olsem em pasin bilong ol liklik mangi na i nogut tru.

"Mista Rabana i wok long traim na bagarapim lokol level gavman presiden bilong mi bihain long em i painim aut olsem ileksen bilong em olsem deputi gavana i asua," Mista Chan i tok.

Em i singaut long Mista Rabana long givim bek olgeta samting olsem kar na ol arapela samting bilong opis

we Mista Rabana i yusim.

Em i mekim wanpela singaut tu i go long Gavana bilong Niu Ailan, lan Ling-Stuckey long go bek long Niu Ailan na stretim dispela hevi bikos provins i nogat Ekting Gavana long moa long tupela wik pinis.

Dispela kros namel long Mista Rabana na Mista Chan i bin kamap bihain long Minstri bilong Inta-Gavman Rilesens i givim oda olsem ileksen bilong presiden bilong Tikana lokol level gavman i not stret wantaim lo na ol i mas senisim em kwiktaim.

Long Julai 2, Sekriteri bilong Dipatmen bilong Provinsel na Lokol Gavman afes, Gei Ilagi i raitim wanpela pas i go long Niu Ailan

Provinsel Edministreta, Robinson Sirambat na em i tokim em olsem ileksen bilong Mista Rabana olsem presiden bilong Tikana lokol level gavman i no bin ron stret.

Mista Ilagi i tok olsem taim ol i bin makim ileksen bilong presiden bilong Tikana lokol level gavman, ol i no bin pasim miting long wanpela aua pastaim long ol i mekim las vot long makim presiden.

Dispela liklik hap asua tasol na Minista bilong Inta-Gavman Rilesens, Sir Peter Barter i tok olsem ileksen bilong Mista Rabana long dispela taim i not stret, na ol i mas makim nupela man gen.

Bihain long dispela, ol memba bilong Pipels Progres Pati (PPP) i bin singaut long

gavana long mekim ken ileksen long makim nupela presiden bilong Tikana lokol level gavman.

Mista Rabana i bin mekim sampela toktok tu olsem PPP i no save lukluk long givim sevis long Namatanai. Dispela toktok ino sindaun stret wantaim Mista Chan.

Em i tok olsem Mista Rabana i mas lukluk gut long ol developmen we PPP i karim i go long Niu Ailan provins pastaim long em i toktok.

Em i tok olsem 98 pesen long olgeta developmen projek long provins i bin kam long taim PPP i bin stap aninit long lukaut bilong olupela memba bilong Namatanai na bikman bilong PPP, Sir Julius Chan.

## Komiti long ENB laik stopim eviksen

WANPELA komiti long Is Niu Briten i wok hat long stopim dispela eviksen ekasesais.

Siaman bilong dispela komiti, John Lote, i tok olsem ol i bin salim wanpela pas i go long opis bilong Gavana Leo Dion long stopim dispela ekasesais.

Tasol ol i no kisim wanpela gutpela toktok i kam bek, em i tok.

Em i tok olsem komiti bai i go het yet wantaim wanpela pas we olgeta manmeri husat i no laikim dispela ekasesais i kamap bai i putim nem long en.

Mista Lote i tok olsem komiti bilong em

i wok long traim long toktok wantaim opis bilong gavana, bai ol inap long givim dispela pas i go long em, tasol ol i no kisim wanpela bekim long opis bilong gavana.

"Komiti bilong mi i no bin gat sans long toktok wantaim gavana, tasol ol bekim mipela i kisim i no stret, na i soim olsem ol i no save long wok wantaim pipel.

"Sapos ol i les long toktok long mipela, olsem wanem na gavana bai i stretim hevi bilong stil pasin na ol skwota setelmen insait long provins na kantri?" Mista Lote i askim.

**AGMARK -LAE**  
**KISERE STREET**  
**MAIN MARKET**

RINGIM MIPELA LONG FON NAMBA

**472 2022**

OR LONG FAX NAMBA

**472 6650**

**ATTENTION COPRA GROWERS**  
**MIPELA NAU BAIM KOPRA**  
**Kam lukim mipela na mipela bai halivim**  
**yu long skelim Kopra bilong yu.**



# Ol Raikos meri i kamapim wok

## ••• ol i no wetim gavman long helpim ol

Liane Munau i raitim

OL meri long Raikos eria insait long Madang provins i go het long kamapim ol wok developmen bihainim ol plen bilong ol wantaim save we ol i gat na ol i no wetim helpim bilong gavman.

Ol meri i ogenaisim ol yet long 25 mama grup we i gat 18-pela meri insait long ol. Ol dispela meri grup i save lainim ol samting we bai helpim ol long kamapim gut laip na sindaun bilong ol insait long komyniti.

Lina Simea husat i presiden long kaunsil bilong ol Raikos distrik meri i tok ol i bin bung wantaim foaplea bisnis

na siksela spots grup husat nau i operet long eria bilong ol.

"Long planti taim, ol meri i save pilim olsem ol i lus tingting pinis long ol sosel ektiviti i kamap long ples ol i stap long en. Ol tambu aninit long pasin kastom we i no larim ol meri i kam aut na wokim kontribusen long ol samting i wanpela hevi," Mis Simea i bin tok.

"Sapos yumi putim ol meri insait long ol liklik grup olsem, em bai isi long skulim ol long wanem wok ol i ken mekim long kamapim developmen long sait bilong gavman, sios na famili. Bai mipela i ken tok save gut long ol meri olsem man na meri wantaim i mas wok

long kamapim developmen," em bin tok.

Tasol Mis Simea i bin tok olsem ol meri i mas kisim gutpela lidasip trening na ol i wok long plenim long karimaut ol dispela kain bung.

Mis Simea i bin tok moa olsem dispela bai helpim ol meri long go bek long ol wan wan ples bilong ol na skulim ol narapela.

Em bin tok sapos ol i redi long kari-maut trening, ol bai kisim ol yut tu long kam insait bikos dispela bai helpim ol na ol i ken kisim sampela save long wokim samting na maski long raun nating nabaut.



Hap meri long apim ain • Dispela yangpela meri Dika Toua i soim piksa long ol meri long pilai ol kain spot olsem long apim ain. Meri Wantok bai putim stori bilong em neks wik.

### Ol meri na famili wantaim lo

#### Namba 5 hap bilong meri na famili na lo ripot

Commercial Seksual Exploitation of Children o yusim ol pikinini long wokim pasin pamuk na kisim mani.


Wokim pasin pamuk long ol pikinini long wokim mani em i bikipela rong na brukim lo bikos yu bagarapim ol pikinini husat i nogat strong long lukautim ol yet. Long wankain taim tu, pasin bilong kisim piksa nogut long pikinini we i yusim ol long wokim pasin pamuk o soim sampela hap tambu long bodi bilong ol em i bikipela rong. Pasin we ol i mekim ol pikinini i stap insait long ol dispela pasin nogut i promotim o strongim tingting i no stret long ol bikipela manmeri long yusim ol pikinini long wokim pasin pamuk wantaim ol. Dispela samting em ol faidofidia o ol bikipela man i save bagarapim ol liklik pikinini i save bihainim. Dispela hevi na asua long yusim ol pikinini long piksa nogut na wokim pasin pamuk i wok long go bikipela nau, moa yet, taim nupela teknoloji olsem Internet o kompyuta i

kamap. Dispela em i mekim isi long bungim na serim ol dispela piksa na ol arapela samting moa we i sut long yusim ol pikinini long wokim pasin i no stret we i bagarapim ol.

Child Prostitution. Aninit long dispela lo, em i brukim lo long yusim ol pikinini long wokim pasin pamuk o long yusim o pikinini taim yu save olsem bai yu benefit o kisim samting long en, o long yusim haus bilong wanpela man long karimaut pasin pamuk wantaim ol pikinini. Em i brukim tu lo long ol papamama i larim pikinini bilong ol long wokim pasin pamuk.

Child Prostitution i min olsem wokim pasin pamuk o ol arapeal samting i no stret wantaim pikinini we krismas bilong em i stap aninit long 18 yias na givim mani o ol narapela samting long peim bek long samting em i givim o wokim. Dispela pasin i save kamap strong long PNG.

Moa long neks wik.



Meri Wantok i tokaut long stap heiti, yumi mas gutpela kaikai long strongim bodi, kaikai bilong groim bodi, kaikai bilong banisim sik na kaikai bilong halivim manmeri long kamap orait.

Kaikai 4-pela hap prut o ol gaden kaikai long olgeta de.


Hia em ol kaikai yumi mas kaikai bilong strongim blut we i no strong

Neks wik bai yumi lukim ol kaikai bilong halivim ol pikinini long gro gut.

Kumu 	Bua kumu Kumu gras 
Kiau 	Mit 
Kindam na sel 	Pis  Kaikai ol kaikai long antap piksa wantaim ol prut
Pesen prut 	Muli 
Popo 	Guava 

Dispela ol toktok i kam long Heit Dipalmen long wanpela heit projek bilong ol Mama na Pikinini.

**Meri Wantok** i laik save sapos yupela i save laikim ol stori mipela i save printim. Rait i kam long **Meri Wantok**, Word Publishing Company, P O Box 1982, Boroko, NCD o ring i kam long telipon 3252500 na toktok long Veronica o Barbara. Yu ken salim ol stori tu long feks namba: 3252579 o salim ol ripot i kam long email: word@global.net.pg. Tenk yu tru.



**Kukis**

**Yu mas i gat:**  
250g bata  
2-pela tispun Vanilla Essence  
2-pela kap (400g) suga (castor sugar)  
2-pela kiau  
3 na hap self raising flaua  
Ol hap hap nut olsem pinat

**Long wokim aising:**

- Putim bata, essence na suga long wanpela dis na miksim inap em i wara wara
- Putim kiau i go insait long miks na tanim.
- Bihain putim flaua na ol nut na miksim olgeta wantaim na presim wantaim han.
- Hapim dispela miks na katimi go liklik na rolim i go olsem bol na bihain presim i go daun inap em i flet.
- Rabim gris long wanpela longpela beking trei na lainim ol kukis long en na kukim long aven long 380°C inap 20 minit.
- Taim ol kukis i kuk rausim ol na larim ol i stap kol liklik orait putim lon wanpela kontena na pasim lit.

Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long niuspepa.

## Cat® Skid Steer Loaders

216  
226  
228  
232  
236  
242  
248

Engine performance and operator comfort maximise production.

**Smooth, Easy Controls**

- Two hydraulic joystick controls require only minimum wrist/hand movement, greatly reducing operator fatigue.
- Auxiliary hydraulics are actuated by a thumb-operated rocker switch on the joystick.
- Hand-throttle allows you to run at a constant speed, or an accelerator pedal can be used during load and carry, excavating or backdragging.

**Operator Comfort**

- Optional suspension seat adds operator comfort.
- Clear view of the work tool reduces operator fatigue and increases productivity.

**Power and Versatility**

- The Cat 3034 Engine is proven and reliable.
- Powerful hydraulics deliver outstanding lift and breakout forces.

### Hastings Deering

PORT MORESBY Phone: 300 8300 Fax: 325 0141  
LAE Phone: 472 2355 Fax: 472 1477  
TABUBIL Phone: 548 9045 Fax: 548 9155  
RABAU Phone: 982 1244 Fax: 982 1129

TOKTOK TAIM  
Wantaim  
Fr. Paul Liwun SVD



LONG dispela wik ol skul i bin statim namba tri tem bilong skul yia bilong dispela yia. Olgeta taim ol i pinisim wanpela tem, sumatin na tisa bilong St. Peter Chanel Praimari Skul long Erima i save askim mi long mekim lotu bilong pasim skul term. Taim ol i statim nupela tem, ol i askim mi long wokim lotu bilong opim nupela tem.

Taim mi wokim lotu bilong pasim namba tu tem dispela yia, mi bin yusim dispela stori bilong helpim ol sumatin long lukluk bek long stadi bilong ol, na mi laik givim tok stia long ol sumatin husat i no bin kisim gutpela mak long stadi bilong ol, bai ol i noken giv ap.

Taim skul term i pinis, ol tisa i bin askim ol papa mama o waspapa i kamap long skul long kisim ripot bilong staid bilong pikinini bilong ol.

Wanpela sumatin nem bilong em Dominic. Em i mekim gret tri long wanpela praimari skul.

Taim papa bilong em i lukim mak i stap long ripot bilong Dominic, em i kirap nogut tru, bikos Dominic i bin kisim mak D na E tasol long olgeta subjek. Papa bilong em i no inap mekim wanpela tok, olsem na em i askim Dominic: "wanem samting yu laik tokim mi long olgeta mak bilong yu hia?"

Na Dominic i tok: "ating igat wanpela gutpela samting mi laik tokim yu, Daddy!"

"Daddy, yu mas praud long mi bikos mi bin kisim dispela mak tasol".

Daddy bilong em i belhat na kros, na askim Dominic: "Wanem? Yu tokim mi olsem mi mas praud long mak nogut bilong stadi bilong yu?"

"I no olsem Daddy", Dominic i tok.

Yu mas praud bikos mi no bin giamanin yu.

Mak bilong mi i soim olsem mi feil long stadi bilong mi long las term. Na mi no laik sit o stil lukluk long taim mi bin wokim tes. Long dispela mak tu mi inap long luksave olsem mi no bin stadi hat, mi no bin harim gut skul bilong tisa, mi no bin siries tumas long bihainim skul. I luk olsem mi westim nating taim bilong mi olgeta de long skul.

• Manmeri igat optimis long laip bilong ol, bai inap long lukim lait olgeta taim, maski ol i stap insait long ples tudak olgeta.

• Optimistic pipel i save yusim feil o misteik bilong ol long mekim gut wok bilong ol neks taim na ol i no save giv yu long mekim wok bilong ol.



### "Amos i tokim ol Israel long ol kain kain pasin ol i mekim"

Taim ol stretpela man i kamap long kot na stretpela tok tru na krosim ol man i save mekim pasin nogut, orait yupela i no save laikim ol dispela stretpela man. Yupela i save pulim ol samting bilong ol rabisman na yupela i save stilim kaikai bilong ol. Yupela i bin wokim ol gutpela haus ston, tasol bai yupela i no ken i stap long ol dispela haus. Na yupela i bin planim ol gutpela gaden wain, tasol bai yupela bai i no inap dring wain bilong ol dispela gaden. Mi save ol sin bilong yupela i nogut tru, na mi save ol rong bilong yupela i planti tumas. Yupela i save mekim nogut long ol gutpela man. Yupela i save larim ol man nogut i givim mani long yupela bilong grisim yupela long paulim kot bai ol rabisman i no ken win.

Amos 5: 10-13

## Madang i gat nupela ELC/PNG presiden

Alex Nara i raitim

EVANJELIKEL Luteran Sios long Madang i gat nupela presiden. Nem bilong en em Reveren Nawon Melambo na em i kam long ples Amele ausait tasol long Madang taun.

Lotu bilong witnesim Reveren Melambo i kisim nupela wok bilong em i bin kamap long Sande long Memoriel Luteran Sios.

Moa long 700 Kristen bilip manmeri i bin kamap long dispela bung taim nupela presiden i bin kisim ples bilong Reveren Francis Ambuk husat i bin holim dispela posisen inap 11-pela yia.

Long wankain taim tu, hetman bilong Evanjelikel Luteran Sios (ELC/PNG) Bisop Dokta Wesley Kigasung i bin givim blesing long eitpela nupela pasto

long sios bilong ol husat i kamap nau olsem ol mesenja bilong Bikpela.

Dokta Kigasung i bin tokim ol pasto olsem wok bilong ol i no isipela samting. Em i tok ol i mas wok hat na tu komyuniti i mas givim gutpela sapot long ol na ol bai karimaut gut wok.

Dokta Kigasung i bin wokim apil i go long ol pipel long stap bel gut na na helpim Reveren Melambo na wok bung gut wantaim long strog-nim wok bilong sios.

Reveren Melambo husat i bin wok pasto winim 25 krismas i bin tok promis long wok gut na lukautim na go pas long ol sipsip insait long sios bilong em.

"Mi promis long wok strong insait long santu gaden bilong em long bringim i kam na stretim ol sipsip bilong God long sanap strong long lotu," Reveren Melambo i bin tok.

Nupela seketeri John Maela i bin kisim odinesen long dispela taim tu.

Em i tok tenkyu i go long sios komiti long luksave long en na makim em long dispela nupela wok na wok wantaim Reveren Melambo.

Em i tok promis long lainim moa long laip we i bihainim gutpela Kristen pasin long karimaut gut wok bilong em.

Em bin tok sapot bilong ol pipel na komyuniti em i bikpela samting na em i laikim komyuniti long helpim em long wok.

Seremoni long kisim ples na givim ki long nupela seketeri i bin kamap long hetkota bilong Luteran Sios long Madang we i stap klostu long Luteran Siping opis long Mande.

## Tupela Madang famili givim tok orait long Dilale Ailan

OL narakain bilip na we bilong lotu long sios i ken kamapim hevi namel long ol Kristen sios, wanpela sios lida i go pas long ol wok bung namel long ol wan wan sios i tok.

Moses Madfun i wanpela sios lida long ples Siar i bin wokim dispela toktok taim famili bilong em i bin tok orait long larim ailan bilong ol i go long olgeta sios long yusim long karimaut ol bikpela bung na miting na ol arapela bikpela aktiviti bilong ol.

Em bin tok ol narakain bilip na rot bilong lotu i wok long kamap nau olsem sik namel long ol Kristen famili, ol pren na pipel insait long wokples.

Em i tok ol sios i mas wok bung wantaim na autim Tok bilong God. Em i tok, "mipela i save lotu long wanpela God tasol na i moabeta long mipela i wok bung wantaim long autim Tok bilong em".

Mista Madfun i tok famili bilong em wantaim Kadeu Balimzen famili bilong Lilung Pat wanpisin long Siar Ailan i givim tok orait long ol sios i ken yusim Dilale ailan na karimaut ol aktiviti bilong ol.

Mining bilong nem bilong dispela ailan i oslem-bung wantaim na lukim."

Em i bin tok tenkyu long Madang Yunaitet Sios long go pas long dispela bung we ol wan wan Kristen sios i bin stap long en.

Em i tok ol laikim ol sios long wok bung wantaim na karimaut ol wok long sevim ol pipel.

Em i tok dispela em i namba wan taim long ol pipel bilong ol wan wan sios long bung wantaim insait long wanpela kombain bung.

# Ol lotu mekim tok promis

Barbara Tomi i raitim

TRIPLELA bikpela lotu long kantri, Luteran, Angliken na Katolik long las wiken i sainim tupela pepa we i soim olsem ol i orait long wokbung wantaim long strongim wok bilong sios na tu bilip bilong wanwan manmeri.

Long Sarere ol dispela tripela sios i sainim pepa long sakramen bilong baptais na long Sande Katolik na Angliken sios i sainim tok promis long wokbung wantaim.

Dispela tok promise i tok:

Long nem bilong Papa, Pikinini na Holi Spirit mipela bilip long laik bilong God olsem olgeta Kristen manmeri em God i singautim ol long kamap wanpela na olgeta manmeri long wol bai save olsem yumi bilip long Jisas Krai em i bikpela na em i pikinini bilong God, luksave long baptais long nem bilong God Triwan, luksave long ol kibung bilong strongim wok bilong sios na gutpela wok pren na long karim wok bilong autim tok bilong God i go long olgeta kristen manmeri na kamapim strongpela wok misin long kantri.

Dispela tok promis i strongim bilip olsem:

1. Angliken na Katolik sios i bilip long God Triwan;
2. Jisas i stap namel long bilip bilong tupela sios, na em i winim bek olgeta manmeri bilong dispela graun i go pinis long Papa bilong em;
3. Olgeta sios i mas kamap wanpela olsem Jisas Krai i bin i tok, maski ol i bilong narapela kantri, kalsa na tok ples;
4. Kaikai bilong kristen laip o spirituel kaikai bilong bilip manmeri em Tok bilong God long buk Baibel, ol Sakramen, na wok bilong Holi Spirit insait long sios;
5. Holi Spirit i givim na i luksave long ol planti kainkain gutpela pasin (presen) long ol



• Bisop John Ribat i makim Katolik sios na sainim pepa. Asbisop bilong Angliken Sios James Ayong (raithan) i makim lotu bilong em long sainim pepa na Bisop bilong Pot Mosbi Peter Fox (lephan) i lukluk. Inset: Ol Katolik bisop wantaim Bisop Sir Brian Barnes (lephan long fran) long taim bilong misa. Ol foto: BARBARA TOMI

kongrigesen bilong Katolik na Angliken sios tasol ol i no save wokbung wantaim long strongim bilip bilong sios bilong kamap wanpela long Jisas Krai. Tasol nau long wokbung wantaim bilong ol hetman bilong tupela sios long wok bilong ARCIC, ol i kamapim sampela pasin na tok orait long pasin bilong lotu, autim tok na pawa bilong ol dispela tupela sios long rausim dispela ol samting we i banisim rot bilong ol olsem long lo bilong lotu na wok bilong sios long mekim kamap dispela wokbung olsem wanpela sios we Jisas i bin laikim long en.

Tupela sios wantaim i tok orait long:

1. Strongim wokbung wantaim long kamap wanpela (yuniti) rot bilong:

• Paitim tok long pasin na lo bilong wanwan bilip (theological dialogue) we i brukim tupela sios olsem: otoriti na fridom, yuniti, luksave long

strong bilong wanwan na soim rispek long ol bilip bilong ol we i no wankain long narapela, kisim komun-ion wantaim na luksave long Oda bilong Angliken sios, ol marit pater na odinesen bilong ol meri pater.

• Givim tok orait o askim mausman bilong ol lotu long stap insait long kibung bilong Katolik Bisops Konfrens na Angliken Bisops Kibung;

• Long olgeta yia, putim kamap wanpela kibung bilong ARC-PNG (Angliken Roman Catholic) Ekumenikel Komisin bilong tupela lotu;

• Long olgeta Pentekos taim soim dispela laik long kamap wanpela (yuniti).

2. Long mekim ol wok wantaim ol kain wok we ol wanwan sios i noken mekim long ol yet:

• Wok wantaim long strongim laip bilong ol famili na kristen laip bilong ol manmeri;

• Serim ol tisa o sumatin bilong ol skul o seminari na serim ol stadi pepa i sut long ol wok na hevi bilong Katolik na Angliken na prea wantaim.

3. Long givim witnes long;

• Long stap insait long ol woksop wantaim (Xavier Institut o Fomatos Woksop), wokbung long program, wokbung long ol kainkain misin wok olsem famili laip, Word Publishing, Melanisen Institute, na serim ol ritrit na ol dairekta bilong ol woksop.

• Wokbung long strongim wok yuniti long PNG Kaunsil ov Sios;

• Kirapim tingting bilong prea wantaim long taim bilong Week of Prayer for Christian Unity long taim bilong Jisas i kirap long matmat (Ascension) i go long Pentikos; na

• Wokbung long kisim witnes bilong Krai i go long ol manmeri i stap long tudak o i no bilip manmeri.

## Nes Asosiesen wari long sekyuriti

ASOSIESEN bilong ol nes em long PNG Nesis Asosiesen (PNGNA) wari long sefti na sekyuriti bilong ol nes na i singaut long ol helt atoriti long lukluk gut nau long givim haus long ol nes taim ol i kisim ol long wok.

PNGNA Jenerel Seketeri M Paiva i tokaut long dispela long sapatim singaut bilong Nesis Asosiesen bilong Madang bihainim bikhet pasin we sampela lain i

bin repim o bagarapim wanpela nes.

Asosiesen i sapatim rot we menesmen bilong haus sik na Provinsel Gavman i wari long sefti na sekyuriti bilong ol helt woka na ol atoriti i mas etresim o lukluk na stretim ol wari bilong ol.

"Mipela i save olsem taim ol i kisim ol nes long wok, i nogat wanpela tok orait i stap long givim haus long ol tasol wok nes em i bikpela

samtng na i kam aninit long level ol i kolim long ESSENTIAL sevis olsem level ol dokta we gavman i save givim haus long ol. Nau husat lain olsem gavman o wanem ejensi i kisim ol nes long wok i mekim samtng long stretim ol wantaim haus", Jenerel Seketeri Paiva i tok.

Asosiesen i tok ol tok sori na sapat i kam long ol atoriti i orait tasol ol i mas wokim samtng long kamapim gutpela

sekyuriti bilong ol nes na ol arapela helt woklain.

Em i tok tu olsem ol i mas gat ples bilong ol nes na helt woka i wok long sif long stap long en.

Long wankain taim tu, Asosiesen i singaut long Helt Dipatmen na Hospital Bot i peim kompensesen i go long dispela nes we sampela lain i bin bagarapim em long Waigani taim em i laik go long wok.

## Roteri skruim malaria aweanes

SIK Malaria em i namba tu sik we ol manmeri na pikinini i save dai long em insait long PNG. Top sik em long niuonia.

Tasol samtng olsem 1.5 milien pipel i save sik malaria long olgeta yia na long dispela mak, moa long 700 pipel i save dai.

Tasol bihain long Roteri PNG i kamapim aweanes program na pait egensim sik malaria long 1997, mak bilong ol pipel i dai long sik malaria i wok long go daun liklik. Long las yia, ol rekot i soim olsem 640 pipel i bin dai long sik malaria taim long yia pastaim, moa long 700 pipel i bin dai long

dispela sik.

Ol dispela ripot long sik malaria i bin kamap long lonsing bilong nupela kala buk olsem hap bilong aweanes we Roteri PNG, UNICEF na Helt Dipatmen i karimaut long ol skul long daunim sik malaria.

Siaman bilong Roteri PNG Ron Seddon i tok ol i tilim 250,000 ol liklik kalaring buk i go long ol skul insait long kantri na ol pikinini i ken kalaram na ritim ol tok skul long sik malaria long ol rot we ol i ken bihainim na barusim dispela sik. Na kisim ol toktok i go tu long ol papamama bilong ol.

## Skate helpim ol haus sik projek



Veronica Hatutasi  
i raiitm

OPERESAN Open Heart Surgery o operesen bilong helpim ol manmeri na pikinini i gat sik long lewa i wok long kisim helpim i kam long ol bikman, ol kampani na ol arapela moa i laik helpim program wwe bai kamap long Pot Mosbi insait long tupela wik.

Program bai stat long Ogas 6 na pinis long de namba 16.

Klostu 30 voluntia dokta bilong Australia bai kam na wantaim helpim bilong ol PNG dokta, ol bai karimaut ol operesen insait long Pot Mosbi Jenerel haus sik long tupela wik. Tasol program i save nidim bikpela manimak long karimaut ol operesen wok na tu baim ol masin na ol marasin bilong yusim long dispela wok. Olsem na fan resing komiti bilong dispela program long Pot Mosbi Jenerel Haus sik i bin putim askim long pablik, ol bisnis haus na ol bikman long givim helpim bilong ol.

Long dispela wik, Palamen Spika na rijenel memba bilong Nesenel Kapitel Distrik Bill Skate i bin joinim ol arapela lain na givim K60,000 bilong helpim haus sik long ol bikpela program bilong em.

Mani ya i kam long Diskreseneri Fan aninit long Rurel Eksen Program fan bilong em.

Orait, Mista Skate i skelim olsem K20,000 bilong dispela manimak bai go long Operesen Hat Sejeri program, narapela K20,000 i go long Intensiv Kea Yunit nanarapela K20,000 long Nesenel Aids Kaunsil.

Mista Skate i tok olsem em i givim dispela mani i go long Pot Mosbi Jenerel haus sik bikos em i save sevim komyuniti.

Em bin tok olsem wanpela husat i bin sik nogut tru na haus sik wantaim ol nes na dokta i bin sevim em, em i lukim hatpela taim ol dispela

## Mani i kam long Diskreseneri Fan aninit long Rurel Eksen Program fan bilong em

dokta na nes i bungim bikos long sot long ol masin, ol marasin na ol arapela ikwipem long yusim taim ol i kairimaut ol wok na operesen long ol sikman.

Mista Skate i bin tokaut tu long K250,000 em i givim long stretim Sipak long Ela Bis na pablik long Mosbi i ken go na kisim win na amamas long dispela eria.

Dispela Fun Park projek em kampani CCS Anvil PNG Limitit i go pas long em.

Mista Skate i bin tok dispela em wanpela komyuniti projek we em i laik helpim long kamapim.

Siaman bilong fan resing komiti long Pot Mosbi Jenerel Haus sik, Dokta Chris Marjen i bin tok ol i makim ol pikinini i gat sik long lewa long olgeta hap bilong kantri long kisim operesen long ol speselis dokta bilong Australia.


Em bin tok las yia ol bin operetim 43 pikinini wantaim sik long lewa na olgeta samtng i bin go gut.

Em bin tok operesen ya i bikpela samtng bikos em i givim nupela strong long helpim ol pikinini husat bai i kamap ol lida bilong tumora na bihain taim.

Na em bin tok tenkyu i go long Mista Skate long donesen bilong em.

Bos bilong Intensiv Kea Yunit Dokta Alphonse i tok tenkyu long kontribusen bilong Mista Skate. Em i tok Mista Skate em i eksen man husat i givim helpim tu long ol yia bipo long ol bikpela projek bilong Pot Mosbi Jenerel haus sik.

## Natnat i wok long Bagarapim yu? Yu wari tumas long Sik Malaria? OL TAUNAM BILONG SALIM



### Rotary i pait egens Malaria

Kam lukim mipela long 6 mile o Ringim - 325 8900

Prais i daunbilo na i gutpela stret- Yu ken baim planti long wanpela prais DEPT OF HEALTH - WHO - UNICEF

• Long lephan: Siti Menesa Bernard Kipit, Siaman bilong Haus Sik Fan Resing Komiti Dokta Chris Marjen, bos bilong ICU Dokta Alphonse na Palamen Spika Bill Skate long taim em i givim K60,000 sek mani i go long haus sik long dispela wik Mande.  
Foto: JOE IVAHARIA

# KOMUNITI BUS NIUS

## Noken abrusim Fri pepa bilong yu insait long



# WANTOK

# NEKS WIK!!

# OL PNG SUMATIN BILONG YUNIVESITI: SAPOTIM WOA LONG KORAPSEN!

Bihain taim bilong Papua Niugini i stap long han bilong yupela. Yupela wanwan i save long rait na rong. Yupela bin kisim hevi long korapsen, o yupela i sapotim korapsen.

**NAU em i taim bilong strongim jastis na klinim het.**

**YU inap long mekim senis.**

**YU inap long stapim korapsen, tude.**

Soim sapot bilong yu long Woa long Korapsen na bung wantaim Komyuniti Kolisin Egens Korapsen.

Komyuniti Kolisin Egens Korapsen em i kisim tok orait na sapot bilong Midia Kaunsol bilong PNG.

**Midia em i olsem wasdok bilong yu.** Midia em i wanpela 'was dok' i save lukluk long korapsen na stil pasin insait long komyuniti.

Olsem na mipela i no inap long tokaut long husat manmeri i helpim mipela long stapim korapsen. Lo i lukautim wok na pasin bilong ol ripota long PNG i tok klia olsem:

Ol nius ripota i mas haitim nem bilong ol lain long pablik husat i givim helpim o stori long ol aninit long ol agrimen ol i pasim tok long en.

(PNG Midia Kaunsol Jenerel Kod ov Etiks bilong Nius Midia 12c)

Midia long Papua Niugini i wok pinis long bungim sampela nius ripota long mekim wok painimaut bilong helpim ol manmeri bilong PNG.

**Long autim toktok bilong yupela ol pablik, mipela i laikim ai na iau bilong yupela.**

Mipela i laikim YU long RIPOT long korapsen. Mipela i laikim SAPOT BILONG YU long dispela Wo long Korapsen.

Raitim dispela pepa o fom i stap long dispela pes na salim long pos opis i go long:

**Media Council of Papua New Guinea  
P. O. Box 135 Port Moresby.**

Sapot bilong yu bai helpim mipela long stretim gutpela sindaun long bihain taim bilong olgeta manmeri long PNG.

**Bung wantaim Komyuniti Kolisin Egens Korapsen na Stapim Korapsen Nau!**

## Stopim Korapsen Nau!

### Kamap memba bilong Komyuniti Kolisin Egens Korapsen Nau!

Plis pulapim dispela fom na salim i go long:  
**Media Council of Papua New Guinea  
P. O. Box 135, Port Moresby**  
Nem bilong yu na olgeta ripot yu givim bai i stap hait.

1. Yu save sapotim dispela Wo long Korapsen?

Yes mi sapotim  Nogat mi no sapotim

2. Korapsen i save givim hevi long yu? Sapos i tru, olsem wanem?

Raitim liklik stori long dispela inap long 50 wod.  
.....  
.....  
.....  
.....  
.....

3. Yu laikim bai ol i stretim hevi bilong yu?

Yes mi laikim.  Nogat mi no laikim.



Nem .....

Telepon .....

Taun/Viles .....

Krismas  Man (M)  Meri (F)  
Adres na bihain bai mipela rait i kam long yu .....

Woa long Korapsen em wanpela han wok bilong Midia Kaunsol bilong Papua Niugini

- Media Council of Papua New Guinea, P. O. Box 135, Port Moresby  
Phone: 320 2979 Fax: 320 2978 Email: mediacouncil@online.net.pg

**OLGETA TOKTOK MIPELA I KISIM BAI I STAP HAIT**

### Papa kisim taim long pasin bilong meri na pikinini

Pago Pago, Amerian Samoa:

PAPA bilong wanpela meri i gat 12-pela krismas husat i pasim 9-pela beg simuk nogut long bodi bilong em na traim long hait na karim i go long American Samoa, em i slip long haus long kepitot siti bilong Samoa, Apia, bihain nau sampela lain husat i painimaut na belhat long pasin pikinini meri i mekim na ol i paitim papa nogut tru.

Plis i tok olsem man ya i bin kisim dispela bagarap klostu long ples Salelavalu long Savai'i.

Plis i sasim meri bilong man ya, Fa Afoa Viavia long brukim lo long traim na salim simuk nogut na i wok long holim pasim em na pikinini meri bilong em, Telesia.

### 19 Amerika soldia i kisim bagarap long Irak woa

Irak -Midel Is

19pela soldia bilong Amerika i kisim bagarap insait long US beis o kemp bilong ol long Irak. Narapela US soldia i dai na ol arapela i kism bagarap long taim ol i raun long trak bilong ol long Bagdad.

Dispela birua i bin kamap long taim Presiden Bus i mekim wanpela kain toktok long em bai givim

multimilien dola rewod moni long arestim o kisim Saddam Husein wantaim ol pikinini bilong em.

Dispela toktok "Bring em on" o Karim ol i kam, i mekim ol loyalist o wan grup bilong Saddam Husein i no amamas na ol i kamapim ol dispela birua.

Rewod moni em U\$25milien dola bilong Saddam Husein na U\$15milien i go long tupela pikini bilong em Uday na Qusay.

Presiden Bush i tok taim bilong Saddam Husein long lukautim kantri bilong em i mas pinis nau.




### Win, ren na tait wara bagarapim Nu Kaledonia

Noumea, Nu Kaledonia:

STRONGPELA win na ren i kamapim tait wara na graun bruk na i bagarapim stret bikipela ailen bilong Nu Keledonia, Grande Terre, las wik.

Ol ripot i tok olsem hap we i bagarap tru em wanpela liklik taun ol i kolim Poindimi'e long naut bilong Grand Terre na naut-is kos bilong bikipela ailen.

Planti ol rot na bris i bin bagarap taim bikos long tait wara na ol pipel tu long ol sampela ples i mas lusim haus bilong ol bikos wara i kam insait olgeta.



# WOL NIUS

### 4-pela i dai taim graun i bruk

Tokyo, Japan:

KLOSTU long 4-pela pipel i dai taim graun i bruk na planti moa pipel i mas lusim haus bilong ol taim ol strongpela ren i pundaun long sauten Japan las Sarere.

Moa long-20-pela haus long Minamata siti i bagarap taim graun i bruk bikos long dispela strongpela ren.

Ol dispela 4-pela dai man ol i pulim aut long graun we i bin karampim ol, tasol sampela pipel i mising yet na ol atoriti i bilip olsem ol tu i dai pinis na i stap aninit long graun bruk.

### Bos i dai

Jarkata:

Ol ripot i kam long Jarkata i tok olsem dispela em i namba tu taim ol man nogut i bagarapim ol bikipela man bilong dispela kampani.

Budi Harto Angsono, husat i gat 45-pela krismas, i bin dai taim tupela taim tupela man i sutim em wantaim gan taim em i kamap long spots senta long pilai basketbal wantaim ol pren bilong em.

PRESIDEN bilong wanpela bikipela opis kampani na praivet bodi gad bilong em i dai taim tupela man i sutim ol wantaim gan.



Tasmania, Australia:

**Painim tewel dok** Mark McKay wantaim dok bilong em Speks i painim ol wel dok ol i save kolim ret fox nau i wok long kilim ol narapela ol animol long ailen. Planti manmeri i save olsem dispela wel dok i save raun, tasol i hat stret long lukim ol o holim pasim ol. Tripela yia i go pinis ol man bilong painim abus i karim ol dispela ret fox olsem papi na lusim ol long bus na nau ol i planti na wel raun long bus. *Poto: Chris Crerar (The Nation)*

### Family bai kisim Coca Cola i go long kot

Auckland, New Zealand:

WANPELA famili long Auckland bai kisim kampani Koka-Kola i go long kot na askim long \$NZ130,000 bihain long wanpela Koka-Kola botel i pairap na bruk insait long baksait long kar bilong ol.

Dispela samting we i kamap long Janueri 2001 i bin bagarapim dispela famili. Taim botel i bin pairap na bruk, ol hap bruk bruk glas i bin katim skin bilong Rasoul Adjani, meri bilong em Fatima na pikinini bilong ol husat i bin gat 11-pela krismas long dispela taim, Jason, na ol i mas go long haus sik long stretim ol dispela bagarap.

Jason, nau yet, i no save tingting stret na save kisim ol driman nogut bikos long wanem samting i bin kamap.

Family bai askim Koka-Kola long mani long stretim hevi we i bin kamap long kar bilong ol tu taim ol hap hap bruk glas i bin katim ol sia.

### Sik SARS i ken kilim ol wasman long haus sik

Toronto, Canada:

WANPELA nes i dai taim em wok long Toronto Helt Kea fasiliti i bin kisim sik SARS taim em lukautim ol sik SARS

lain long hap. Em i dai long William Osler Helt Senta long Sarere.

Dai bilong dispela meri husat i gat 58-pela krismas i karim namba bilong ol lain i dai long dispela sik long Canada i go long 41.

Helt Minista, Tony Clement, i salim toksore bilong gavman i go long ol famili na pren bilong dispela meri na long ol

narapela helt kea wok manmeri husat i kisim dispela sik taim ol i wok long traim long helpim ol arapela.

### Faivpela Plisman na sevenpela manmeri i kisim bagarap long pait

Faivpela Plisman i dai na sevenpela arapela manmeri i kisim bagarap long wanpela bikipela pait i kamap long Arabia. Dispela pait i kamap long wanem tupela ki saspek man husat i go pas long brukim bikipela operesen bilong ol militen husat i kamapim dispela suisaid bomim long Mei 12 long kompaun bilong ol Westerners

insait long ples Riyadh. Long dispela taim nainpela man husat i go pas long bomim tu i dai long bom bilong ol yet.

Plis i go long Fonde moning tru na mekim dispela reid long haus prea bilong ol Muslim al-Dandani. Plis i putim toksave olsem long ol givap na kamaut tasol ol i sut i kamaut na bikipela pait i kirap. - AP

# OL HAP NIUS

**WANTOK KOMENTRI**

**Ol Pasifik kantri yet i ken helpim Solomon Ailan**

PNG i salim 90 soldia i go long helpim gavman bilong Solomon Ailan long bikpela hevi bilong lo na oda we sampela paitman i wok long mekim insait long kantri na bagarapim sindaun bilong ol pipel. Ol birua lain ya i kilim pinis ol pipel bilong Solomon ailan na pretim tu planti arapela pipel bilong kantri.

PNG bai mekim wankain olsem em i bin mekim bipo long helpim Vanuatu long wankain hevi olsem we sampela paitman i bin kamapim birua long gavman long bipo.

Nau PNG i laik mekim wankain long helpim Solomon Ailan. Tasol dispela taim bai i no PNG tasol. Ol ami bilong Australia na Fiji na arapela wansolwara kantri bai bung wantaim na i go long Solomon Ailan long dispela hevi.

Ating ol wansolwara kantri long Pasifik yet inap sanap wantaim na helpim susa kantri bilong em Solomon Ailan long dispela hevi ol i bungim. I nogat wanpela bikpela samting tumas long bikpela kantri olsem Australia long i go insait bikos ol wansolwara kantri yet i save long pasin na toktok bilong tromoi i go i kam long stretim dispela hevi. Ol Pasifik kantri yet i ken stretim dispela hevi bilong ol. Yumi save pinis olsem Australia i gat nem long pait long ol bikpela woa olsem Wol Woa 2, Vietnam, Irak woa, Is Timor na ol arapela kantri long wol. Olsem na Australia i ken sanap was tasol long givim helpim long sait bilong plis fos na i no ami bilong go long woa. Australia i ken sanap olsem bikpela brata insait long Pasifik rijn tasol em i mas larim ol Pasifik yet i stretim hevi bilong em aninit long nem Melanesian Spiahet Grup we planti pasin bilong stretim hevi na sindaun bihainim kastom na pasin bilong lida i bungim pipel na stretim hevi i wankain. Na tu pasin bilong mekim kaikai na amamas o pasin bilong lukautim pipel, graun na ol samting bilong ples i wankain. Australia i nogat tumbuna pasin olsem yumi na ol i no inap stapim hevi bihainim stail bilong yumi.

Ol ami bilong PNG i go pinis na sampela moa bai i go gen long neks wik samting. Bai namba i olsem 90 olgeta. Tasol ol plisman tu bai i go long helpim wok bilong lo na oda long strongim sindaun insait long komyniti. Dispela em bikpela wok bikos wok bilong lo na oda tasol inap givim bek strong long ol pipel long sindaun gut long haus na banis bilong ol na i go i kam long gaden na wok bilong ol long olgeta de. Ol pikinini tu i ken amamas long go long skul na gavman i ken sindaun gut long mekim ol wok bilong ranim kantri.

Solomon Ailan em i wanpela kantri we planti pasin na kastom i wankain tru long yumi long Papua Niugini. Olsem na PNG i ken helpim Solomon Ailan long ol hevi bilong em. Gavman bilong PNG tu i save givim helpim long Solomon Ailan we olpela Praim Minista Bill Skate i bin givim K10,000 na tokaut olsem olgeta yia PNG i mas helpim Solomon Ailan long ol wok na hevi em i bungim. Olsem na dispela pasin poroman i stap long kastom na pasin na tu long pasin bilong toktok na helpim bilong gavman tu. Olsem naw PNG i ken helim Solomon Ailan long ol hevi bilong em bihainim pasin bilong yumi stret.



**Planti komplek tasol ino gat senis**

**Dia Edita**

Mi wanpela mangi Mendi tasol nau mi istap long Buka long NSP. Na mi laik bekim pas we i bin kamap long Wantok niuspepa long 04/06/03. Pas bilong Micha Waria ya i tok noken komplek long ol memba bilong yumi. Mi laik bekim na sapotim dispela pas.

Sapos yu no komplek long memba bilong yu em inap long kisim wanpela developmen i kam tu o nogat? Mi tokim yu stret Gavman em i papa bilong yumi na wanem samting yumi laik kisim long Gavman em bai yumi ken komplek planti taim long em na bai yumi kisim developmen ikam long ples bilong yumi. Na tu sapos yu no toktok long

memba bilong yu bai em i kisim gutpela tingting long husat? Em yumi yet tasol bai givim gutpela tingting long em na bai em i ken kisim developmen i kam long provins. Olsem na brata Micha Waria ya mas pusim memba bilong yu long kisim developmen i kam long ples bilong yu. Em tru long ol sampela toktok yu bin mekim.

Yumi no inap komplek tumas long ol tasol wanpela samting yumi laik kisim em yumi mas komplek tums long ol na kisim samting. Long wanem gavman em i papa bilong yu. Tenkyu.

**Sowal Hinol  
Malasang 1, Buka  
NSP**

**Sauten Hailens Gavana em ino wok stret nau**

**Dia Edita**

Mi wanpela mangi bilong SHP tasol nau mi stap long Tabubil na mi harim long redio Sauten Hailens olsem Gavana bilong Sauten Hailens em i givim deputi gavana igo long Nipa yet na olgeta minista igo long ol Nipa Kutubu tasol na em wanem kain gavana nau. Em ting olsem nogat wanpela saveman istap long Sauten Hailens na em givim long wantok bilong em o olsem

wanem? Mi tok Sauten Hailens gavana em ino fit tru. Sapos yu open man orait yu ken givim dipti gavana igo long Mendi, Imbongu, Ialibu, Pangia, Kagua, Erave, Komo Magarima, Tari, Pori Koroba, L. Kabiago yu no laik givim long ol dispela. Ol dispela distrik ol nogat saveman orait lukim yu long 2007.

Em tasol.  
**Kapia Mendi  
Tabubil, WP**

**Rot i bagarap na PMV fe igo antap long Sauten Hailens Provins**

**Dia Edita**

Mi wanpela mangi bilong Sauten Hailens provins. Distrik: Magarima; Ples: Poundaga Yuhama olsem na mi gat bikpela wari tru long ol lain bilong mi long Magarima, Poundaga, Yuhama, Biako na Hawapia na sampela ples long Sauten Hailens tu. Bikos long rot blok na raskol pasin i wok long kamap na tu rot igo bagarap long Nipa, Poroma, Magarima na igo inap long Tari.

Bikos long dispela as tasol, ol pipol bilong dispela hap i kisim taim na tu ona bilong PMV ka i apim bas fe igo antap. Ples mi laik askim ol gavman long palamen olsem inap yupela lukluk long nids na wari bilong pipol long ples? Ino long Sauten Hailens tasol nogat. Olgeta hap bilong wanwan provins insait long kantri Papua Niugini.

Long Sauten Hailens, sait i gutpela ples. Tasol wanpela samting olsem sampela man nogut insait long ples i wok long kamapim trabel long rot na bagarapim pipel. Tasol wanpela bikpela askim olsem: Husat tru bai lukluk long dispela hevi/trabel bilong pipel long ples?

I gutpela sapos ol manmeri long ples na gavman i wok bung wantaim na traim stretim dispela ol hevi. Las samt-

ing mi laik toktok long pipel long ples olsem wanpela gavman sevis istap long eria bilong yumi imas lukautim gut. Bikos yumi manmeri long ples tasol givim vot long man husat sanap long memba olsem na sampela i save tingting gut long pipel bilong em long ples na i save givim o wokim sevis gut tasol sampela i save tingting long meri pikinini na bisnis bilong ol long groim.

Olsem na hap bilong mi long Poundaga, Yuhama, Biako, Magarima na Hawapia mi laik tok olsem; 2007 ilek-sen i no long yupela i mas makim rait lida. Mi laik tok olsem yupela noken paul na vot long man husat i kam givim yu K20 o K50 long wanpela vois bilong yu. Yu mas tingim ples bilong yu, pikinini bilong yu husat i stap long skul na tingting long bihain taim. Noken tingim nau tasol. Lukluk gut long husat man bai kisim sevis i kam insait long provins o distrik bilong yu. Sapos yu makim lida i gutpela man em bai provins, kantri o distrik bilong yumi bai kamap gutpela. Trabel o rot blok em bai ino inap kamap bikos gavman igat pawa long lukim dispela samting.

**Ricky T. Hakalia  
Mt Hagen, WHP**

**Plis Minista i no mekim wok gut**

**Dia Edita**

Mi wanpela mangi Sauten Hailens i save stap long Pot Mosbi na mi lukim kainkain trabel i wok long kamap long olgeta hap long kantri. Kain trabel long Sauten Hailens em mi ting olsem Plis Minista inap long tokaut klia long ol pablik long no ken mekim trabel. Tasol mi i no lukim hap liklik toktok bilong Plis Minista. Bos bilong Plis yu stap we? Mi tok

tenkyu i go long grasrut Plis Komisina, Mista Sam Inguba long gutpela wok em i mekim long karimaut wok bilong lo na oda pasin insait long kantri. Komisina Inguba i go het. Mipela i stap wantaim yu long sapotim dispela gutpela wok yu mekim. God i ken blesim gutpela wok bilong yu. Em tasol wari na lukluk bilong mi.

**Ronick Ebarikiri  
Gordons, NCD**

**Dia Edita**

**Wantok Niuspepa P.O. Box 1982, Boroko NCD -  
Phone: 325 2500  
Fax: 325 2579  
Email: word@global.net.pg**

**WANTOK**

Publishing Weekly, Wednesday, for Word Publishing Company Ltd. P.O. BOX 1982, BOROKO, NCD PAPUA NEW GUINEA

**TELIPON: 325 2500  
FEKS: 325 2579**

**EMAIL: word@global.net.pg  
PE BILONG WANPELA YIA  
52 NIUSPEPA**

PLES	AIR
PNG	K140.00
OSTRELIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

**General Manager:**  
Jeremy Burgess

**Editor of Wantok:**  
Yakam Kelo.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms, acceptance are available at Word Publishing Company Ltd. and are set out in full on the reverse side of its official display Advertising Bookings form.

Printed and Published by Jeremy Burgess, at Allotment 2, Section 209, Spring Garden Road (Poreporena Highway), Hohola, for Word Publishing Co. Ltd.

# Somare Marat Gavman mas noken gridi tumas long pawa

Dia Edita


Mi no wanbel long kain pasin dispela gavman bilong Somare Marat i mekim long senisim nabaut ol Mama Lo. Gavman bilong Somare Marat i noken ting olsem em bai stap yet long pawa ful 5 yia tem long pala-men. Papua Niugini em yangpela kantri tru na kantri i fri long demokresi. Yumi mas bihainim stret Mama Lo na noken tru rausim o senisim mama lo bilong demokresi. Somare Marat Gavman i longlong pinis long senisim lo bilong vot inogat bilip long gavman. Yupela inoken hangre long pawa tumas. Larim vot inogat bilip mas kamap long gavman long June 2004. Mi save lukim gavman save sanap strong na mekim wok stret bikos long vot inogat bilip bai kamap long rausim gav-

man. Tru tumas vot inogat bilip i save stap olsem was dok bilong gavman. Sapos kantri bilong yumi inogat demokresi o vot inogat bilip long gavman ating gavman bai no nap sanap strong, wari, pret na mekim samting long laik. Ol lida bai nonap wari long wanpela samting bikos nogat was dok bilong ol. Olgeta lida husat yumi ol manmeri i givim pawa long go long palamen bai i ting ol i moa yet bikos ol bai i stap ful 5 yia tem na traime long nesanel ileksen. Sapos ol lida i stilim mani bilong pipel o gavman bai yumi luksave long bihain long nesanel ileksen olsem na plis larim vot i nogat bilip i stap bek long kantri.

Papua Niugini bai sanap strong, ron stret, wok stret sapos gavman holim bek vot i nogat bilip na bihainim stret

Mama Lo. Papua Niugini gavman bai pret tru long vot inogat bilip istap olsem was dok. Olsem na olgeta taim wanem gavman i kam igo mas mekim wok stret bilong ronim kantri. Nau kantri i bungim hevi long mani na ol lida ino moa tingting long sevim kantri. Ol wok long ronim bisnis bilong famili, inves long narapela kantri, pulumapim poket/bilong ol yet na raun gut tru sapos ol stap 5 yia ful long gavman man mi no save ol bai i kamap narakain stret ya. Plis mi askim Somare Marat gavman long tingim kantri pas na bihain yu. Noken gridi long pawa na larim vot i nogat bilip long gavman i kamap long mun June 2004.

Tano Wati  
Mt Hagen, WHP



• Namel long PNG stret na antap tru long ples kol: James Kila ripota na stringa bilong Wantok niuspepa i go raun long dispela kol ples Tambul long Mt Hagen. Em i wanpela Nesenol Agrikalsa Rises Institut long hap. Foto: James Kila

# Wok Sande i go long Sande

Dia Edita

Mi save lukim pasin bilong wok Sande i go long Sande em i no gutpela tumas long tingting bilong mi. Sande em de bilong God antap. Em i bikpela de we God i bin malolo long em. Em de namba seven. Sande em de bilong stap isi long haus na wasim samting. Nau

mi wok long lukim dispela pasin bilong sampela ovasis kampani na mi no wanbel tumas. Kantri bilong yumi na bilong wanem ol bai kontrolim yumi olgeta taim? Narapela em pasin bilong wok 8 tu 8 em ino gutpela. Taim em 8 tu 5 ino long 8 tu 8. Dispela ol lain ovasis kampani i kam mekim bisnis hia ol i

mas tingting gut long dispela. Maski long tingim tumas mani.

Em tasol komplek bilong mi. Husat wokman o meri bilong dispela kain kampani i

laik sapotim o egensim em i welkam tasol.

Amos Pando  
Madang

**OL PAS**

Dia Edita - Wantok  
Niuspepa  
P.O. Box 1982, Boroko, MCD.  
Ph: 325 2500  
FAX: 325 2578  
Email: ward@global.net.pg

# Rausim BSP benk sistem long PNG

Dia Edita

Mi wanpela mangi Madang i save kus pundaun stret long raitim ol pas. Nau mi i gat wari na mi kam putim long pablik long skelim na yumi olgeta i ken lukim em gutpela o nogat. Bipo long mi bekim pas bilong brata ya Amos Pando mi i no save em bilong wanem hap bilong Madang.

Pas bilong em i bin kamap long Jun 26, 2003 long wankain topik bilong komplek long BSP benk bagarapim ol turangu ol kastoma bilong benk. Amos yes ya gavman i mas rausim BSP benk ya. Olsem mani bilong em, em wok long pasim i stap na mipela long ples na taun i pilim nogut tru. Bipo PNGBC benk i no save mekim olsem long ol kastoma bilong em taim ol i kam long rausim moni long ATM

na diposit long diposit rum. Gavman i mas lukluk gut na rausim BSP benk em bai istap bilong em yet na PNGBC bai statim gen wok bilong helpim yumi turangu lain mani bilong yumi i stap long benk em bai yumi kisim isi tru. Nau yet yu i go long benk na yu igo long ATM rum na taim yu pusim kat bilong yu i go bai masin bekim bek kat bilong yu na ol sekyuriti bai tokim yu olsem kam narapela dei gen na long diposit rum em planti askim save kamap long ol wokman o meri.

Taim yu tokim ol benk sekyuriti givim yu diposit pepa bai raitim hamas yu diposit tasol kwesten em wetim yu long kaunta. Dispela benk em klostu wankain olsem agrikalsa benk. Agrikalsa benk em yu dinau olsem nau ol i mas save gut na

wanem wok bai yu mekim bilong pasim hol o bekim dinau moni hariap. Na dispela em i no agrikalsa benk na yupela wok man o meri bilong BSP wokim olsem. Em ino mani yupela givim mipela na mipela putim long benk na askim tumas. Amos Pando mi sapotim yu long dispela gutpela pas bilong yu. Rausim BSP benk na larim PNGBC benk statim wok gen em gutpela bilong sevim turangu lain. I no mani bilong yu na yu pasim. Em mani bilong ol na ol i gat rait long kisim na yusim long laik bilong ol.

Ating em tasol na yu husat man o meri laik sapotim o salensim em rait tasol na mi lukim.

K. Linus Edy  
Madang

# Stail na laip i senis pinis long PNG

Dia Edita

Mi wanpela man mi save laik tru long ritim Wantok niuspepa tru. Mi bin rait wanpela taim pinis long Wantok niuspepa long tokaut long sampela tingting, na ino amamas long sampela samting ino stret long kantri PNG. Tasol mi sekim Wantok niuspepa olgeta taim, pas bilong mi em yupela i no printim em long las 3 mun i go bek pinis.

Olsem na nau gen mi rait long yupela. Inap yupela printim dispela tingting na sapotim pas bilong tupela man ya em long pas bilong Bab Pat bilong Wewak, na D. B. Yaka bilong Mt Hagen.

Long pas bilong Bab Pat em i wankain long las pas mi bin rait tasol ino bin kamap long Wantok pepa.

Dispela kain laipstail bilong nau em mi laik tok olsem ino bihainim kastom bilong PNG long tumbuna bipo i kam inap long leit 1980s. Ol dispela gutpela stail na kastom bilong wan wan ples insait long PNG nau i wok long lus na pinis isi isi, na long kisim ples nau em mi ken tok laipstail bilong ol westen kantri na kalsa bilong narapela kantri.

Bipo long PNG kalsa na tredisen, em yu mekim long amamasim ol bikpela bung opim skul o haus sik o sampela kain spesol seremoni yumi holim, na ol arapela moa em yumi save mekim na nogat pe long em. Tasol sapos yu lukim long stail bilong nau, em mani i tok na yu mekim.

Yu no mekim wantaim olgeta bel na tingting na amamas bilong yu. Nogat. Em mani mekim na ol yangpela meri tude ol givim skin bilong ol olsem wanpela hap laplap o klos bilong putim.

Dispela kain stail long ai bilong ol yangpela ya na ol ogenaia bilong dispela kain resis ol i ting em i gut-

pela tru na ol i amamas long redir kain kontes olsem. Tasol long ai bilong God husait i wokim yu na y stap tude, yu ting God i amama long dispela kain tingting na pasi bilong yupela?

Dispela kain pasin tasol i kama long olupela testamen we God bagarapim ples na ol manmeri ino long dispela kain pasin nogut ol dai. Dispela i save bringim kai samting olsem bagarapim mer kilim meri i dai o bagarapim me nogut tru na husat em i asua lon dispela?

Wanem garenti ol ogenaia i go long givim long famili bilong turang yangpela meri ya sapos biru painim em?

Mi bilip mani ol bai givim lor famili ino nap long baim laip i kar bek, bikos laip em i bikpela samtir long ai bilong God, yu harim?

Nambatu sapot bilong mi i go lor D B Yako. Mi sapotim tok bilong e long stopim salim bilong ol kondo insait long kantri bilong yumi.

Olsem Yako i tok pinis, dispe inap givim bikpela pret tru lor man/meri husait i laik mekim pas pamuk nating tasol, na i no ting laip bilong em. Ating dispela rot inap long mekim na man bai pir wok long kam stret long haus na si daun gut wantaim meri na pikin bilong em.

Na tu, em i helpim pasin bilong man save giamanim meri olsem em gat planti wok long mekim bihain long taim bilong wok long opis. Dispela tu i sut long ol meri i save salim skin long mekim inap mani bilong helpim em na famili. Em tasol.

Paul I.  
Lorengau, Manus Island

# Kavieng taun na maket i bagarap

Dia Edita

Mi laik autim wari bilong mi long pablik. Kavieng taun na maket i luk olsem i nogat taun komisin. Mi laik olsem ol i noken kisim mani long maket bilong ol manmeri painim liklik mani bilong ol.

Sapos ol maket long gutpela hap orait ol i ken kisim. Mi les tru long hat hat moa na kisim mani long maket. Yupela mas yusim het bilong yupela na stretim maket na ol manmeri ol kam salim kaikai bilong ol na kisim mani long ol.

Mi lukim olgeta hap maket em i luk olsem maket tasol long Kavieng i no luk olsem maket. Traim na stre-

tim gut na senisim olgeta samting bilong maket. Taun tu mi lukim i no luk olsem taun. Planti pipia ol boto na rabis pepa na skin buai spet buai i no pilai long ai bilong ol stua na bas stop nambaut na bagarapir taun. Traim na lukautim taun bilong yumi.

Mi lukim planti strit mangi bilong taun ol wok long pilai ap long taun na taun i bagarap. Traim na stop ol dispela kain pasin. Husat sapot egensim, rait tasol long Wantok niuspepa.

Monias Kanaka  
Kavieng, NIP

# Wara Waghi i baragap pinis

Dia Edita

Mi laik tokaut long niuspepa olsem dispela wanpela rot tasol we ol Waghi, Dei na sampela Simbu na Hagen i save kisim wara bilong waswas i bagarap. Pis i gat doti taim ol kampani i save wok long hap na planti moa bisnis long hap i save tromoi ol pipia long dispela wara. Plis laip bilong mipela em i noken bagarap. Ol kampani na bisnis haus noken tromoi rabis long Waghi riva. Na tu larim mi tok lik-

lik long Gavman bai bia (lika) i op long Westen Hailans pProvins. Taim Gavman i pasim bia long Simbu, Westen Hailans igo olsem, planti ol man long ples i dring stim (Hom med bia).

Dispela i kilim ol man bikos bia ol SP botol i dia tumas long baim nau. Gavman i mas larim bia i op gen na putim takis (tax) bai olgeta man long Jiwaka na Westen Hailans i ken lusim stim na dring bia stret.

Dispela stim bia nogut na inap kilim o man. Na tu stim bia ba pulim planti yangpel man i go insait lon dring na ol bai bagarapim bodi bilong o nabaut. Stim bia ba bilong ol man na kilir ol i dai.

Em tasol wari bilong mi ya.

Matt Dedebo  
Holeyah  
Banz, WHP

# mid year SALE

**GREAT SAVINGS** ON SELECTED RANGE OF WORLD'S BEST BRANDS OF HIGH QUALITY TELEVISION SETS & VCRs. **NOW ON! SHOP NOW!**

14" television



**SAVE K40**

**K30.00**  
FORTNIGHTLY DEPOSIT K45  
**AKITA 14" CTV**  
VC3731  
• front AV Output • front speakers  
• multi system • remote control  
WAS CASH K699 **NOW CASH K659** • REG. K759


14" television



**SAVE K80**

**K35.00**  
FORTNIGHTLY DEPOSIT K54  
**PHILIPS 14" CTV**  
14PT2001/59B  
• NICAM Berman stereo • multi system  
• personal zapping • S-video connector  
• teletext  
WAS CASH K895 **NOW CASH K815** • REG. K939

VCRs



**SAVE K380**

**K28.00**  
FORTNIGHTLY DEPOSIT K43  
**PHILIPS VCR**  
VR330/55  
• digital auto tracking  
• auto head cleaner  
• auto repeat  
WAS CASH K999 **NOW CASH K619** • REG. K715

20" television



**SAVE K100**

**K61.00**  
FORTNIGHTLY DEPOSIT K97  
**SANYO 20" CTV**  
CM20KX85A  
• AV stereo with bass expander  
• front AV input for game  
• CATV ready • DVD ready  
WAS CASH K1,599 **NOW CASH K1,499** • REG. K1,729


21" television



**SAVE K260**

**K79.00**  
FORTNIGHTLY DEPOSIT K125  
**TOSHIBA 21" CTV**  
21N3XE  
• multi system • 2 front speakers  
• super black tube • remote control  
• bomba sound speakers  
WAS CASH K2,259 **NOW CASH K1,999** • REG. K2,299

25" television



**SAVE K100**

**K90.00**  
FORTNIGHTLY DEPOSIT K145  
**PHILIPS 25" CTV**  
25PT2152/69R  
• NICAM Berman stereo  
• multi system • personal zapping  
• S-video connector • teletext  
WAS CASH K2,299 **CASH PRICE K2,199** • REG. K2,529

29" television



**SAVE K300**

**K101.00**  
FORTNIGHTLY DEPOSIT K162  
**PHILIPS 29" CTV**  
29PT2162  
• NICAM Berman stereo  
• multi system • personal zapping  
• S-video connector • teletext  
WAS CASH K2,799 **CASH PRICE K2,499** • REG. K2,875

**The Courts Price**

- ▶ LOWEST CASH PRICES
- ▶ LOWEST CREDIT PRICES
- ▶ WE CHECK PRICES - DAILY
- ▶ WE'LL BEAT ANY PRICE
- ▶ COURTS WILL NEVER BE BEATEN ON PRICES - EVER

For more details on The Courts Price Guarantee see us in store.

**Treasure Chest**

Ela Motors SPEND K100.00 AND GET A FREE TREASURE CHEST TICKET

City Pharmacy


TO BE IN IT!

**INSTANT CREDIT APPROVAL**  
CONDITIONS APPLY\* (SEE NEXT PANEL)

**REQUIREMENTS**

- CONFIRMATION LETTER
- Current Employment Letter
- ID CARD
- Current Employment ID Card, etc.
- LATEST PAY SLIP
- Latest fortnight pay slip
- ADDRESS CONFIRMATION
- Latest PNG Power or EDA RANU Bill
- 2 REFERRERS' DETAILS
- Names, Addresses, Phones, etc.

\*Our Prices in this press advertisement are subject to change at any one time without notice. The Products shown in this press advertisement were available at the time of press printing. Not all these are available in all branches.



**PNG'S FAVOURITE FURNITURE & ELECTRICAL SUPERSTORES**

<b>COURTS BOROKO</b> Monian Haus, Tabari Ples Tel: 323 6802 • Fax: 323 6803	<b>COURTS TOWN</b> Steamships Plaza, Pt. Moresby Tel: 321 2143 • Fax: 321 5249	<b>COURTS GORDONS</b> Spring Garden Road, Gordons Tel: 302 5808 • Fax: 325 4149	<b>COURTS GOROKA</b> Fox Street, Goroka Tel: 732 2033 • Fax: 732 2063	<b>COURTS LAE</b> Milfordhaven Road, Lae Tel: 472 4800 • Fax: 472 4621	<b>COURTS MADANG</b> Beckslea Plaza, Madang Tel: 852 3711 • Fax: 852 3712	<b>COURTS HAGEN</b> Hagen Drive, Mt Hagen Tel: 542 1401 • Fax: 542 3517
---	--	---	---	--	---	---



# CASH IN THE CAN

## OX & PALM

1000's  
OF KINA  
TO BE  
WON

OX & PALM  
BRAND  
CORNED  
BEEF

ATIONS YOU HAVE  
K50 CASH

ATIONS YOU HAVE  
K50 CASH

ATIONS YOU HAVE WON  
K100 CASH

ATIONS YOU HAVE WON  
K250 CASH

ATIONS YOU HAVE WON  
K1000 CASH

When you open your favourite Ox & Palm 340g tin look under the lid to see if you have won.

You can win instant prizes of K50, K100, K250, K500 or K1000 cash.

### TO CLAIM YOUR PRIZE

Send in your winning lid plus your name & address to:

Hugo Canning  
P O Box 635  
Boroko NCD

# Tambul em senta bilong PNG

## ...Ples i kol na nais tru

James Kila i raitim

PLANTI ples insait long Papua Niugini i gat kala na bilas bilong ol yet. Wanpela bilong ol dispela ples em Tambul. Dispela ples em i stap long senta tru bilong kantri bilong yumi na i sindaun aninit stret long wanpela bikpela maunten em Maunten Giluwe.

Tambul gavman stesin long Kagul veli i luk nais tru taim mipela i saitim long maunten kona na lukluk i go daun. Mipela i ron i kam olsem long Marmar kona na lukluk i go long Tambul stesin. Tambu i stap samting olsem 2,224 mita antap long solwara level.

Sapos yu nupela man orait mi ken tokim yu olsem Tambul em i senta poin tru bilong PNG. Em i stap insait long Westen Hailans provins na i stap long boda bilong Sauten Hailans tu wantaim.

Dispela em i namba wan taim tru bilong mi long raun i go olsem long Tambul stesin na tru tumas ples i save kol tru na nais tru.

Wanpela misin stesin i stap long Tambul we ol lain misinari bilong PNG Baibel Sios i gat skul bilong ol Tok Pisin. Dispela misin stesin i klipela tru. Ol haus long dispela stesin em ol i wokim bihainim kain stail bilong ol lain misinari bilong Amerika stret na i luk nais tru.

Mipela i kisim ka long Mt Hagen na go olsem long rot bilong Enga na bihain mipela i saitim kona na bihainim han rot i go long Tambul. Dispela rot em ol i putim kolta pinis na ron bilong ka i bin gutpela tru.

Wanpela sinia agronomis na kopi saintis bilong Kopi Industri Kopresen (CIC), Pamenda Talopa i bin draivim dispela Toyota 4 wil draiv bilong mipela i bin ron gut tru long dispela rot.

**Nupela kolta rot kamap gut tru**

Dispela nupela kolta ol i putim em i stat long Tomba maus rot na i go inap long Marmar kona. Ol narapela hap rot em ol konstrak-sen kampani i stretim gut tru na redi tasol long putim kolta.

Mista Talopa i stori olsem bipo dispela rot i save bagarap tru. Planti taim ol man i save pusim ka long taim bilong ren bikos graun i save malumalu stret na wel.

**Ol bikpela lain wan pisin**

Ol bikpela lain wanpisin husat i stap long rot i go olsem long Tambul stesin em ol lain Kanimbe, Aiyaka, Tano, Kulumindi, Yap na ol lain Mondika husat em ol lain papa tru bilong dispela graun Tambul stesin.

Ol pipel bilong dispela hap i save stap gut tru namel long ol yet. Nau yet taim rot i redi gut ating ol bai bung wantaim long mekim bisnis na sapotim wok bisnis bilong ol.

**Stat bilong ol bikpela wara long PNG**

Mista Talopa i stori long mi olsem dispela Kagul wara em i save go daun na bung wantaim Nebilyer Wara na kamap long Galp na Westen provins.



• Ol opisa bilong Kopi Industri i traime waia bris long Tambul eria. Foto: JAMES KILA

Mi sori tru olsem sapos nogat ren ating bai mi kisim poto bilong dispela naispela liklik haus em i stap insait tru long bus. Long sait sait bilong dispela liklik haus em tupela liklik han wara i save ron. Wanpela han wara long han kais em stat bilong bikpela Flai Wara we i ron i go daun long Westen provins

na narapela long han sut em liklik wara we i statim ron bilong bikpela Sepik Wara.

Dispela wara long han sut i save ron i go daun na bung wantaim Wara Lai long Enga provins na tupela i save ron i go daun long bikpela Sepik Wara. Wanpela gutpela stori bilong dispela tupela wara em olsem

tupela i no save bungim ol yet. Ol i ron long narapela narapela rot i go aut long solwara. Flai Riva i save go aut olsem long Coral Sea na Wara Sepik i save kamaut long Bismark Sea.

Dispela ples mi stori em i stap long bus stret na i gat gutpela win na bus tu i kol.

I nogat banana we yu ken lukim long narapela hap bilong PNG o Hailans rijon i groa long hap. Dispela ples i kol moa na banana na tu kes krop olsem kopi i no inap kamap.

**NARI stesin long Tambul**

Long Tambul stesin wanpela han bilong gavman husat i gat bikpela graun em ol lain bilong Nesenel Agrikalsa Rises Institut (NARI) i stap. NARI i gat bikpela graun long Tambul. Ol i wok long karimaut sampela wok painimaut long ol rot bilong groim kaikai long kol ples olsem ol ples we i stap antap tru long level bilong solwara. Dispela em long tok Inglis ol i save kolim High Altitude. Long dispela rises stesin bilong NARI long Tambul ol lain saintis i save stadi long ol kaikai we i save groa gut long kol ples na painim wanem gutpela rot long groim ol na ol bai kamap gut.

**Bas bisnis bilong ol Tambul**

Planti ol lain Tambul em ol bisnisman nau yu bai lukim long Mosbi siti na tu long Lae. Ol dispela lain i save wokim ol bas bisnis nabaut. Ating olsem long nau yet dispela rot bilong Tambul i gutpela pinis olsem na ating ol kosta bas na ol PMV bai ron nau long hap.

KANTRI bilong yumi em i wanpela kumul kantri stret. Tasol pipel bilong yumi yet i bagarapim. Tupela wik i go pinis mi stap long Madang ol namba wan bos jas bilong Pasifik na ol arapela jas tu ol i bin stap. Bikpela kibung tru long Pasifik i kamap long toktok long wok bilong ol jas. Ol jas i mas stap ol yet taim ol i mekim wok bilong ol na nogat wanpela man o meri, gavman, kampani o sios i mas bosim ol.

Ol lain bilong arapela kantri i lukim Madang. Ol i wokabaut long rot na ol i amamas nogut tru. Dispela tu i mekim mipela asples tu i amamas na paitim bros. Tasol long Fraide taim mipela laik ritim ol nuspepa oloboi, lewa bilong mipela i kalap nogut tru. Mi pilim olsem lewa i kamaut i kam na mi holim long tupela han bilong mi. Mi sem tru na aiwara i pundaun long ai bilong mi.

Em taim mi ritim olsem long pepa tupela lain i pait na kilim 10-pela man, sampela bilong ol em ol liklik pikinini. Dispela em kamap long Pot Mosbi long Stes 2 long Gerehu. Dispela ol kilim i kamap klostu tasol long dua bilong haus bilong famili bilong mi long Tete setelmen.

Wanpela yangpela man husat i bin dai, famili bilong mi i save gut long mama bilong em. Bipo em i save helpim ol tumbuna bilong mi na pikinini bilong mi. Ol birua i ronim em na kilim em wantaim naip. Ol i katim katim em inap em i dai.

Orait taim ol i holim em, em i bin singaut olsem, Papa marimari long ol. Ol i no save long wanem samting ol i mekim. Em i tok olsem pinis na ol i katim katim em na em i dai. Em i kapsaitim blut bilong em antap long kolta. Olsem Yesus i hangamap long kruse em i beten olsem Yesus i bin beten.

Marimari long ol. Ol i no save long wanem samting ol i mekim. Planti bilong yumi i save bel hat, kros na biruaim ol arapela nating. Long dispela biruaim long Gerehu sampela man i kisim Lo long han bilong ol taim wanpela bilong ol i kisim biruaim na i dai. Em stat bilong trabel. Ol lain i kisim namba wan dai ol i no laik larim Lo, plis na kot i stretim dispela biruaim. Nogat ol yet i kamap jas, plisman na woda polis.

## Belhat na bihainim arapela

Ol i lus tingting long toktok bilong Yesus na wanpela pikinini Goilala taim em i tok olsem Yesus, marimari long ol. Kilim arapela em i no gutpela. Maski em i bekim kilim. Kantri bilong yumi bambai i go nogut tru sapos yumi i no stop long kilim wanpela arapela. Yumi i no ken larim belhat na kros i bosim laip bilong yumi. Planti taim yumi save pasim tingting taim hevi o biruaim i kisim yumi. Wanpela bilong yumi i dai o ol arapela i kilim em yumi man yumi i gat bel nogut. Yumi laik bekim. Yumi kilim ol lain i biruaim yumi. Tasol buk Baibel i givim yumi nupela rot long bel isi na fogivim husat i biruaim yumi. Yumi lukim Esau i fogivim brata bilong em Jacob. Yumi lukim Joseph i fogivim ol brata bilong em. Yumi lukim tu Yesus i fogivim ol lain i biruaim em.

Em i hat tasol yumi mas traime sapos yumi laik kamap wanpela kantri i gat namba na go het long nupela laip. Long stat long forgiv em yumi mas beten long ol arapela ol i nogut long mipela. Long buk Epesus 4. 32 yumi ritim kliapela toktok bilong Yesus. Fogivim olsem God i fogivim yu. Long dispela pas Pol i raitim long ol pipel bilong Efesus, Pol i tokaut kia stret long ol pasin kristen manmeri i mas mekim. Pol em i tok olsem yumi pikinini bilong God. Orait yumi mas traime long stap olsem em. Yupela mas bosim laip bilong yupela long wanbel o laikim. (Epesus 5. 3-5)

Yumi noken bel hat kwik, kros na pait na kilim wanpela arapela. Yumi ol pipel bilong lait bikos yumi i pikinini bilong God. Olgeta samting i kamap maski i luk nogut. Sapos yumi lusim long han bilong Bikpela, em bai kamapim bel isi na blesing namel long ol pipel bilong em. Ol gutpela pipel i stap aninit long Spirit bilong God na i no aninit long spirit bilong satan husat i laik bekim bekim na kamapim moa kros na pait.

Husat i stap aninit long lukaut bilong Holi Spirit em bai i stap wantaim bel isi. Orait kantri bilong yumi kisim gutnius moa long 100 yia nau. Long Julai 4 ol lain long Bereina Daiosis i selebretim 118 yia bihain

long ol misinari i mekim pes misa o lotu long Yul Ailan long Bereina. Taim Bisop Kerubim Dambui i selebretim misa long 118 yia long Boroka long las Sarere em i tok olsem. Ol lain gutnius i kamap long ol em ol i olsem Maria na Josep. Ol i kisim Yesus long haus na laip long haus na laip na lewa bilong ol na ol i lukuatim em.

Yumi husat i kisim gutnius pinis yumi kamap Maria na Josep lukautim Yesus. Yesus em man bilong marimari. Yumi tu yumi mas senisim laip bilong yumi. Yumi mas fogivim ol husat i mekim nogut long yumi.

Tru gavman na palamen i ken kamapim strongpela Lo. Gavman i ken kilim ol trabel manmeri. Gavman i ken wokim Vegrensi Lo na salim ol manmeri i nogat wok i go bek long asples bilong ol. Gavman i ken givim Aidi Kat tu. Tasol dispela olgeta samting i no inap helpim yumi sapos yumi i no senisim pasin bilong yumi.

Yumi independen kantri klostu 30 yia nau. Nau i gat moa kilim na moa trabel winim bipo. Olsem na planti bilong yumi i wari nogut tru. Olgeta de i gat njus nogut long kilim man, repim meri, sut long gan, stil na ol kainkain trabel.

Olsem na gutpela Kumul Kantri bilong yumi i kamap olsem wanpela raskol ples. Planti manmeri tumas i kam raun raun nating long siti na mekim trabel. I gat planti wok bilong mekim. Tasol i nogat inap wok bilong kisim pe. Prais tu bilong olgeta samting i go antap. Olsem na i gutpela sapos ol lain i nogat wok long taun i mas tingting long go bek long asples na holim graun na mekim ples i kamap gut. Gavman Lo na polisi i mas senis tru tru na helpim ol turangu lain husat i laik go bek long asples na developim graun.

Yumi i no rabis manmeri na yumi stap olsem rabis manmeri. Yumi mas save tu olsem yumi kamap wanpela famili. Yumi i mas rispek long wanpela arapela na stop paitim na kilim wanpela arapela. Em yumi yet bai bagarapim kantri bilong yumi yet.

**WINIM TAUR**

*wantaim*

**BERNARD NAROKOBI**

Tru tumas dispela pasin bilong kilim nabaut ol manmeri na ol pikinini tu i nogut. Em i no stret tru.

Taim mipela i bin kamapim self gavman na independen na taim mipela kamapim Mama Lo mipela i bin i gat bikpela hop na driman. Mipela i bin bilip tu olsem ol kainkain pipel, tok ples, kalsa, pasin, lotu na lain wanpsin bai ol i ken bung wantaim na wok wantaim, go long skul, baim takis na mekim Papua Niugini i kamap wanpela strongpela na ris kristen kantri we pipel i laikim God, pretim God na laikim wanpela arapela. Mipela i no bin kamapim PNG long larim ol bikhet manmeri i kam o i go long ol taun na siti na pait, kilim wanpela na arapela.

Winim Taur i wari tru long ol bikhet pasin i kamap strong tru long Papua Niugini. Pipel i mas stap isi, wanbel na bai gavman i ken wok gut. Yumi noken traime long sot kat na kisim Lo long han bilong yumi yet. Nogat. Nau yumi i stap aninit long Lo bilong God na kantri. Yumi mas bihainim sapos yumi bikhet tru tumas bai yumi lus long bikbus na biksolwara.

Papua Niugini i no pipia kantri. Long populesen na sais em winim Nu Silan na Japan, Inglan na planti arapela kantri. PNG tu i gat moa yet ol risoses tasol sapos yumi pait kilim man na go insait long korap pasin, em bai kantri bilong yumi i lus olgeta.

Taim i gat trabel o hevi, em yumi i gat ol lida, ol kukurai ol kaunsila ol sios lida na ol nesenel memba. Yumi i gat plisman na ol jas tu. Larim dispela lain long stretim ol wari bilong mipela. Long dispela we bai yumi i gat Fridom na i gat taim tu long mekim wok tru tru bilong mipela. Em long stap gut, harim tok, bihainim Lo na oda, baim takis na lukautim ol famili bilong mipela.

# ...Harim pairap bilong garamut na kundu Ol atis helpim ol yet

"OL atis bilong Papua Niugini i mas stat long helpim ol yet." Dispela em i toktok bilong wanpela top PNG musik man, Pius Wasi, long so bilong ben Drum Drum long Sarere nait long Airways Hotel long Pot Mosbi.

Dispela so em i namba wan bikpela PNG tredisenol kontemporeri musik so we i bin kamap bihain long top PNG kontemporeri ben Sanguma i bin bruk long 1980s.

So i bin soim ol stail musik na danis i kam long PNG long Drum Drum, wanpela kontemporeri ben i bes long Darwin, Noten Teritori Australia, na i save raun long wol na pilai, na grup Tambaran Kalsa na ol musik sumatin long Yunivestiti bilong Papua Niugini (UPNG) husat i sapatim ol.

PNG tredisenol kontemporeri musik em olsem pilai musik wantaim ol samting bilong waitman olsem gita, violin na piano na samting bilong PNG olsem garamut, kundu na musik paip. Planti ol singsing na danis i bilong PNG stret.

So tu i kamapim gutpela taim bilong Wasi, husat i bin stap insait long Sanguma bipo na i kamapim Tambaran Kalsa na PNG Ats Kaunsil, long tokaut long tingting bilong em long kalsa insait long kantri.

Em i tok kalsa em i wanpela bikpela samting na sapos ol pipel i no luksave long kalsa bilong ol, ol i no luksave long wanem hap ol i kam long en.

Wasi i tok planti pipel nau i no inap toktok o singsing long tokples bilong o pilai gut wanpela instrumen olsem garamut o kundu o musik paip.

Em i tok tu olsem ol atis i mas wok wantaim long kamapim kontemporeri musik indastri.

Wasi i tok olsem long ol yia i go pinis ol atis save helpim ol narapela na i no save tingting long helpim ol yet.

Em i tok ol kontemporeri atis long hia i kamapim ol prensip wantaim ol grup long Australia olsem Drum Drum na Australia Kaunsil, tasol ating gavman bilong PNG i no save olsem dispela ol prensip i stap o i no save luksave long ol.

PNG gavman tu i no save olsem ol dispela atis i save kamapim ol planti gutpela wok-sop we i divelopim na promotim kalsa



bilong


kantri.

Wanpela kain woksop em dispela ol i holim long UPNG las wik we i bin pinis wantaim dispela so.

PNG Ats Kaunsil wantaim sapat bilong Komenwelt Gavman na han bilong em Australia Kaunsil we i save wok wantaim ats i kamapim dispela woksop ol i kolim 'Atis Helpim Atis'.

Ol UPNG musik sumatin tu i bin stap insait long dispela woksop we tingting na toktok i bin kamap long sampela ol samting olsem ats, musik na kalsa indastri, ats edukesen, kamap bilong PNG ats kaunsil, tieta, nesenel musik identiti na kopirait lo/opis long kantri.

So long pinisim woksop i bin kamap gut tru na dispela ben Drum Drum husat i pilai long planti traipela so olsem Kwin's Jubilee konset long London, SFINKS festival long Belgium long 2002, Moning Sta Konset long Wes Papua long Melbourne long February na Sounds of the Planet WOMADelaide konset



• Man Fiji husat i pilai bes gita bilong ben, Philip Eaton. Lephon: Anna Faehoe, husat i bilong Australia, i putim bilas bilong PNG na pilai violin bilong ol wait man.

long Adelaide long Mas, i soim olsem ol i fit long pilai long ol kain hap olsem.

Em i klia olsem planti bilong ol pipel husat i lukim dispela so long Sarere nait i no bin lukim wanpela kain konset olsem bipo.

Em i gutpela tu olsem

planti bilong ol dispela lain i laik lukim na harim moa long dispela kain musik.

Ol ben memba bilong Drum Drum i bilong Gabagaba long Sentrel provins na Australia, wantaim tupela bilong Australia yet na wanpela bilong Fiji.

Wanpela niuspepa long Australia i tok olsem musik bilong Drum Drum bai mekim het bilong yu i paul na pulim yu bikos em i gutpela tru - em olsem kalsa bilong yumi tasol.


Narapela megasin (Low down

Mekasin) i tok olsem Drum Drum em i bikpela ben olsem biknem Australian Aboriginal ben Yothu Yindi we o bin kamaut long Noten Teritori.

Ating i gutpela nau olsem yumi noken lusim ol atis helpim ol yet tasol, tasol yumi tu i mas traim long helpim ol dispela atis bikos yumi mas amamas long ol long toktok ol pipel long ol narapela kantri long kalsa bilong yumi na long helpim yumi tu long tingting olsem kalsa em i bikpela samting tru.



• Drum Drum i mekim danis bilong ol Kiwai.



• Olgeta mama husat i gat wankain hevi olsem i mas bihainim tok-tok bilong dokta na go long haus sik long kisim marasin na skel. Dispela inap helpim tru ol mama long taim bilong karim.



• Taim bilong Stet ov Orijon gem long Australia, ol PNG i save kisim bagarap na mekim kainkain stail. Sampela pikinini i bagarapim pes long penim kala bilong feveret tim bilong ol. Aninit: Justin na Rex Yoanis i soim haus bilong ol we paia i pinisim stret long Faniufa ausait long Goroka.



**NATIONAL ECONOMIC & FISCAL COMMISSION**



**RIJINOL SEMINA LONG INTA GAVMAN FAINENSEL SISTEM**

National Economic and Fiscal Commission bai kamapim 4 Rijinol semina long wok bilong lukluk insait long ol rot we ol gavman opis i save bihainim long kisim mani na yusim mani.

**1. Hailans Rijon**

Namba wan semina bai kamap long Mt Hagen long Tunde 22 Julai, 2003 long Highlander Hotel. Semina em bilong Isten Hailans, Simbu, Westen Hailans, Enga na Sauten Hailans Provins.

**2. Momase Rijon.**

Namba tu semina bai kamap long Lae long Mande 28 Julai 2003 long Melanesian Hotel. Dispela semina em bilong Morobe, Madang, Is Sepik na Sandaun provins.

**3. Niugini Ailan Rijon.**

Namba tri Semina bai kamap long Kimbe long Mande 4 Ogas 2003 long Liamu Reef Resort. Dispela Semina em bilong ol 5-pela Niugini ailan Provins olsem Manus, Nu Ailan, Bogenvil, Is Nu Briten na Wes Nu Briten provins.

**4. Sauten Rijon**

Namba foa Semina bai kamap long Pot Mosbi long Fonde 14th Ogas long Gateway Hotel. Dispela Seminar em Western, Gulf, Central, Milne Bay na Oro Provins na tu ol arapela ejensi bilong Gavman na Praivet Sekta insait long NCD i go pas long em.

Astingting bilong dispela semina em long kisim tingting bilong ol gavman opis long ol provins long stretim gut toktok na rot bilong kisim dispela provinsel gavman grents we i stap insait long Ogenik Lo long Provinsel Gavman na Lokol Level Gavman (1995).

Olgeta Provinsal Gavana, ol Memba bilong Nesenel Palamen, Edministreta, Provinsel Plena na ol memba bilong Lokol Level Gavman i mas stap insait long dispela semina. Arapela grup husat i gat laik olsem ol NGO i ken kam tu long dispela semina.

Authorised by:

**NAO BADU**

**Chairman and Chief Executive Officer**

# Salim rigads long redio em i bikpela samting tude

## Neville Choi i raitim

SAPOS yu wanpela man o meri husat i save laik sindaun na harim redio, bai yu kirap nogut tru sapos yu harim redio anaunsa i kolim nem bilong yu.

lau bilong yu bai op na bai yu laik harim husat tru i salim nem bilong yu i go long redio stesin na wanem kain singsing ol i salim dedikesen long en.

Bihain long nem bilong yu pairap na wanpela kumkatim singsing i kamap, bai yu pilim amamas olsem sampela lain poroman o lewa bilong yu i tingting long yu i stap.

Planti ol yangpela manmeri i save laik tru long raitim pas, salim fex o ring i go long ol redio stesin na salim kain kain dedikesen i go long ol poroman na lewa.

Tasol bilong wanem stret na ol redio stesin i save givim sans long ol lain husat i save harim redio long rait i go insait na salim rigads o toktok i go long ol poroman?

Nau yet insait long Papua Niugini, i gat ol kainkain redio stesin.

PNGFM em i wanpela mama kampani we i save lukautim tupela redio stesin. Wanpela we i save pilaim ol nupela singsing bilong ovasis wantaim sampela ol bikpela lokol singsing em NAUFM na narapela we i save pilaim ol lokol singsing tasol na we olgeta program bilong ol i stap long Tok Pisin em YUMIFM.

Ol narapela redio stesin em FM100 o Kalang FM, FM Central we olgeta program bilong i stap long tok Motu, na Wantok Radio Light, wanpela kristen redio we i save pilaim ol Gospel musik.

Tasol sampela long ol dispela redio stesin i save stap long ol bikpela taun na siti tasol. Sampela redio stesin i save painim hat stret long go long ol ples we i stap longwe long siti.

Olsem na sapos yu go long wan wan provins we redio stesin bilong Nesenel Brodcasting Koporesen (NBC) i stap, ol bai gat ol kain kain program bilong ol yet we ol manmeri inap long raitim pas i go long ol long salim toksave long ol wantok bilong ol. Dispela em i narapela rot we redio i save helpim ol manmeri long ples we i nogat telepon.

Insait long siti olsem Pot Mosbi o Lae, ol redio stesin olsem NAUFM, YUMIFM, FM Central na FM Morobe i save givim sans long planti sumatin, wokman na meri na ol kain kain lain long salim rigads o didikesen long ol lain

bilong ol.

Bai yu inap long lukim planti sumatin husat i skul long siti i save yusim redio long salim bikpela laikim

ing i kamap long kantri na long pilaim ol gutpela musik. Nogat. Redio i save givim gutpela tingting na sindaun tu long ol pipel.

Sapos yu harim nem bilong yu i pairap long redio, yu i mas amamas bilong wanem i gat wanpela man o meri i wok long tingting long yu i stap.

## Sande nait muvi long EMTV

### The Perfect Storm

DISPELA piksa we bai i kamap long Sande nait long EMTV em long sampela fisamen husat bai go painim bagarap long solwara taim ol i laik go hukim pis.

Man husat i bin stap insait long narapela piksa we EMTV i bin soim long las wik, Batman na Robin, George Clooney em man i go pas long wanpela sip



• Bikpela solwara i wok long paitim sip bilong ol na ol i taitim bun long noken kapsait long solwara.

bilong em wantaim ol poro bilong em long painim pis.

Piksa ya ol i mekim bihainim wanpela trupela stori long wanpela ples long Amerika.

• Man husat i bin ekt olsem Batman long narapela piksa George Clooney bai i go pas long ol man husat bai i stap long traipela solwara taim ol i go painim pis.

bilong ol i go long lewa poroman bilong ol.

Wanpela program we i save kism planti pas na fex i kam long ol sumatin em Love Lines program bilong NAUFM long olgeta Sande nait.

Dispela program, bai yu harim ol kain kain toktok long pren i kamap na ol kain hevi tupela yangpela poroman i save bungim.

Ol dispela kain program i soim olsem planti long ol yangpela tude i save laik soim laikim bilong ol na tokaut long dispela i go long olgeta manmeri.

Sampela i save yusim redio long painimaut long wanpela man o meri ol i lukim long rot o long danis na rausim laik bilong ol long redio.

Olsem na redio em i wanpela bikpela samting we ino save helpim tasol ol manmeri long save long wanem samt-

## NATIONAL WEEKLY HIT PARADE

Julai 5, 2003  
Sponsa: Twisties

Song	Artist	Last Week	This Week
Yatu	Bahakis Slabs	1	1
Iarwari Flower	Banex	2	2
Toku Tiare	Sharzy	3	3
Alwara	Shydeez	4	4
Allan	Hausboi	11	5
Goi Kiri	Augustine Emil	5	6
Lewa A.B	Manny	6	7
Sirisi Wai	Amon Serum	16	8
Sweet Home Boug.	Crew 5	9	9
Kis Kis	Lawrence Martin	15	10
Mapai Ouke	Original Sirois	14	11
Wrong Lewa	Jr Kopex	10	12
Haus Mangi	Manny	12	13
Rema	M-Pairap	8	14
Mangi Bahakis	Bahakis Slabs	18	15
Senis Market	Kanakas	7	16
Ples Blong Mi	Qwadiks	13	17
Acting Aroma	K-Mala	17	18
Sore Na Karai	Crew 5	19	19
Alice	M4M	20	20

The Weekly Hit Parade is provided by PNG FM.



EM TV

Fonde  
24/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFLO DOLLAR
- 10.20 GRADE 7 SCIENCE
- 11.10 GRADE 7 SOCIAL SCIENCE
- 11.50 EMTV CLASSIFIEDS
- 12.00 GRADE 11 MATHN A
- 12.40 GRADE 11 GEOGRAPHY
- 1.30 EMTV CLASSIFIEDS
- 2.30 SESAME STREET
- 3.30 FLINSTONES
- 4.00 BUSH BEAT
- 4.30 DOWNLOAD
- 4.47 EMTV TOKSAVE
- 5.00 2003 FINA WORLD SWIMMING CHAMPIONSHIP DAY 4 HIGHLIGHTS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE IN TOK PISIN
- 7.00 LOTTO DRAW
- 7.01 CHM SUPERSOUND
- 8.00 TOK PIKSA
- 8.27 EMTV TOKSAVE
- 8.30 SPORTS SCENE
- 9.30 NRL FOOTY SHOW
- 11.00 AFL FOOTY SHOW
- 12.30 EMTV CLASSIFIEDS

11.00 CHURCHES MAGAZINE  
11.30 PRAISE  
12.30 EMTV CLASSIFIEDS

Mande  
28/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFLO DOLLAR
- 10.20 GRADE 7 SCIENCE
- 11.10 GRADE 7 SOCIAL SCIENCE
- 11.50 EMTV CLASSIFIEDS
- 12.00 GRADE 11 MATHN A
- 12.40 GRADE 11 GEOGRAPHY
- 1.30 EMTV CLASSIFIEDS
- 2.30 SESAME STREET
- 3.30 BEETLE JUICE
- 4.00 WONDER WORLD
- 4.30 DOWNLOAD
- 4.57 EMTV TOKSAVE
- 5.00 2003 FINA WORLD SWIMMING CHAMPIONSHIP FINAL DAY HIGHLIGHTS
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE
- 7.00 LOTTO DRAW
- 7.01 PRAISE
- 8.00 INSAIT PNG
- 8.35 SOUL CITY
- 8.57 EMTV TOKSAVE
- 9.00 MCLEOD'S DAUGHTERS
- 10.00 KING OF QUEENS
- 10.30 EMTV NEWS REPLAY
- 11.00 CHM SUPERSOUND
- 12.00 NIGHTLINE
- 12.30 EMTV CLASSIFIEDS

Fraide  
25/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFLO DOLLAR
- 10.20 GRADE 7 SCIENCE
- 11.10 GRADE 7 SOCIAL SCIENCE
- 11.50 EMTV CLASSIFIEDS
- 12.00 GRADE 11 MATHN A
- 12.40 GRADE 11 GEOGRAPHY
- 1.30 EMTV CLASSIFIEDS
- 2.30 SESAME STREET
- 3.30 FLINSTONES
- 4.00 WONDER WORLD
- 4.30 DOWNLOAD
- 4.57 EMTV TOKSAVE
- 5.00 2003 FINA WORLD SWIMMING CHAMPIONSHIP DAY 2 HIGHLIGHTS
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 7.01 BACKYARD BLITZ
- 7.30 FEAR FACTOR
- 8.27 EMTV TOKSAVE
- 8.30 FRIDAY NIGHT FOOTBALL TEST MATCH Australia v New Zealand
- 11.00 AFL West Coast v Hawthorn
- 2.00 TULAIT

Tunde  
29/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFLO DOLLAR
- 9.30 ""EMTV CLASSIFIEDS""
- 10.20 GRADE 7 SCIENCE
- 11.10 GRADE 7 SOCIAL SCIENCE
- 11.50 ""EMTV CLASSIFIEDS""
- 12.00 GRADE 11 MATHN A
- 12.40 GRADE 11 GEOGRAPHY
- 1.30 ""EMTV CLASSIFIEDS""
- 2.30 SESAME STREET
- 3.30 BEETLE JUICE
- 4.00 GOOD SPORTS
- 4.30 DOWNLOAD
- 4.47 EMTV TOKSAVE
- 5.00 BURGO'S CATCHPHRASE NEWSBREAK
- 5.29 HAPPY DAYS
- 6.00 NATIONAL EMTV NEWS
- 6.30 A CURRENT AFFAIRS
- 6.58 NEWS UPDATE
- 6.59 LOTTO DRAW
- 7.00 HAUS AND HOME
- 8.00 REPORT
- 8.27 EMTV TOKSAVE
- 8.30 PETER BENCHLEY'S AMAZON
- 9.30 STINGERS
- 10.30 EMTV NEWS REPLAY
- 11.00 FARSCAPE
- 12.00 NIGHTLINE
- 12.30 EMTV CLASSIFIEDS

Sarere  
26/07/2003

- 8.00 PLANET FANTA
- 9.30 PINKY AND THE BRAIN
- 10.00 PIG'S BREAKFAST
- 10.30 CHALLENGER
- 11.00 BURKE'S BACKYARD
- 12.00 EMTV SPORTS
- 2.00 SATURDAY AFL Melbourne v Essendon
- 5.00 ESCAPE WITH E.T
- 5.30 FISHING NORTH AUSTRALIA
- 6.00 NATIONAL EMTV NEWS
- 6.30 CITY HALL
- 7.00 AUSTRALIA'S FUNNIEST HOME VIDEO SHOW
- 7.30 THE CAMERA TRAP
- 8.00 SOUTH PACIFIC MUSIC
- 8.57 EMTV TOKSAVE
- 9.00 XENA: WARRIOR PRINCESS
- 10.00 HERCULES: THE LEGENDARY JOURNEYS
- 11.00 EMTV NEWS REPLAY
- 11.30 TULAIT

Trinde  
30/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFLO DOLLAR
- 9.30 EMTV CLASSIFIED
- 10.20 GRADE 7 SCIENCE
- 11.10 GRADE 7 SOCIAL SCIENCE
- 11.50 ""EMTV CLASSIFIEDS""
- 12.00 GRADE 11 MATHN A
- 12.40 GRADE 11 GEOGRAPHY
- 1.30 ""EMTV CLASSIFIEDS""
- 2.30 SESAME STREET
- 3.30 FLINSTONES
- 4.00 WONDER WORLD
- 4.30 DOWNLOAD
- 4.47 EMTV TOKSAVE
- 5.00 BURGO'S CATCH PHRASE
- 5.29 NEWSBREAK
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE IN TOK PISIN
- 7.00 LOTTO DRAW
- 7.01 WORLD OF WILDLIFE Marsupial Kangaroos, wallabies and pos sums all prove that pouches are very practical, and even humans make pouches out of aprons.
- 7.30 SMALLVILLE
- 8.27 EMTV TOKSAVE
- 8.30 WEDNESDAY NIGHT MOVIE: POLICY ACADEMY 2: Their First Assignment. Watch out! They've got to clean up the worst crime district in the world. But that's no problem. They're the worst police force in the universe. Stars Steve Guttenberg, Bubba Smith (1), David Graft
- 10.30 EMTV NEWS REPLAY
- 11.00 SOUTH PACIFIC MUSIC
- 12.00 NIGHTLINE
- 12.30 EMTV CLASSIFIEDS

Sande  
27/07/2003

- 6.27 EMTV TOKSAVE
- 6.30 TIM HALL MINISTRY
- 7.00 THE TEACHING MINISTRY OF CHARLES STANLEY: IN TOUCH
- 7.30 IT IS WRITTEN
- 8.00 BUSINESS SUNDAY
- 9.00 SUNDAY
- 11.00 SIGN OF THE TIMES
- 12.00 2003 FINAL WORLD SWIMMING CHAMPION Day 7 Highlights
- 1.00 AFL Sydney v Fremantle
- 4.00 NRL SUNDAY FOOTBALL: Penrith Panthers v Sydney Roosters
- 6.00 NATIONAL EMTV NEWS
- 6.30 TOUCHED BY AN ANGEL
- 7.30 60 MINUTES
- 8.30 SUNDAY NIGHT MOVIE: THE PERFECT STORM An unusually tense storm pattern catches some commercial fisher men unaware and puts them in mortal danger. Stars George Clooney, Mark Wahlberg and Diane Lane
- 10.27 EMTV TOKSAVE
- 10.30 NATIONAL EMTV NEWS REPLAY



Nem: Athens Wilson  
 Krismas: 19 (man)  
 Adres: NBPOL, Kapiura Plantation,  
 PO Box 451, Kimbe, WNBP  
 Save laikim: Pilai spots, harim  
 gospel musik, gutpela dresing, haus  
 i gat gutpela bilas, na raitim tum-  
 buna stori igo kam wantaim ol pren  
 long narapela provins.

Nem: Daicy Paul  
 Krismas: 18 (meri)  
 Adres: Bishop Wade Secondary  
 School, PO Box 220, Buka,  
 Bougainville  
 Save laikim: Pilai volibol, lukim TV,  
 raitim ol pas, senisim ol presen wan-  
 taim ol pren na go lotu.

Nem: Sairin K. Posamui  
 Krismas: 18 (man)  
 Adres: PO Box 6491, Boroko, NCD  
 Save laikim: Senisim poto, raun long  
 wiken long lukim volibol na basket-  
 bol na ragbi.

Nem: Kingsford Aggrey  
 Krismas: 20 (man)  
 Adres: Box CT 698, Cape Coast,  
 Ghana, W/A  
 Save laikim: Pilai soka, teibol tenis,  
 basketbol na raitim ol pas.

Nem: Kweku Aggrey  
 Krismas: 19 (man)  
 Adres: Box CT 698, Cape Coast,  
 Ghana, W/A  
 Save laikim: Ridim buk, pilai basket-  
 bol na senisim ol presen

Nem: Larry Aggrey  
 Krismas: 18 (man)  
 Adres: Box CT 698, Cape Coast,  
 Ghana, W/A  
 Save laikim: Pilai soka, long tenis na  
 ridim ol pas.

Nem: Yanding Leo  
 Krismas: 19  
 Adres: National Evangelist Training  
 Centre, PO Box 961, Amron,  
 Madang Province  
 Save laikim: Pilai soka, ragbi tas,  
 pilai gita, singim ol gospel song na  
 painim penfriend long mekim pren  
 wantaim.

Nem: Nanny  
 Krismas: 15 (meri)  
 Adres: PO Box 140, Wewak, East  
 Sepik Province  
 Save laikim: Harim musik, lukluk  
 long TV, tok pilai, mekim penpren na  
 laikim ol mas rait, go long lukim  
 nupela ples.

Nem: Vavine Arigi  
 Krismas: 25 (man)  
 Adres: PO Box 3325, Lae, Morobe  
 Province  
 Save laikim: Serim tok bilong God  
 olgeta taim, autim tok bilong God,  
 go aut long felosip nait, autris, harim  
 ol gospel musik na paitim gita. Mi  
 save laikim mekim pren wantaim ol  
 komited kristens.

Nem: Jerol Brien Enda  
 Krismas: 19 (man)  
 Adres: Uluu Community School, PO  
 Box 89, Aitape, Sandaun Province  
 Save laikim: Pilai spot olsem volibol,  
 soka, go long sosol nait, pasim nait  
 wantaim ol pren, mekim pani stori  
 na wet tasol long bekim pas

# We wara Ramu i kamap



LONG bipo tru ol man  
 bilong Ramu i stap gut tru na  
 amamas wantaim. Tasol wan-  
 pela taim ol i gat bikpela  
 singsing i kamap long ples.  
 Na dispela ples i stap longwe  
 liklik, na wanpela yangpela  
 meri i stap. Na ol man i resis  
 long singsing na pairapim ol  
 kundu na mekim save tru.

Tupela yangpela man wan-  
 taim mama bilong ol i go  
 bihain tru. Wanpela lapun meri  
 i sindaun long rot na kus  
 bilong em i pundaun na skin  
 bilong em i gat grille. Dispela  
 lapun meri nogut ya askim  
 tupela yangpela man wantaim  
 mama bilong ol olsem, "Ol  
 pikinini yupela i kam long  
 singsing tasol mi gat sampela  
 taro na kaukau i stap long  
 bilum bilong mi na bai yupela  
 inap long kaikai o nogat?"

Lapun meri i bin askim plan-  
 ti ol yangpela man tasol ol i  
 spetim em na tok bilas long  
 em. Tasol tupela yangpela ya  
 wantaim mama bilong ol i tok  
 olsem, lapun mama, mipela i  
 laik igo long singsing tasol  
 mipela i hangre nogut tru. Bai  
 mipela kaikai, strong na i go  
 long singsing.

Nau lapun meri i autim olgeta  
 toktok bilong em, na i tok  
 olsem, yupela i go singsing  
 long sait bilong yupela. Larim  
 ol man singsing insait na yutu-



pela wantaim mama singsing  
 arere.

Dispela gutpela meri bai sek-  
 sek na kam insait long yutu-  
 pela. Na planti ol man i ting  
 olsem yangpela gutpela meri  
 bai seksek long mipela. Tasol  
 ol i lus tru na meri ya i kam  
 stret long tupela man wantaim  
 mama bilong ol i singsing long  
 en. Na ol i mekim save tru long  
 singsing na olgeta man ya ol i  
 lus tru na bikpela wari tru.

Nau ol tupela man wantaim  
 mama bilong ol na gutpela  
 yangpela meri ol i kam long  
 ples na lapun meri i bin tromoi  
 stik bilong em na bikpela ren i  
 pundaun na bikpela wara i ron i  
 go daun long solwara. Na plan-  
 ti ol manmeri trai hat tru long  
 wokim bris tasol wara i strong  
 na karim olgeta diwai i go.

Olgeta manmeri i stap long  
 hap wara na i stap olgeta. Na  
 ol i no kam long hap. Ol i save  
 stap long hap bilong ol. Na

tupela yangpela man wantaim  
 mama bilong ol wantaim lapun  
 meri ya ol i stap long sait  
 bilong ol na i stap olgeta.

Olsem na nau ol kolim Wara  
 Ramu. Bipo wara Ramu ino  
 save ron. Dispela stori i kam  
 long Ramu klostu long Madang  
 provins.

Stori i kam long Upper  
 Chimbu eria  
 Simbu Provins

## Mi gat hevi long marit bilong mi na mi laikim helpim

### Dia Laiplain

*MI wok olsem wanpela aprentis wan-  
 taim wanpela bikpela konstraksen kam-  
 pani long kantri. Taim mi statim wok  
 tasol, papamama na ol hauslain bilong  
 mi i bin baim wanpela ples meri na salim  
 i kam long mitupela i marit na stap wan-  
 taim long taun. Mitupela i stap wantaim  
 long wanpela yia nau na mi glasim pasin  
 bilong em na lukim em olsem em i gat  
 strongpela pasin jeles long mi. Em i no  
 laik tru long mi mas toktok long ol wan-  
 wok na wanskul bilong mi, moa yet ol  
 meri.*

*Taim mitupela i bin go long ples, mi  
 bin lusim em. Nau em i wok long salim  
 tok olgeta de long em i laik kam bek.*

*Bai mi wokim wanem samting?  
 Papamama bilong mi i baim em pinis na  
 mi no laik givim hevi i go long ol.*

### GIVAP MAN

### Dia Pren

Wari na hevi bilong yu i olsem wanem

nau, em i go nogut o em i kamap orait  
 pinis?

Tasol yu mas save olsem ol samting i no  
 wankain long ol wan wan, situesen. Meri  
 bilong yu i groap long narakain situesen we  
 olgeta lain i save long wanpela arapela. Em  
 i save long olgeta haus lain bilong yu.

Long sait bilong yu, yu kam stap na wok  
 long taun na yu save long ol manmeri bilong  
 narapela ples husat i gat ol narakain kalsa  
 na pasin. Yu save wok wantaim ol na tu,  
 bungim ol long ples insait long taun we yu  
 stap, wok na go aut long ol sampela sosel  
 wok.

Mipela i laik askim sapos yu mekim klia  
 long ol dispela samting long meri bilong yu  
 olsem stap long taun em i narakain long  
 ples bikos long taun planti manmeri bilong  
 narapela ples, provins na kalsa i save wok  
 na stap wantaim.

Mipela i luksave tu olsem bai yu belhat  
 taim meri bilong yu i askim yu kwesten long  
 ol pren na woklain bilong yu.

Ating dispela em bikos yu man na yu les  
 long meri i askim yu long ol kain kwesten.  
 Tasol mipela i laik tokim yu olsem toktok gut

long em i bilong yu na yu mekim klia ol dis-  
 pela samting long en.

Yu tok tu olsem yu no laik givim hevi long  
 ol haus lain bilong yu taim yu tokim olsem  
 yu no laik maritim dispela meri.

I moabeta yu toktok long papamama na ol  
 hauslain bilong yu bilong wanem tru na yu  
 no laik maritim meri ya. Na ol inap long luk-  
 save long hevi na wari bilong yu.

### LAIPLAIN



### TOKSAVE

Salim hevi na wari bilong yu i kam long - LAIPLAIN, P.O. Box 6047, BOROKO, NCD. Yu ken ringim mipela long telipon namba 3260011. Mipela i no inap autim trupela nem bilong yu tasol bai mipela i yusim nem tru na Adres bilong yu long salim bekim pas i go long yu.

# TOK PILAI WANTAIM KANAGE OLGETA WIK



**K**anage em man Tari na em i wanpela strongpela man i save wok wantaim Parker Driling Company long Kutubu. Long hat wok bilong em bikbos i makim em olsem kru bos long driling seksen. Wanpela taim bos i kam bek long Mosbi siti wantaim ol nupela wok man. Kanage i go mitim ol nupela wokman long Moro eapot na lukim ol longpela man tasol. Kanage em save pinis olsem em ol man nambis na ol i no fit long ol kain wok long rig sait. Kanage em belhat pinis na em i go lukim bikbos na i tok. "Yes Sah my gut taim bos, ol this longpela new stiks ya from Mosbi, bai yu mekim haus wantaim ol o bai yu mekim banis Kakaruk?" Bikbos bilong Kanage i sanap longlong na Kanage i givim gen na i tok, "mai wan bos. No sarena, no ritrit, haipaia na rikrut tu Huli wokman so dat ol bai dril ol nait em wok bai i kamap neks moning sapos san kamap."

Ricky Yandi Kutubu

Kanage bilong Goodenough Ailan insait long Milen Be provins em i bos kru long bot bilong ol Misen ol i karim long St Augustine na i save ron namel long Alotau. Wanpela taim ol i go sua long Alotau long bik moning na Kanage i no kaikai long nait olsem na em hangre nogut tru. Baga kisim baks tasol na tekov stret long fud ba kamautim mani putim long kaunta na tokim meri long kaunta, "excuse me my sista I want meat inside flour". Meri i paul na askim em gen, "what is it?". Kanage tokim em gen, "I want flour, inside meal". Meri i painim hat na em tokim Kanage you point. Orait Kanage i pointim stret long meat pie. Oh ye! Meri ya i no isi long lap long Kanage em kilim stret long lap inglis bilong Kanage na meri lusim olgeta strong bilong em.

Maxwell Yawi Vanimo

Kanage em bilong Sepik na i wok wantaim Guard Dog Security. Wanpela nait em bin stap duti wantaim wanpela poro bilong em long Simbu. Tupela i bin sanap was long wanpela geit bilong kampani i stap na wanpela Toyota Hilux i ron i kam insait long geit. Boskru bilong Toyota Hilux i luksave long Kanage na kwiktaim tru i tromoi tok olsem, Hey yu "Yuguan" na ka i ron yet long go long haus. Taim Kanage harim olsem em i belhat nogut tru. Em tanim na tokim poro Simbu bilong em. Wara boskru bilong ka ya em yu tok nogutim mi. Kanage i kirap na singaut. I no long taim ol wan skwat bilong em kamap long ka. Em i kalap long ka na ol bihainim dispela Toyota Hulix i go poinim pinga long em na tok yu tasol tok nogutim mi ah, yu tokaut nau. Boskru bilong ka ya tanim na askim Kanage, yu bilong we? Kanage tok mi bilong Sepik, boskru askim gen, Sepik long wanem hap? Kanage tok mi bilong Biwat long Angoram. Boskru kirap tokim Kanage. "Yuguan", yu save tu o nogat. Kanage sem nogut tru na tokim boskru sori, mi Sepik bilong Morobe.

Wayne Y. Lae

Kanage em bilong ples Kinimabu insait long Yangoru distrik. Kanage i bin lusim ples bilong em na i go stap wantaim bikipela brata bilong Kubalio distrik. Kanage em gat 40 krismas na bikipela brata bilong em ya em gat klostu olsem 50 krismas. Wanpela taim Kanage wantaim bikipela brata bilong em tupela stap long haus bilong tambu bilong tupela. Em long wanpela Sande. Tupela stori i stap nau Kanage lukim tupela mun. Nau Kanage askim bikipela ya. "Hey!" Em dispela tupela meri ya? Taim Kanage i singaut "Hey!" Bikipela brata kirap nogut na tok yu kros, pasim maus their are nenere wife. There come from country side of Biem ailan. Kanage harim Inglis bilong bikipela brata ya na em i tokim em olsem. "Hey!" small boy harim. Long 1980's yu stap yet long maus bilong tumbuna bilong yu. Mi skul pas, yu Inglis to me. I will Inglis to you. Nau Kanage wantaim bikipela brata ya tupela putim skin

long tupela meri ya. Tupela meri ya em tupela kum katim meri stret ya. Man bagaros Kanage kirap askim laik long wanpela meri nem bilong em Elis. Nau Kanage kirap tasol em askim em long Inglis. Siso can you sevim mi long this taim plis? I likes you. Meri ya em eks-studen bilong Passam ya na em tokim Kanage ya. Bus kanaka, husat gat laik long yu. Yu painim wok! Mi no meri long ples bilong yu? Man Kanage harim olsem bikipela wari kisim em. Klostu tru em laik dai ya Kanage kirap tasol em i tok. Em orait mi ting bai yu ekspektim mi. Em olsem samting bilong askim laik. Bikipela brata bilong Kanage harim olsem na em tu traim. Taim bikipela brata traim narapela meri ya meri ya i smail gut na givim wanpela buai long bikipela brata. Kanage lukim na jeles kilim em wansait olgeta. Taim ol meri i go pinis, Kanage askim bik bro, hau na yu winim meri ya. Na bik bro tok, em wanskul bilong mi long Yunitek. Em stadim nes na mi stadim dokta. Yu save bikipela giaman tru i kamap tasol em strongim kona olsem long winim Kanage.

Manuel S. Wiseph Wewak

Kanage wok long raunraun long rot i stap na wanpela meri i wokabaut i kam na askim Kanage long taim. Kanage werim wanpela indai han was tasol em laik giaman so op na em tokim meri ya. Klostu bai belo nau.

Meri harim na tok tenkyu na i go tasol em lukluk i go antap long skai, san i no sanap long senta. Olsem na em i save olsem Kanage i mas givim rong taim ya. Taim em i lukluk i kam bek long Kanage, Kanage save olsem em rong pinis olsem na em tokim meri ya gen, sori kilok bilong mi i save wok 30 minits leit.

Kanage Fan Mosbi

Kanage i sanap long rot wetim PMV long go long taun. Em i sanap i stap na wanpela PMV i kam na em stopim PMV. Kanage i askim draiva. "Hey draiva i gat spes long PMV o nogat?" Na draiva i tokim Kanage yu

kalap tasol na Kanage i kalap antap long PMV. Na long PMV i gat ol mama tasol. Taim ol i ron i go long rot Kanage ya i wok long mekim tok gris i go i kam. Na i no longtaim ol i go antap long maunten na enjin i dai. Na draiva i laik kisim brek na brek i no wok. Nau PMV ya i wok long suruk long as i go daun na ol mama ya i sanap nabaut na wanpela mama ya flai antap na pundaun i kam antap. Na Kanage tu i flai i go na pundaun antap stret long mama ya. Kanage tokim mama ya sori mi no minim. Na mama ya tok em i orait em olsem yumi i stap long taim nogut.

Chly M. Sep Bewani

Lapun Kanage i stap long ples na lukim ol yangpela hai skul manki i wok long karim redio long nek na mekim bikipela nois na wokabaut i go i kam. Lapun Kanage bel bilong em i hot nogut tru na em wok long wetim sans bai em nekim wanpela manki nogut tru. Planti bikman long ples tu i no amamas long pasin bilong ol hai skul pikinini olsem na ol i singautim miting na bungim olgeta yangpela manki. Em nau Kanage i amamas olsem em sans bilong em long rausim belhat bilong em. Taim miting i stat na ol bikman i wok long hatim ol yangpela istap, Kanage i wok long mekim save long kaikai buai na maus i pulap gut tru. Em nau Kanage i askim sapos olgeta yangpela i ken bung long namel bikos em i laik tokim ol long komplem bilong em. Taim olgeta yangpela i bung gut long namel Kanage i kirap tasol bikmaus. Yupela save hambak tumas. Laki mi lapun ya, nogat bai wanpela i hap indai long han bilong mi ya. Maski, yupela kaikai buai bilong mi. Kanage spetim buai i go na bagarapim pes bilong olgeta yangpela long namel na ol waswas gut tru long spet buai bilong Kanage. Ol bikmanmeri lukim na lap indai tru na go nabaut long haus wanwan.

Masta Wai Renbo

## KANAGE



MI RAUN TASOL! YU SAVE, KAIN BILONG EM!!

NOKEN LUS TINGTING! SALIM OL PANI STORI I KAM LONG KANAGE EM STORI PES BILONG YUMI OLGETA YAH!!!





• Em i wanpela liklik masin ol Korea i soim ol ples lain long kisim rais na we bilong rausim skin bilong ol.

# Saina laik strongim wok bisnis yet wantaim PNG

Nupela Ambeseda bilong Saina i kam long PNG Heli Zhengjun i tokaut olsem Saina gavman i amamas long tingting bilong PNG gavman long strongim na kirapim wok agrikalsa o didiman long kamapim planti samting bilong salim i go long ovasis maket.

Mista Zhengjun i tok dispela tingting bilong PNG gavman i kisim sapot bilong Saina gavman we ol bai lukluk long baim moa samting we PNG i kamapim.

Mista Zhengjun i tok tu olsem em bai wok strong wantaim PNG gavman long strongim yet dispela wok poroman i stap namel long tupela kantri long lukim ol bisnis wok na ol wok poroman i kamap strong na i stap yet long planti yia i kam.

Praim Minista bilong Papua Niugini Sir Michael Somare i tok amamas long Ambeseda Zhengjun olsem PNG bai sanap yet long strongim wok poroman em i gat wantaim Saina long

planti yia i kam na i save givim planti helpim long PNG long sait bilong ol helpim wantaim ol saveman na ol masin bilong mekim wok insait long marasin na wok didiman insait long kantri.


Sir Michael i tok PNG i amamas long kisim ol helpim i kam long sait bilong ol wok developmen olsem rot, bris na wof o ples balus samting. Dispela kain helpim em gavman i lukluk long opim gut ol rot insait long Papua Niugini.

# Gras rut maining i wok long go antap

ABELLE Limited i sanapim pinis tripela dril rids we i mekim wok i stap nau long Wafi gol na kopa projek long Morobe provins. Wankain tu Abelle Limited i wok long go het long stretim ol wok maining bilong em long Hidden Veli long Wau, Morobe provins.

Minista bilong Maining Sam Akotai i tok em i amamas long lukim olsem level bilong wok maining insait long gras rut level i wok long go antap nau na gavman i amamas long lukim dispela Saut Afrika maining kampani i kam insait long wok maining long Papua Niugini.

Wokabaut bilong Saut Afrika Maining Minista long dispela yia i kam long PNG i soim tu dispela interes na laik bilong gavman na kantri bilong ol long surukim wok



• Maining Minista Sam Akotai

interes bilong ol i kam long PNG.

Mista Akotai i tokaut olsem rekot bilong Maining Dipatmen i soim olsem level bilong gras rut wok maining i wok long go antap na dispela i soim olsem dispela bisnis i

wok long kamap planti na bikpela.

I gat sampela nupela investmen bisnis lain i kisim nupela laisens we Minista i sainim wantaim ol. Ol dispela bisnis i kisim nupela Maining Lis em Deung Jeon International Development Limited na Biangai Developmen Corporation Limited long go het na mekim dreding na slaising operesen long Wau.

Minista i givim tu nupela eksploresen laisens long YBN Kampani No 3 Limited long Westen provins na wanpela i go long Kurada No 47 Limited long go het na kari-maut minerel eksploresen insait long Kanga eria bilong Oro provins. Olgeta dispela projek em ol asples lain yet i stap insait long mekim.

# Singaut long strongim wok kakao long Is na Wes Sepik

KAKAO Bod i kisim tok long surukim kakao developmen i go long arapela eria insait long kantri we kakao i ken kamap gut na bikpela.

Deputi Gavana bilong Sandaun provins Gerard Gubon i tokaut long National Cocoa Consultative woksop long Kokopo olsem ol i mas kirapim kakao long ol nupela eria. Em i tok i gat ol arapela eria we kakao i ken kamap gut tru na i no long Is Nu Briten na Bogenvil tasol.

Mista Gubon i tok mipela i mas lukuk long ol arapela eria we kakao bai kamap gut na i ken go bikpela na kamapim planti kakao bilong salim i go long ovasis maket. Sandaun provins i ken kamapim planti kakao olsem na Bod i mas lukluk long kamapim nupela projek long Sandaun provins, em i tok.

Em i tok tu olsem planti kakao groa long Sandaun provins i painim hat long sait bilong trenspot na maket bilong salim kakao bilong ol. Olsem na dispela hevi em Bod i mas lukluk insait long stretim bai ol kakao fama i ken amamas long planim na kamapim moa kakao.

Ol liklik pipel long ples i wok long mekim bikpela wok long mekim kakao long lukautim ol long ples olsem na mipela long gavman na Bod i mas helpim ol, Mista Gubon i tok.

Is Sepik Administreta Fantson Yaninen i tokaut tu olsem Is Sepik provins i sanap tu long kirapim na strongim wok bilong kakao insait long provins olsem na

administresen bilong ol bai wok klostu long sapotim dispela indastri.

Mista Yaninen i tok Is Sepik provins i wok long strongim yet namba bilong em long provins olsem wanpela provins bilong kamapim kakao. Olsem na em i askim ol gavman, ol bisnis i save baim kakao, ol haus masin bilong kakao na ol arapela long skelim na luksave long dispela bisnis insait long Is Sepik provins we i wok long go het long rot bilong kirapim na strongim kakao bisnis long provins.

Em i askim Kakao Bod long luksave long wok na rot we kakao indastri long Is Sepik provins i wok long mekim na givim sapot long wok bilong ol.

Mista Yaninen i tok Is Sepik i gat wok wokman bilong mekim wok kakao na graun tu i stap redi long dispela wok. Em i tok vanilla i kamap planti nau long provins tasol vanilla bai pinis long sotpela taim na kakao bai i stap longpela taim yet i kam.

# Papagraun tok Kot oda i stapim wok long Kiunga Aiambak projek

OL papagraun bilong Lek Mari Risos Onas Asosiesen na Kiunga Aiambak Lenonas i askim ol sip kampani long Umuda Ailan long Westen provins long noken karim ol diwai long Kiunga Aiambak projek bikos i gat Nesenel Kot oda i kamap long stapim ol dispela wok long noken go het inap Kot i kamap.

Siaman bilong ol papagraun Sep Galeva i tokaut olsem ol i luksave

olsem ol sip bilong karim timba i wok long kam karim ol diwai long Umuda bilong karim i go aut long ovasis.

Tasol ol wokman bilong Umuda i no laik mekim wok long putim ol diwai i go antap long sip bikos ol i kisim toksave i kam pinis long Lek Mari Risos Onas na Kiunga Aiambak Lenonas long noken mekim dispela bikos long Kot oda we i stap pinis.

Mista Galeva i tok ol papagraun na ol pipel i laikim bai-Fores Atoriti i mas kam insait na stapim ol timba long noken lusim kantri yet.

Em i tok Nesenel Kot i bin givim oda pinis long Concord Pacific na Paiseo kampani long stapim olgeta wok bilong katim diwai pastaim na bihain long kot i glasim gut na givim tok orait.

## INTEREST RATE STATISTICS PROVIDED BY THE BANK OF PAPUA NEW GUINEA

**BUSINESS INDEPENDENT MONEY MARKET**

**Rates Quoted for Term Deposits by the Commercial Banks (%)**

	Westpac	ANZ	BSP	Maybank
Up to K100,000		(a)		
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application  
 (b) Indicative rate upon which lending rate is based.  
 (c) Passbook savings rate is paid only on the minimum monthly balance.

**ANNOUNCEMENT OF GOVERNMENT TREASURY BILL AUCTION RESULTS as at 16/07/2003**

Maturity	Weighted average yield of successful bids (%)	Bids received (Kina million)	Successful bids (Kina million)
28 days	19.66	131.38	102.09
63 days	19.81	28.15	11.96
91 days	20.31	26.88	22.88
182 days	20.35	40.53	40.53

**THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO**

Series	Maturity	Yield (1) (%)	Holdings (Kina)
S242003	1 Jun 2004	8.60	18,885,000.00
S252004	1 Oct 2004	6.38	9,000,000.00

For further details & application  
 Telephone: 322 7360 or 322 7271  
 (1) Tax exempt



WANTOK

# TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

## AIGLASS SPESOLIST

 **SED OPTICAL**

If you are looking for an eyeglass with your prescription in sturdy frames that will last a long time.

**On Unbeatable Prices**

**Harry while stocks last!**

Call us now or come in and see for yourself at SED OPTICAL 2nd Floor Garden City,

## BAIM GOL

**Gol Baia - Metals Refining Operations**

Givim gupela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

## LITERESI

**Nesenei YWCA**

I sponserim wanpela kompetisen bilong ol man na meri husait i winim 18-pela krismas long rait. Dispela em long makim dei bilong Nesenei Literesi wik, we bai i kamap long 8th igo inap long 12th Septemba long dispela yia. Dispela ol man na meri i mas stap long literesi skul o greduet pinis long kain skul.

**TOPIK: Wai na em i impotent long mi long save long rid, toktok na rait long inglis? Longpela bilong stori em 1-3 peges. Yu ken rait long tokples, tok pisin o motu.**

Sapos yu rait long tokples, givim long pasto, kaunsol o inglis tisa bilong yu long tanim igo long motu, tokpisin o inglis bai ol jas iken ridim. Dispela man o meri mas sain long soim olsem ol i tanim tokples.

Dispela kompetisen bai pas long 17th Ogas long dispela yia.

## MENESMEN SEVISES


**MANPOWER**

Management Services Limited

(Fast and Efficient Service)

- Training & Localisation programs
  - Work Permits
  - Visas
  - Company incorporations
  - IPA Certifications
  - State of the Art Database
- (Reminders automatically remitted)

Contact: Geraldine, Liz, Faith  
Telephone: 321 5491 / 321 5492  
Facsimile: 321 5493  
Email: manpower@daltron.com.pg


**ISLANDS HR MANAGEMENT SERVICES LTD**

A bridge to your future career  
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at  
Suit 8 Level 1 Garden City, Angau Drive, Boroko

Email: islandshrmc@datec.net.pg  
PO Box 889, Boroko, NCD  
Ph: 323 4955; Fax: 323 4799

## MARASIN PRODAKS

**BIO-NORMALIZER**

A Product of Scientific and Medical Research by Dr Jame Akira Osafo, a Japanese renowned Scientist and Doctor.

A PRODUCT THAT HAS ABILITY TO CURE:

Diabetes, Disease of the Liver, Heart, Kidney, Hepatitis A, B, Paralyze, Epilepsy, Stress, Mental Disorder, High Blood Pressure and much more.

This Nutraceutical product is totally safe and use by various age group including pregnant mothers, new born babies, etc...

For more information  
Phone/Fax: 323 1712

Our Office:  
Champion Parade -Town  
Garden City Ground Floor

## PLAWA GADEN



COUNTRY CLUB

GEREHU WAIGANI BOROKO



- Plants for Sale
- Hire Plants
- Garden
- Maintenance
- Plastic Pots
- Manure

Manure K8.00  
Potting Mix K25.00  
Open Saturday 9am to 12noon

Ph/Fax:  
**325 5049**

## PRINTING



For all your Printing Requirements call

**THE PRINTING HAUS**

P.O. Box 6396 BOROKO, NCD  
Ph: 325 2415, Fax: 325 4743

OR

Come in and see us we are located along the Poreporena Freeway opposite SP Brewery, Gordons.

## SOMAPIM KLOS

*Morning Star*
*Tailoring*

P.O. Box 835 Waigani

We are specialised in:

- \* Male & Female Atire formal Wear
- \* Dress Wear
- \* Bridal Wear
- \* Office Wear
- \* School Uniforms
- \* Alteration & Repair

See us at: 4mile

above Shell Service Station

Tel/Fax: (675) 323 6222

## SEKANHAN KLOS

**FRIENDTEX LTD WHOLESALE**  
P.O. Box 5049, BOROKO, NCD  
Ph: 323 1471 Fax: 323 1479

**NEW ARRIVALS**  
and stocks in hand

Jeans, Skirt Pants, Floopy, Hennaed Shorts, Blue Jeans, Collar T/S, Pollo T/S, Bedsheets, Golf T/S, Bedsheet/Pillow case, Cut Jeans, Childre Mix, Baby Ramage, Printed colour T/S, Work wear, Flannel Shirts, Skirts, Socks, Mix Shorts, Jeans Shorts, Bra, Light Zipper Jackets, Shoes, Blankets, Cargo Pants/Shorts, Brown bales Mix 200kg

Come and see what we've got in our wholesale

Location: Kenmore Trade Centre Unit 11, next to Arnotts Biscuit Factory, off Cameron Road, Gordons, NCD

## TREID NA EKSPOT

**FAIRFAX EXPORTS LIMITED**

LICENSED CROCODILE SKIN TRADERS AND EXPORTERS

**We Buy Crocodile Skins**

MON - SAT

BURNS HOUSE  
STANLEY ESPLANADE  
PORT MORESBY

Tel: 321 4755

Fax: 321 4751

## X-RAY

**PORT MORESBY IMAGING LTD**

X-Ray Ultrasound Scanning  
For Employment/Visa/School  
Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road

Phone + (675) 325 1140

Fax + (675) 325 9740

Email: atanu@online.net.pg

## ADALT EDUKESEN

**Institute of Adult Education**  
Adult Matriculation & Business Study Centre in Lae  
Sir Ignatius Kilege Stadium - 1<sup>st</sup> Floor  
P.O. Box 3787, Lae Morobe Province Papua New Guinea  
Telephone: (675) 4791899, Facsimile: (675) 4791277

**JUNE - 2003 BUSINESS STUDIES REGISTRATION**

PNG's Best Studies Diploma Programs are now on offer for 2<sup>nd</sup> Semester & Lahara 2003 in Lae Morobe Province. The programs are cheaper and conducive for low-income earners and workers.

Registration Date: June & July 2003

Class Commence: 14<sup>th</sup> July 2003

Entry Requirement: Gr 10 & 12. Check details with the Registrar at Sir Ignatius Kilege Stadium - Lae.

**Details of Business Studies**

No	Program on offer	Duration	Fee per course
1	Certificate in Accounting	28 wks	400
2	Diploma in Accounting	28 wks	400
3	Diploma in Business Management	28 wks	400
4	Certificate in Sales & Marketing	28 wks	300
5	Certificate in Bookkeeping	21 wks	200
6	Certificate in Office Procedure & Management	14 wks	150
7	Diplomc in Insurance & Risk Assessment & Investment	28 wks	400
8	Diploma in Business Administration Human Resource Management	28 wks	400

## HAUS PASINDIA


**Kiunga Lodge**

Small quiet motel situated in the heart of Kiunga 16 Air-conditioned Rooms, all with cable television and bar fridge. Price includes Dinner and Breakfast. Guests staying more than one night will receive a Packed lunch for second and subsequent days.

Only K120.00 per night including VAT

Ph : 548 1127 / 548 1045

## ELECTRICAL &amp; ACCESSORIES



Call in and see us For all your electronic needs

- \* Spare Parts
- \* Tools
- \* Equipments
- \* Repair to TVs, Radios, etc

We are located at the corner of Wards Road and Spring Garden Road, Hohola, NCD.

Ph: 325 1952 Fax: 325 4743

## MINING KAGO

**THE GOLD PAN**

Liklik Maining Masin bilong Salim

Proline Gol gredge, 2.5", 3", 4", 5" na 6" hai banka comb. Metol detekta, Silus bokis, Gol dis, Gol wil, Rok krassa, Mekuri ritot na Planti moa ol masin bilong helpim yu kisim Planti gol hariap long taim yu wok gol.

I gat ol sevis long helpim yu painim gol long Ples bilong yu

Mipela save baim gol na tu givim skul long Hao long baim na salim gol. Long oigeta Tunde na Fonde mipela save soim ol man we masin bilong mipela i save wok.

Contek Gol Pan  
POM - Phone/Fax: 323 6052 or fax: 325 2959

Wewak - Phone/Fax: 856 1466



WANTOK

KLASIFAID

SAPOS YU LAIK ADVATAIS O SAVE MOA LONG KLASIFAID PES BILONG MIPELA, RINGIM BONNER HUI LONG 325 2500 O FEKS LONG 325 2579.  
EMAIL ADRES EM wordadvertising@global.net.pg

## FRI PRAIVET KLASIFAID

## Trening

Mi painim operata trening. Inap yupela i soim o givim adres bilong dispela operata trening sosaiti long Mosbi? Plis bekim long adres Giyendip Namaka P.O. Box 588 Lae, 9-mile.

## Salim Generata

Mi salim wanpela Generata 260 KUA ALUS CHALMARS. Prais em K75,000 o klostu long em. Kontek Samuel Alois 852 2604 o rait long P.O. Box 601, Madang.

## Pianim Pren

**Menson Aunz- Fatima Vocational Senta P.O. Box 67 Banz, western Highlands Province.**  
Mi wanpela mangi husat i laikim penpren. Mi skul long Fatima Vocational Senta na mi mekim Kapenta na stadi hat tru. Krismas bilong mi em 18.

Nem: Tanziie Saun- Krismas 16 na mi wanpela meri. Mi mekim gret 10 long Bishop Leo Secondary Haiskul P.O. Box 178 Wewak ESP. Hobbies bilong mi em Pilai Volibal, watchim TV na rait long penpal.

Nem bilong mi em McPhist Konafo, Krismas bilong em 16 (meri) na mi mekim gret 10 long Bishop Leo Secondary Haiskul P.O. Box 178 Wewak ESP. Hobbies bilong mi em Harim musik, go lotu na rait long penpal.

Nem bilong mi em Nellie Wingu, Krismas bilong em 16(meri) na mi mekim get 9 long Bishop Leo Secondary Haiskul. P.O. Box 178 Wewak ESP. Hobbies bilong mi em Wokim pani, pilai soka na rait long ol penpal.

Nem bilong mi em Rubina Yawi, Krismas bilong em 17(meri) na mi mekim get 10 long Bishop Leo Secondary Haiskul. P.O. Box 178 Wewak ESP. Hobbies bilong mi em Pray, ritim buk na rait long ol penpal.

Nem bilong mi em Lariz Wormai, Krismas bilong em 17(meri) na mi mekim get 10 long Bishop Leo Secondary Haiskul. P.O. Box 178 Wewak ESP. Hobbies Pilai spots, harim musik na rait long ol penpal.

Mi painim olupela pren bilong mi  
Mi wanpela 19 yia meri long Buka Open Univesiti na mi painim olupela pren bilong mi long gred wan na klasmeit bilong mi long 1992 long St Martin komyuniti skul long Rabaul. Plis rait i kam long mi na salim poto tu i kam long mi.

Nem bilong mi em Jennifer Toroken adres em C/ Roselyne Toroken Works Dept P.O. Box 288, Buka NSP.

## Painim pren

Mi panim kristen meri long pren wantaim o maritim em. Meri mas singul na krismas bilong em as 19

ys na igo long 30 yrs. Krismas bilong mi em 25 na wok olsem pasta bilong Lae. Nem bilong mi em Steven Pass. P.O. Box 3293 Lae. M.P.

## Painim wok

Mi wanpela lotu man na mis save wok olsem sekuriti opisa long Ok Tedi Mining na mi save kisim gutpela pei. Mi taim long go lotu na stap long haus wantaim ol femili bihain long wok i pinis.

Mi save stap long Lae tasol naumi stap long Ok Tedi. Nem bilong mi em Bonnie Owasa  
Ph; 548 1375. Adres: KSS P.O. Box 324, Kiunga (WP).

## TANIM TOK



**TANIM TOK**  
WANTOK NIUSPEPA I LAIK GVM  
SEVIS OLSEM TANIM TOK LONG  
INGLIS I GO TOK PISIN NA MOTU  
SAPOS YU LAIK MOA SAVE RINGIM BONNER  
HUI LONG

PHONE 325 2500 OR  
FAX 325 2579.

EMAIL: wordadvertising@global.net.pg

## PNG MAMA GRAUN CONVERSATION TRUST FUND STAFF POSITIONS

Mama Graun is a newly created insituation that will support bio-diversity conservation and ecologically sustainable development in Papua New Guinea. Mama Graun has received a grant from the Global Environment Facility (GEF) to establish an endowment fund, the investment earnings of which will provide an ongoing stream of funds to support qualifying projects on a continuing basis. It is also expected that additional grant funds will be obtained to build the fund base to around US\$30 million.

Mama Graun is an autonomous entity with its own independently appointed multi-stakeholder management board (the Board). Its principle objectives is to integrate conservation of bio-diversity into sustainable development programs and activities through conservation and restoration of natural resources areas, capacity building through education and training and knowledge enhancement.

Mama Graun is an equal opportunity employer committed to assisting its employees to enhance their professional ability through continuing professional development. It is seeking to fill the following positions within the Executive Secretariat with competent, dynamic and committed persons:

## 1. Grants Program Co-ordinator

The Grants Co-ordinator will be principally responsible for the overall direction and co-ordination of the Grants Program as well as the technical and financial operations related to independent Advised Funds. This includes the supervision of the development, implementation and maintenance of a database of all grant proposals as well as monitoring and evaluation of projects for funding under the Grants Program. The position reports to the Executive Director and shall act as the Deputy Executive Director with responsibilities for the day to day management of Mama Graun in the absence of the Executive Director.

The candidate shall have at least a Degree in a field such as Environment, Natural Science, Economics or Commerce and/or any other field with particular emphasis on resource management, project /programme management and development. He/she must have 10 years working experience in programme management and/or natural resource sector management. Ideally, at least some of this experience will have been with the management of grants based programmes and projects. The suitable candidate should demonstrate personal maturity and strong oral and interpersonal communications skills. Experience in the evaluation and monitoring and review of natural resource development projects, bio-diversity conversation projects and community development programmes funded by international donor agencies would be desirable.

## 2. Trust Fund Accountant

Trust Fund Accountant shall be responsible to assist the Executive Director in the financial management of Mama Graun. The Trust Accountant shall maintain the accounting and disbursement systems. All matters relating to the financial management of Mama Graun shall be managed in accordance with the legislation in force and where there are agreements, in compliance with those agreements and according to the international standards required by Mama Graun's Trust Deed, Constitution and its Operations Manual.

The candidate should possess at least a Diploma in Business, Commerce or Accounting, with prospective professional advancement towards a degree with an accounting major, PNGIA membership and/or another internationally reputed professional body, with at least 7 years professional experience in accounting. The candidate should also have demonstrated the highest level of

integrity, motivation and achievement in his/her career and have highly developed computer skills.

## 3. Administrative Co-ordinator

The Administrative Co-ordinator shall be responsible for the administrative and secretarial assistance to Mama Graun Secretariat. The candidate will be responsible to manage and maintain the administrative, communication and information systems. These responsibilities shall be within the framework established by the Mama Graun Trust Deed, Constitution and Operations Manual.

The candidate should possess at least a Diploma in Business, Management, Office Administration or other such applicable area. Other academic qualifications may be acceptable depending on relevant experience. He/she must have at least 5 years Office administration, record keeping, communication system management and information dissemination, inter agency liaison and co-ordination, organising social functions, meetings and conferences and must be fluent in written and oral English.

## 4. Administrative Assistant

The candidate sought should be a qualified Secretary/Administrative Assistant with at least 3 years work experience including reasonable exposure at the senior executive level. The candidate must have proven record on Office Management, high levels of oral and written communication skills in English and computer skills with competence in word processing, spreadsheets, email and Internet are essential.

## 5. Driver/Cleaner

The Driver/Cleaner will assist Mama Graun staff in the day to day errands and office duties associated with the Fund administration. The candidate will specifically be responsible for driving, general cleaning and office assistance duties such as requested.

The person must have a valid driver's license (up to Class 3 License) and a minimum of 5-8 years driving experience. The candidate must be of sober habits, of neat and tidy appearance and have a proven record track in time management and reliability with respect to driving and other duties.

Each of the above positions require people who can display high level of commitment, ability to work in a team environment with people of different cultural and national backgrounds in a productive and mutually supportive environment. A proven high standard of integrity, initiative and the ability to work under pressure are essential qualities.

All applications must comply with the requirements of the detailed terms of reference relevant for the positions which can be obtained along with other information from:

**Emily George Taule, BEM**  
Executive Director  
PNG Mama Graun Conservation Trust Fund  
Frangipani Street, Hohola  
C/- P.O. Box 518  
WAIGANI, NCD

Phone: 327 7987/985  
Email: et\_mamagraun@datec.net.pg

Applications must be submitted to the Mama Graun Office before 1.00pm on Wednesday 5th August 2003.

# RAMU SUGAR

## PUBLIC NOTICE


The Management of Ramu Sugar and Ramu Beef wish to inform the general public and it's valued customers that the phone lines to Gusap, including email, are temporarily out of service due to weather conditions.

For orders or general enquiries please contact the Lae office on

Tel: 472 6800 Fax: 472 4500  
Email: ramusales@ramusugar.com.pg

We regret any inconvenience caused.


Ram Karan  
Chief Executive Officer  
Ramu Sugar Limited



• Lua Mavara bilong Mermaids i banisim bal long Mimi Ori bilong Telstars. Lephon: Pilaia bilong Sacred Heart (namel) i rausim bal long tupela birua bilong em long skul bois soka trening long makim tim i go pilai long Goroka.



• Strongpela B gret gem namel long Magani na Royals long Pot Mosbi ragbi lig resis long las wiken.



• Pilaia bilong Rebels (WA) i painim sapot bilong em egensim PNG Gardener Rakaone long Mosbi netbal resis.

Ol poto: JOE IVAHARIA



• AFL eksenlong junia divisen. Ol gems i save kamap long Colts na Amini Park long olgeta Sarere.

• Lephon: Pilaia bilong Magani i painim rot stret tasol ol boi Difens i pasim em gut tru long B gret gem long Pot Mosbi lig resis long Sande.

PHOTO: J. IVAHARIA



Komiti bung bilong kamapim Noten Jon volibal tonamen

NOTEN Jon Voliba Lig bai holim bung bilong ol long Lae long dispela wiken long Lae long stretim / toktok bilong kamapim Noten Jon Volibal Sempionsip long Wewak long dispela yia.

Dispela bung bai kamap long Sarere na Sande Julai 26 na 27 long bungim ol eksekutiv bilong dispela spot long kamapim toktok bilong tonamen

long dispela yia.

NZVL Tonamen Dairekta Steven Kadam i tok ol i surukim taim bilong miting i kam long dispela wiken bikos ol i no kisim yet tok klia i kam long Manus, Wewak na Vanimo long ol bai salim tim bilong ol i kam long dispela tonamen o nogat.

Kadam i tok em i askim ol wanwok bilong em insait long ol wanwan provins long tokaut

klia sapos ol bai kamap long bung na tu ol bai salim tim i go pilai long dispela tonamen o nogat. Em i laikim dispela toksave i kamap klia bikos sapos nogat, em i nogat tingting moa tasol long stapim dispela tonamen long i noken kamap long dispela yia.

Dispela yia em bai namba 6 volibal tonamen bilong Noten Jon Volibal Lig long kamap

long Wewak, Is Sepik provins.

Mista Kama i tok husat eksekutiv i laik kamap i mas salim toksave long dispela telepon namba. 852 3632 o toktok wantaim Becky na Nathan long Lae long telepon namba 473 1713. Ol i ken toktok tu wantaim Hank Kadam long Vanimo long namba 857 1574 o salim feks long namba 857 1572.

PMSA bai ranim Fes Aid Kos

POT Mosbi Soka Asosiesen (PMSA) i singaut long ol klap i mas salim nem bilong wanwan pilaia o opisel bilong ol i go bai ol i ken sindaun long Fes Aid Kos long Septemba.

Vais Presiden bilong PMSA, Simon Koima i tokaut olsem dispela Fes Aid Kos em bikpela samting tru long ol pilaia na ol klap olsem na ol klap i mas harim tok na bihainim.

Koima i tok dispela Fes Aids Kos em bikpela samting bikos wanem samting ol dispela klap memba i lainim bai helpim ol pilaia bilong ol long pilai graun taim ol i pilai na bungim bagarap long gem. Ol yet inap helpim ol pilaia bilong ol long noken kisim bikpela bagarap moa sapos ol i ken stapim bagarap long i go bikpela.

Koima i tok PMSA i wok long mekim dispela

singaut long pilai graun tasol nogat wanpela klap i salim ol nem bilong ol memba bilong ol i go long ol yet. Tasol em i tok dispela em bikpela samting na ol klap i mas harim tok na bihainim.

Dispela Fes Aid Kos bai kamap long Septemba 1, 2 na 3 long dispela yia.

Pot Mosbi Soka Asosiesen nau i go insait long namba tu raun bilong soka resis bilong em long dispela yia.

Taim ol sinia divisen i go insait long namba tu raun, dispela wiken bai las gem bilong ol junia divisen long pinisim namba wan raun bilong ol.

Ol klap bilong PMSA husat bai i go pilai long Lae insait long Nesenel Klap Sempionsip em nem bilong ol i kamap klia pinis. Ol dispela klap

em LB Defence na ANZ University tim bilong ol man na ol meri em Cosmos, Telikom na ANZ University.

Koima i tok dispela em nem bilong ol PMSA klap tasol bikpela samting em nogut sampela klap i no inap mekim long go long Lae bikos long hevi bilong mani long salim tim long balus i go na kam bek.

Long sait bilong Pablik Sevans Soka Asosiesen (PSSA) em PNG Power na Lands tim bilong ol meri na Royal PNG Constubulary na Bank of PNG tim bilong ol man i gat nem long go long dispel nesenel klap sempionsip soka salens bilong ol man na meri long Lae long Septemba.

Tonamen bai stat long Septemba 12 na pinis long Septemba 16.



Pilaia bilong Dobo Warriors i kisim gutpela takol bilong Royals long Pot Mosbi A gret gem long las wik.

Lae Builders helpim DWU ragbi tim

Andrew Molen i raitim DWU studen

DIVINE Word University ragbi lig tim i kisim sapot i kam long Lae Builders and Construction kampani we i save sapotim ragbi lig long Papua Niugini long planti krismas i kam.

Madang brens bilong kampani i givim ol yunifom long ragbi tim bilong skul we i kos samting olsem K6000 olgeta long klap i ken yusim long Madang ragbi lig resis long dispela yia.

Dispela yunifom i karamapim tu ol samting olsem jesi bilong werim, spot trausis na soks bilong werim long lek. Brens mensesa bilong kampani long Madang Shane Mc Carthy i bin kamap long skul na givim ol dispela helpim bilong kampani long ragbi lig tim bilong skul.

Brens mensesa bilong kampani i tok Lae Builders and Contractors i save sponsorim ragbi lig insait long kantri long

... Kampani i lukluk long givim moa helpim long neks yia i go.

planti yia na olgeta taim kampani i save sponsorim Lae Bombers ragbi tim long ragbi lig salens bilong SP.Gems insait long kantri. Tasol long Madang dispela em namba wan taim ol i kamap na givim kain helpim olsem bihain long kampani i bin helpim Panthers tripela krismas i go pinis.

Em i tok bikos long bikpela pilai bilong Saut Pasifik Gems olsem na kampani no kisim inap yunifom. Tasol kampani i lukluk long givim moa helpim long neks yia i go. Tasol long dispela, yupela i mas lukautim gut ol dispela yunifom, McCarthy i tok.

Tim mensesa bilong klap Mali Puma i tok klap bilong skul i no save kisim dispela kain helpim i kam long ol bisnis na kampani na dispela em namba wan taim bilong skul long kisim dispela spona.

Em i tok olsem ol

bai pilai gut long kamapim gutpela nem bilong spot na skul na nem bilong kampani tu.

DWU ragbi tim i nogat gutpela yunifom na jesi bilong pilai tasol skul tim i wok long go pas long tripela divisen nau long Madang lig na dispela nupela yunifom bai kirapim tru bel bilong ol pilaia stret we ol inap pilai gutpela moa.

Puma i mekim bikpela tok amamas na tenkyu i go long kampani long dispela spona na em i tok dispela spona bai kamapim gutpela poroman namel long skul na kampani.

McCarthy i tok Lae Builders and Contractors i wok long mekim ol bilding projek long skul na tu i wokim nupela laibri bilong skul olsem na kampani i ting em i mas givim kain helpim na sapot olsem i go bek long skul.

WINIM K250 PRAIS MONI PAINIM BAL RESIS NAMBA 5. RUL BILONG PILAI. 1. makim X long poto yu ting bal i stap long en. 2. makim X long pen tasol. 3. Katim poto long sisos na salim long PAINIM BAL RESIS NAMBA 5. Wantok niuspepa. P.O. Box 1982, Boroko NCD. 4. Nambawan entri i makim stretpela hap bai i stap, em bai win. 5. Las de bilong kisim ol entri em pinis bilong olgeta mun. 6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003. 7. Disisen bilong komiti i makim wanpela wina em fainol. 8. Wina bai kisim sek mani, na i no long kes moni. 9. Sapos nogat wina bai skruim win moni i go antap long nara-pela resis. 10. Yu ken salim moa longwanpela entri, tasol noken yusim poto kopi. 11. Ol wokmanmeri na pikinini bilong Wantok niuspepa i no stap long dispela resis.

# Sentrel provins i gat nem long soka na netbal

SENTREL provins i gat nem long pilai soka na netbal long nesanel sempionsip na tu long ovasis gem. Dispela em toktok bilong Sentrel provins yut kodineta Daniel Mona long Kalo viles long las wik insait long Hoods Lagoons spot tonamen.

Gavana bilong Sentrel provins Alphonse Moroi i bin givim K5000 i go long Hoods Lagoon Spots Asosiesen long las wik long ples Kalo long Hula. Gavana Moroi i salim yut lida Daniel Mona long givim dispela mani long ol yangpela manmeri long dispela bikipela spot tonamen.

Mista Mona i tokim ol yut taim em i opim dispela bikipela spot tonamen we ol manmeri olsem 3000 i bin bung long ples Kalo olsem Sentrel provins bai sapatim wok bilong spot long ples. Em i tok ol yut

mas wok bung wantaim komiti long lukautim lo na oda na sindaun bilong ol long ples.

Em i tok gavman bilong Moroi na Nana bai wok hat long wok long haiwe na laikim ol yut long wok long graun bilong ol. Olgeta yangpela manmeri i mas wok long graun bilong ol na noken raun raun nating long Mosbi siti we planti trabel i save kamap.

Em i tok hamamas long presiden bilong Asosiesen Gele Gani long bungim planti ol yangpela yut manmeri long pilai soka na netbal. Em i tok Sentrel provins i gat namba long wanem planti ol yangpela i save pilai soka na netbal long nesanel na intanesenel level.

Edministreta bilong provins Glen Gabi i kikim bal long opim gem bilong soka. Em i tok provinsal gavman i stap

baksait long ol long sapatim na strongim spot insait long provins. Em i tok bai gavman i helpim ol long salim tim bilong soka i go long Lae long independens wiken long Septemba. Dispela tonamen long Kalo bai makim namba wan soka pilai long makim nem bilong Sentrel provins long dispela bikipela bung long Lae Morobe provins.

Hoods Spots Asosiesen bos Gele Gani i tok amamas long Gavana Alphonse Moroi na gavman bilong em long sapatim dispela spot tonamen na tok dispela em bikipela helpim long 22 yia long dispela program insait long Rigo distrik. Em i tok dispela tonamen bai ol i kolim Moroi Sil long dispela yia.

Em i amamas na tok dispela em bikipela helpim na ol manmeri

long dispela tonamen i amamas nogut tru long sapat bilong Gavana Moroi na gavman bilong em long wanem em fes taim helpim i kam long gavman.

Em i tok dispela kain spot tonamen na sapat olsem inap long bungim ol yangpela long Hood Pains Hood Lagoon, Beagle Bay, Sentrel Rigo na Omen olgeta long Rigo distrik. Dispela tonamen i stat long 1981 na i wok long kamap bikipela tumas na em i amamas tru long sapat ol yangpela i givim long em.

Dispela tonamen i bungim olsem 24 ples long Kalo, Kamali, Hula, Alewa, Irupara, Babaka, Kaparoko, Keapara, Alukuni, Karawa, Kore, Mamalo, Kwaipo, Ganimarupu, Mole, Alepa, Koulupu, Matairuka, Galoma, Riwali, Keina Kone na Kwikila.

# Toktok bilong Sir John Stedium i tanim nau

Henry Morabang i raitim

POT Mosbi Soka Asosiesen (PMSA) i painim hat liklik nau long winim bek graun bilong em, (Portion 1554) we PNG Spots Komisn i sindaun long en.

Insait long wanpela miting wantaim Minista bilong Spots Ledi Carol Kidu, Nesanel Kapitel Distrik Komisn (NCDC) Edministreta Bernard Kipit, Eksekutyut Dairekta bilong PNG Spots Komisn John Kambuou na ol arapela opisa bilong NCDC na ol spot, presiden bilong PMSA Fabian Chow i askim sapos NCDC bai stretim dispela hevi bilong graun namel long PMSA na

PNG Spots Komisn.

Mista Chow i kamapim tingting long senisim (Portion 1554) dispela graun long Sir John Guise Stedium wantaim hap graun long Sir Hubert Murray stadium.

Tasol dispela miting long Mande, i tokaut olsem ol bai toktok long em bihain. Na bikipela samting nau, em stretim olgeta samting bilong trening na pilai spot insait long NCDC.

Miting ya i toktok strong long kamapim wanpela ples bilong pilai (oval) long 9-Mail eria long bihain taim NCDC i groa bikipela.

Mista Chow i tok miting ya i senisim toktok nau na i laik luksave na developim ol arapela spot eria olsem long Gerehu

na 9-Mail.

• Ol bai fomim wanpela NCDC Stiarng Komiti long wanpela miting we ol spotting bodi i mas kamap long em. Miting ya bai kamap long Ogas 7 long PNG Spots Komisn hetkwata.

Long dispela miting ya Mista Kipit i tok dispela stiarng komiti bai lukluk long ol spotting eria ol i na gat pinis long rekot bilong ol.

Ledi Carol i tok sapos ol i laik kamapim ol spotting eria long ol kastom graun, ol i mas askim ol papagraun tu long stap insait long ol kain miting.

Ol papagraun i mas save long wanem kain helpim ol bai kisim sapos spot graun i stap long hap bilong ol.

# Praim Minista amamas long SP Gems rekot

Yakam Kelo i raitim

PRAIM Minista bilong Papua Niugini Sir Michael Somare i tok em i amamas tru long ol spot manmeri bilong Papua Niugini i bin go pilai long Saut Pasifik Gems bikos ol i bin winim gol na tu apim flak bilong kantri i go antap.


Sir Michael i tok maski gavman i gat hevi long sait bilong mani long helpim PNG tim, ol spot manmeri i bin kamapim gutpela nem long winim ol gol, silva na brons medol long SP Gems na dispela i kamapim gutpela nem bilong kantri.

Sir Michael i tok em i gat bikipela amamas tru bikos em i wok long bihainim olgeta ripot na rekot i wok long kamap long taim bilong SP Gems na em i amamas tru long lukim ol PNG manmeri i pilai strong long nem bilong kantri bilong ol.

Em i tok maski Nu Kaledonia na Frens Polinesia i winim ol gems, ol manmeri bilong PNG i bin pilai strong na abrusim mak bilong ol.

Sutim tok em gutpela tasol ol manmeri i noken tok baksait na sutim tok long ol spot tim o ol yangpela spot manmeri bihain long wanem kain spot ol i pilai long en i pinis. Sapos i gat ol tok baksait, ol dispela i mas kam pastaim long olgeta wok bilong redim tim na pilai i stat, Sir Michael i tok.

Noken tok baksait tasol mipela i mas glasim gut risal bilong olgeta tim na luksave long wanem as na ol i no win long gem taim PNG em i wanpela bikipela kantri insait long Pasifik rijon. Papua Niugini i bin winim SP Gems long 1991 bikos pilai i bin kamap hia long graun bilong mipela na mipela i pulapim tim long olgeta spot. Mipela i bin



• Sir Michael Somare.


kamapim planti gutpela risal long planti spot long 1991 i kam na mi bilip PNG bai winim planti gems i kam bihain, Sir Michael i tok.

Praim Minista i tok Nu Kaledonia na Frens Polinesia i winim gem long SP Gems bikos ol spot manmeri bilong ol i save go kisim planti trening long ol bikipela ovasis kantri olsem long Yurop na Frens.

Yumi noken tok baksait tasol yumi mas painim rot long ol hevi yumi i gat long wanem as na yumi i no win taim yumi i go pilai long graun bilong narapela kantri.

Yumi mas sapatim spot long olgeta level we ol yangpela bilong yumi i pilai long en long intanesenel level. Winim gem tasol i no wanpela bikipela samting bai kantri i kirap strong long en. Karim flak bilong Papua Niugini long ol intanesenel tonamen em bikipela samting olgeta pipel bilong PNG i mas amamas long en.

Praim Minista Sir Michael Somare i tok em i amamas long lukim planti yangpela manmeri bilong Papua Niugini stap insait long spot na makim kantri bilong yumi.



• Fowet bilong Royals i pas long banis bilong Dobo Warriors long A gret gem long Pot Mosbi las wiken. Tupela wantaim i dro 32-32 long fultaim. Foto: JOE IVAHARIA

# Nesanel soka klap sempionsip long Lae

PAPUA Niugini Futbal Asosiesen (PNGFA) bai kamapim nesanel klap soka sempionsip long Lae long independens wiken. Dispela nesanel klap sempionsip bai stat long Fraide 12 na pinis long Tunde 16 Septemba.

PNGFA Ekting seketeri Noel Mubiha i tokaut long dispela long las wik bihain long ol soka asosiesen i wok long askim long wanem taim bai dispela tonamen i kamap. Dispela em long givim inap taim long ol klap husat kamap long dispela tonamen long redim ol yet gut na salim tim bilong ol i go long Lae.

Sampela klap bai salim tim bilong man na meri wantaim long dispela nesanel klap sempionsip. Ol klap long ANZ University bilong Mosbi bai salim tim bilong man na meri wantaim. Ol klap long Mosbi bai i go long balus na dispela em wanpela bikipela wok tu long beim balus tiket bilong wanwan pilai na ol klap opisel bilong ol. Ol klap long Mosbi husat bai i go long Lae long klap sempionsip em; LB Defence na ANZ University tim bilong ol man na tim bilong ol meri em ANZ University, Cosmos na Telikom.

Long NCD Pablik Sevans Soka Asosiesen bai PNG Power

na Lands tim bilong ol meri na Royal PNG Constubulary na Bank of PNG tim bilong ol man bai salim tim bilong ol tu i go long dispela nesanel klap sempionsip long Lae.

Long Lahi Soka Asosiesen (LSA) bai Sobou i kam bek long traime winim bek dispela taitel bilong em gen we em i bin winim long las yia egensim PS United bilong Mosbi. Sobou bai i kam olsem difending sempion tim bilong dispela nesanel klap sempionsip. Ol arapela tim bilong Lahi em Unitech na Guria long sait bilong ol man na PNG Power na Guria long sait bilong ol meri.

# Nogat sas yet long ol lain i brukim SP Gems Lo

## SP GEMS RIPOT

I NO olgeta pilaia husat i bin brukim Lo bilong PNG Spot Federesen long noken dring bia long taim bilong Saut Pasifik Gems i kisim ol bikipela sas.

Sampela spot we ol pilaia bilong ol i bin brukim ol lo long SP Gems long Fiji i no givim wanpela sas long ol pilaia bilong ol bikos ol i ting eksen bilong ol i no bikipela hevi tumas.

Dispela Lo em PNG tim i bin kamapim pinis long hia long Jun 23 pastaim long ol i go long Fiji long pilai insait long SP Gems.

Dispela rul em Etletik Komisni i bin pasim pinis long bung bilong ol long Septemba las yia olsem olgeta spot manmeri na opisel i mas bihain dispela rul.

Moa long 8-pela spotman na wanpela opisel em ol i holim ol long brukim dispela lo na ol i salim ol i kam bek na arapela i stap bek inap SP Gems i pinis na ol i kam bek wantaim olgeta wan pilaia bilong ol.

Ol spot i bin gat nem long brukim dispela lo em volibal, soka, kriket, ragbi yunion na bodi bilding.

Ripot i kamap long PNG Ragbi Futbal Yunion i tok ol i sori olsem ragbi 7s tim bilong ol i bin kisim bikipela toktok.

Ripot bilong ol i tok ol i wok long lukluk yet insait na toktok long dispela hevi na wanem eksen ol bai mekim em bai ol i tokaut bihain long ol i pinisim olgeta wok ol i mekim nau. Tasol ol i tok i nogat planti samting ol bai mekim bikos pilai i bin pinis olgeta na ol i stap nating na dispela pilaia bilong ol i bin dring. Em i no bin spak na mekim nois o i go singaut long gem, ripot bilong yunion i tok.

Tasol ripot bilong ol i tok ol i no inap long tokim dispela pilaia olsem em i no inap long pilai ragbi yunion moa bikos em i bin brukim lo bilong SP Gems menesmen tim.

Long sait bilong kriket, opis bilong kriket i tok ol i no kisim wanpela ripot bilong sas i kam yet long PNG Spot Komisni long pasin wanpela opisel bilong ol i mekim long SP Gems.

PNG Kriket opis i tok dispela opisa bilong ol i bin go sindaun insait long wanpela miting bilong pati we Fiji Kriket Kaunsil i kamapim na bihain em i go sindaun gen long wanpela miting bilong Intanesenel Kriket Kaunsil long Fiji long dispela taim. Na em i gutpela pasin long toktok gut wantaim ol arapela spot opisel bilong narapela kantri long kain bikipela bung olsem. Olsem na em i ken dring liklik. Olsem na mipela ino lukim wanpela gutpela

as long PNG Spot Federesen i laik sasim opisel bilong kriket, ol i tok.

PNG Kriket opis i tok ol i no laik toktok planti long dispela bikos ol i paul tru long sasim kain lapun opisel olsem we krismas bilong em i 54 na em i save gut tru long wanem kain wok bilong em long mekim long PNG Kriket tim long dispela taim.

PNG kriket opis i tok ol samting i no bin kamap gut tu long laik na tingting bilong ol pilaia tasol bikipela samting em PNG kriket tim i winim gol medol. Tasol PNG kriket opis i tok ol bai tokaut long wanem samting ol bai mekim inap PNG Spot Federesen i kam aut wantaim ol sas bilong dispela hevi.

Volibal tu i gat nem long brukim lo tasol opis bilong PNG Volibal Federesen i tok ol bai givim ripot bilong ol bihain long ol i kisim ful ripot i kam long menesmen tim bilong PNG long taim bilong SP Gems. Bihain long dispela bai ol i toktok long en na tokaut long eksen ol bai mekim. Tasol PNG Volibal Federesen i amamas long risal bilong gem bilong ol long taim bilong SP Gems.

Soka opis taos i no tokaut lng disisen bilong ol long ol pialai bilong PNG soka tim husat i bin brukim dispela lo bilong SP Gems menesmen tim.

## Sponsa mani go long PNGSF opis o spot program?

**HENRY MORABANG**  
*i skelim tingting*

DISPELA wik, planti ripot i wok long kamap long PNG Spots Federesen (PNGSF) opis.

Namba wan toktok i kamap em bikipela sponsa, Mineral Resources Development Company (MRDC) i tokaut olsem em i no inap sapotim moa wok bilong PNGSF.

MRDC i mekim dispela bihain long PNGSF i givim baksat long em na i no luksave long kampani olsem gold sponsa.

Francis Kaupa, menesing dairekta bilong MRDC i bilip olsem sponsa mani i no save go stret long developmen bilong spot.

Orait bihain long MRDC, olpela PNGSF presiden Henry Kila i autim ol liklik hait pasin i save kamap long opis bilong PNGSF.

Tupela de bihain long toktok bilong Mista Kila, arapela eksekutiv memba Tony Green i tokaut em i risain olsem sinia vais presiden bilong PNGSF.

Sapos olgeta toktok bilong Henry Kila na Tony Green i tru ating bikipela senis i mas kamap long PNGSF.

Mista Kila i stap klostu 20 yia olsem wanpela eksekutiv bilong PNGSF na las 4-pela yia olsem presiden. Em man i ken mekim kain toktok long ran bilong PNGSF opis.

Tupela wik i go pinis, mi mekim wanpela toktok: PNGSF bai tok wanem nau? *Lukim Wantok Nius, Julai 17, 2003.* Nau olgeta toktok i wok long kamap ples klia.

PNG i pinis namba foa (4) bikos ol tim o spot i go pilai long Suva i no kisim gutpela trening. Olgeta yia, ol sponsa i save givim tausen kina long spots developmen na trening. Ol dispela mani i go we nau?

Sapos ol sponsa na ol spot i skelim gut, Sir John husat i wok long kisim toktok nau i save yusim planti taim bilong em long go ovasis long stap insait long ol kainkain miting bilong Saut Pasifik Gems Kaunsil, Osenia Olympic Nesanel Komiti, Komonwol Gems Komiti na i givim liklik taim long lukautim wok bilong PNGSF opis.

Na wankain tu i go long PNG Spots Komisni. Dispela opis em han bilong gavman tasol em i nogat gutpela program. As bilong dispela bikos ol wokman (bos) i no save strong long askim long mani.

Olgeta yia, PNGSC i save tok nogat mani bikos gavman tu i sot long mani. Olsem wanpela strongpela sapota bilong spot, mi bai sapotim toktok long Mista Kila na Tony Green long i mas gat senis.

Sapos PNG i laik win long 2007 SP Gem, em i mas stat nau wantaim nupela ol lain.

I tru Sief Sir Michael Somare i sapotim na amamas long Tim PNG tasol em i no amamas tumas long namba 4 ya. PNG i stap namba 4 long tupela SP Gems (1999 - Guam) na 2003 (Fiji). Nau PNG bai go we long 2007 SP Gems?

Ol spot na sponsa. Spot i stap long strong bilong yupela. Lukim yupela gen neks wik. Stap wantaim yupela olgeta long gutpela taim na taim nogut.

## PNGFA winim apil long Suprim Kot

### SOKA RIPOT

PAPUA Niugini Futbol Asosiesen (PNGFA) i winim pinis apil bilong em long Suprim Kot long skelim gen disisen bilong Jas Nicholas Kiriwom long kot namel long John Peka na PNGFA.

Long sindaun bilong Nesanel Kot long Lae long mun Me 23, 2003, Jas Kiriwom i mekim ruling olsem PNGFA i mas larim ol liklik senta i kamap memba bilong PNGFA.

Ol liklik senta ya em Nadzab, Bulolo, Gaifar, Boana, Finsafen, Vanimo, Aitape, Bel, Wewak, Rabaul, Buka na Kavieng.

Long strongim na sapotim dispela disisen, loya bilong John Peka, Gamoga & Co long Me 29, i salim wanpela pas i go long loya bilong PNGFA Rageau Elemi na Kikira na i askim long stretim dispela hevi ausait long kot.

Loya bilong John

Peka i laik PNGFA i mas luksave long 12-pela asosiesen na mekim ol kamap memba bilong PNGFA na ol arapela toktok em ol i ken stretim long Anuel Jenerel Miting.

*Wantok Nius* i painimaut olsem PNGFA i apil long Suprim Kot long lukluk long dispela hevi.

Las wik, wanpela eksekutiv bilong PNGFA Kisaku Posman i tokim *Wantok Nius* olsem PNGFA i winim apil long Suprim Kot na ol bai skelim dispela disisen gen.

Em i tok PNGFA i gat strongpela graun (evidens) long kamapim dispela apil.

Insait long dispela apil long Suprim Kot, PNGFA i askim kot long noken larim wanpela samting i kamap bihainim disisen bilong Jas Kiriwom inap Suprim Kot yet i sindaun na harim kot.

Dispela i min nau olsem PNGFA bai i no inap holim Anuel Jenerel Miting (AGM)

bilong em inap olgeta kot bilong em i pinis.

*Wantok* i bin traim long kisim toktok bilong loya, Rageau Elemi na Kikira tasol ino inap.

Insait long ol arapela soka stori, Mineral Resources Development Company (MRDC) bai mekim wanpela bikipela toktok long wanem kain sapot em bai givim long spot insait long kantri.

Dispela i kamap bihain long MRDC i no kisim gutpela luksave i kam long PNG Spots Federesen long taim bilong Saut Pasifik Gems long Suva, Fiji, las wik.

Mausman bilong MRDC Rueben Pokanau i tok olsem MRDC i senisim tingting nau long givim mani i go long spot na i no long Spots Federesen bikos em i no luksave long kampani olsem wanpela bikipela sponsa. Dispela konferens bai kamap nau long 2 kilok.



• Skul soka i wok long go strong long Mosbi olgeta wiken long Sir John Guise stadium.

## 14 senta tasol i afiliet long PNGRFL

### RAGBI LIG RIPOT

WANPELA ten foa (14) ragbi lig asosiesen tasol bai stap insait long nesanel ragbi lig sempionsip. Dispela sempionsip bai kamap long Lae long Septemba 19-21.

Ekting jenerel menesa bilong PNGRFL Joe Tokam i tok olsem dispela sempionsip bai kamap long tupela pul. Long Pul A em Bialla, Kavieng, Kundiawa,

Lae, Rabaul, Ramu na Tabubil. Na long Pul B em Goroka, Kimbe, Madang, Mt Hagen, Popondeta, Porgera na Pot Mosbi.

Mista Tokam em i Junia Developmen Opisa bilong PNGRFL tasol nau i kisim wok ekting bihain long Kevin Murphy i risain.

Siaman bilong PNGRFL Jim Robins i tok olsem PNGRFL nau i painim bikipela hevi long mani long sapotim wok bilong

em. Em i tok olsem em i nogat mani na tu em i no save kisim helpim i kam long intanesenel bodi olsem ol arapela spot kriket na soka.

Bihain long dispela sempionsip ol bai makim wanpela tim long salensim Junia Kangaroos long Oktoba 19 kong Pot Mosbi.

Arapela bikipela ragbi lig resis, Kokoda Trail Memorial gem bai kamap long Townsville long Oktoba 15 egen-


sim Australia selek sait. Dispela PNG tim bilong Townsville bai i gat ol pilaia bilong ovasis na tu ol sampel pilaia bilong lokel korr petisen long yia.

Mista Tokam i PNGRFL i gat 29 ol memba asosiesen tasol 14 i memba wantaim PNGRFL.

Em i tok PNGRFL nau i wok long painim bikipela hevi bihain long jenerel menesa Kevin Murphy i risain long wok



# WANTOK Spots



# Lockyer aut

## Australia Kangaroo

## New Zealand Kiwi



• Brent Tate, Brisbane Broncos.



• Andrew Johns, Newcastle Knights.



• Willie Mason, Canterbury Bulldogs.

AUSTRALIA fulbek Darren Lockyer i kisim bagarap olsem na ain man bilong Sydney City Roosters Shannon Hegarty bai kam insait long kisim ples bilong Lockyer insait long Australia Kangaroo tim taim ol i pilai egensim Nu Silan Kiwis long Fraide.

Hegarty i bin soim strongpela gem bilong em stret long taim em i bin pilai long Kwinslen sait egensim Nu Saut Wels long las wik.

Hegarty bai pilai long winga na Roosters fulbek Anthony Minichiello bai go daun pilai long fulbek.

Kosa bilong Kangaroo Chris Anderson i tok dispela em wanpela bikpela hevi long sait bilong Kangaroo taim ol i lusim kain gutpela pilaia olsem Lockyer long dispela taim bilong tes gem egensim Nu Silan.

Anderson i tok em isave olsem dispela bai wanpela hatpela gem tru egensim Nu Silan Kiwis olsem na dispela em i hevi long tim. Tasol em i gat planti bilip long

Anthony Minichiello long mekim saming stret long fulbek bikos em i bin soim ol naispela stail na gutpela gem tru long taim bilong Stet ov Orijon.

Long wankain taim tu fowet bilong Nu Silan Kiwi Ali Lauti'iti bai i no inap pilai long Fraide tumoro long makim kantri bilong em egensim Australia. Bikos NRL judiseri i bin rausim em long pilaim wanpela gem bihainim wanpela takol nogut em i bin mekim long las wiken gem taim tim bilong em Penrith Panthers i bin pilaim Newcastle Knights na winim dispela gem. Lauti'iti em wanpela bikpela fowet husat inap lukautim gut fran lain bilong Kiwis long


brukim ol banis bilong Kangaroo.

Australia Kangaroo bai bungim Nu Silan Kiwi insait long bikpela ragbi lig tes gem long tumoro nait. Dispela em ol Australia ragbi lig pilaia yet bai salens i go i kam bikos Nu Silan tim i gat olgeta pilaia husat i save pilai long Nu Silan Warriors na ol arapela NRL klap long Australia.

Nu Silan Kiwi bai kam insait wantaim planti ol

Warriors pilaia husat i bin pilai long gren fainel las yia egensim Sydney City Roosters we ol i lus long gren fainel. Wan wan pilaia bilong Nu Silan i kam long arapela Australia klap olsem Paramatta, Bulldogs, Cowboys, Broncos, Raiders na Storms.

Toktok i kamap pinis long lusim fulbek bilong Australia Kangaroo Darren Lockyer bikos em i gat bagarap long lek bilong em.



• Hap bek bilong New Zealand Kiwi Stacey Jones i mas go pas long beklain sapos ol i laik winim Kangaroos.

### OL PILAIA

**Kiwis:** David Vaealiki (Eels), Matt Utai (Bulldogs), Francis Meli (Warriors) Clinton Toopi (Warriors), Nigel Vagana (Bulldogs), Willie Talau (Bulldogs) Stacey Jones (Warriors), Paul Rauhihi (Cowboys), Richard Swain (Broncos), Ruben Wiki (Raiders) (c), Stephen Kearney (Storms), Tony Puletua (Panthers), Awen Guttenbeil (Warriors), Jerry Seu Seu (Warriors) Logan Swann (Warriors)

**Kangaroos:** Matt Sing (Cowboys) Anthony Minichiello (Roosters), Shannon Hegarty (Roosters), Jamie Lyon (Eels) Brent Tate (Broncos), Shaun Timmins (Dragons), Andrew Johns (Knights) (c), Shane Webeck (Broncos), Danny Buderus (Knights), Luke Bailey (Dragons), Dane Carlaw (Broncos), Gorden Tallis (Broncos), Luke Ricketson (Roosters). Risev: Bryan Fletcher (Rabbitohs) Craig Wing (Roosters), Willie Mason (Bulldogs), Petero Civoniceva (Broncos).



• Willie Talau, Bulldogs.



• Richard Swain, Broncos.



• Monty Betham, Warriors.

STRONGPELA TRU

# Colgate

## Toothpaste bilong PNG stret!



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.